



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### **Usage guidelines**

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



## A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

## Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

## À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



HISTO  
DES  
POISS

59  
«457»  
38

# L'histoire naturelle des

ESTRANGES POISSONS  
MARINS,

AVEC LA VRAIE PEINCTVRE

*Et description du Daulphin, & de  
plusieurs autres de son espece,*

Obseruee par Pierre Belon du Mans



59  
415  
638 P



ἀντὶ τοῦ εἶδ' αὐτοῦ μοῖον ἢ ἀλλὰ τῆ ἐν ψυχῇ.

Α. 109.607

AVEC PRIVILEGE.

A PARIS.

Del'imprimerie de Regnaud Chaudiere.

1551.





ΕΙΣ ΤΟΝ ΑΙΔΕΣΙΜΩΤΑΤΟΝ ΚΑΙ

ἐκλεμπροτάτον κύριον Καρδινάλιον τὸν ἀπὸ τοῦ  
Καστιλιοναίου Πέτρου Βελλονίου φιλοστρόφου.

Δέχνησο σὸν βερέπικτος ὑπὲρ ταῖς ἄμματι πρᾶφ.  
ἐξ ἰδίας σπουδᾶς, τουτί σο' ἠουκτίδ'ιον.  
τυῖθον μὲν τελίθε τῶ ἀρχῶν, ἐς δ' ἐνέωτα  
σοῦ γ' ἐπικουρωῖτος, μείζον ἐποισόμεθα.  
οἷως γὰρ φιλόμουσι πέλιες ἐμὸς ἀσπιδ'ιώτης.  
τᾶφ, σὺς προσασίας οὐδὲν ἄνευ τελίσω.

AD DOMINVM ODDONEM CALI-  
gnium Castellionem Cardinalem, Claudij Calderij  
typographi hexastichon.

*Si volucrum natura placet, iucundaque situ est  
Quadrupedumque omnes lectio docta iuuat:  
Qui natale solum dorso premit æquora Delphin,  
Quique freto varius mergitur Ionio,  
Non erit extorris: sed sub te numine dexter  
Proderit, & volucres quadrupedæsq; teret.*

A monseigneur mōsieur le Reuerendis-  
 SIME CARDINAL DE CHAS-  
 TILLON, LIBERAL  
 Mecenas des hommes studieux,  
 entiere prosperité.



**M**ONSEIGNEVR, me trouuant en ce  
 loisir, duquel ie suis a present par vostre beni-  
 gnité iouissant, apres auoir descript en nostre  
 langue, les choses memorables, & les richesses  
 de la terre de plusieurs pays estranges ou i'ay  
 esté, & la fertilité de diuerses mers, dont vous  
 auez veu plusieurs pourtraicts, & desquels il vous a pleu me ouir  
 parler: & sachant bien que vous n'auetz plus grand plaisir, que d'em-  
 ployer le temps cōuenable, a entendre les choses qui sont extraittes  
 de l'intime cognoissance des histoires naturelles: & que donnez vo-  
 luntiers quelques heures du iour apres les repas, a deuiser & ouir  
 des propos d'erudition qui ne trauaillent point l'esprit: Apres que  
 i'ay considéré, que vous estiez souverain admirateur des choses prin-  
 ses de l'antiquité: & que les Princes de ce temps la, ont estez si cu-  
 rieux de faire retirer les vrayes effigies des choses qu'ils auoient  
 propose faire engrauer en leurs medalles, qu'ils n'ont iamais permis  
 qu'on y ait feinct vne faulse peinture, ains se sont efforcez de re-  
 couurer les plus excellēts ouuriers qu'ils pouuoient trouuer, & aussi  
 qu'ils n'espargnoient rien a enuoier gents exprez en diuerses parties  
 du monde, pour chercher les choses dont ils vouloient auoir le por-  
 traitt contrefaict au vif: Et que i'ay cogneu que les effigies des  
 Daulpbins qui sont maintenant grauees en toutes les especes des  
 monnoies modernes, n'ont non plus d'affinité avec le naturel, que  
 de commun avec celles, qu'on voit grauees es statues ou es monnoies

A 2. antiques.

antiques. Je me suis mis en deuoir, de vous rendre les vraies peir.  
Etures des Daulphins, retirees tant du naturel que de l'antique, au  
quellesie n'ay rien adiousté d'artifice, ne diminué, non plus qu'on y  
a trouué: a fin de les vous presenter mais non sans vous en faire  
demonstration: car i'ay aussi escript toute l'histoire qui appartient  
a la nature du Daulphin, ou i'ay pareillement adiousté plusieurs  
autres figures des animaux qui sont de son espece: a fin que vous  
aiât spécifié chascune chose par le menu, i'aye lieu de pouuoir mieuls  
prouuer que ie ne me suis pas trompé par erreur, en prenant l'vn pour  
l'autre. Laquelle histoire il m'a semblé bon mettre en nostre langue,  
desirant que sous vostre autorité, a laquelle ie l'ay dedié, plus de  
personnes en eussent plaisir. Vous suppliant Monseigneur, la rece-  
uoir de mesme visage, qu'il vous a pleu recevoir l'auteur d'icelle,  
quand il s'est présenté a vous.

## Preface.



**C**OMBIEN que entre les auteurs Grecs, Aristote, Porphyre, & Elian aient escript plusieurs liures de la nature des animaux: Oppian, des poissons: Nicander, des serpents: & que Pline entre les Latins, les ait indifferemment quasi tous recueillis ca, & la, tant des defus diéts, que de plusieurs autres auteurs, qui les auoient obseruez par l'og vsage: Toutes fois ie n'ay laissé d'en elire le seul Daulphin entre tous ceuls dont i'ay eu la cognoissance, en les cherchant sur les lieux de leur naissance, duquel i'ay mis la description & peinture a part: & y ay adiousté ce qu'il m'a semblé necessaire a l'explication de toute l'histoire de sa nature: veu mesmement qu'il n'y a iamais eu loy, tant fust rigoureuse, qui deffendist qu'on ne peust bié adiouster vne chose raisonnable, a ce qui auroit este desia inuenté. Et cognoissant qu'il n'est animal plus vulgaire, ne plus commun en la memoire des hommes, qu'est le Daulphin: & que toutesfois il ne s'est trouué homme qui le cognoisse: i'ay entrepris d'en bailler les viues images, & de faire qu'il soit cogneu de tous. Laquelle chose ie pretés faire par les vrais portraicts, & par les obseruations que i'en ay faiétes: non pas seulement de luy, mais aussi de plusieurs especes de son genre, tous lesquels i'ay amplement descripts en deus liures, dont ie

A3. propose.

propose que le premier monstrera toutes les parties  
tant de sa peinture extérieure, que de toutes les au-  
tres de son genre. En apres le second fera veoir tou-  
tes autres choses, qui concernent les parties intérieu-  
res, par leurs anatomies, & peintures d'icelles. Oultre  
plus a fin que aiant confuté les monstres qu'on a  
uoit autre fois imaginé pour les peintures  
des Daulphins, en noz monnoies, ie  
puisse môstrer que les portraicts  
qui en ont este faicts, soiét to-  
talement fauls: & aiant lieu  
de pouuoir prouuer que  
i'ay mis la vraye peintu-  
re des Daulphis a la clar-  
té des homes, vn chas-  
chun se persuade de  
les auoir a la verité.

4

Le premier liure de l'histoire naturelle  
DES ESTRANGES POISSONS  
marins, avec la vraie peincture & toute la  
description des parties exterieures du  
Daulphin, & plusieurs autres de s<sup>o</sup>  
espece,

*Obseruce par Pierre Belon du Mans.*

*Chapitre premier.*



**M**AINTENANT que i'ay trouué iuste  
occafio de parler du Daulphin, & des autres  
poiffos de s<sup>o</sup> espece: sachât bié qu'il soit vn  
poiffon qui tient le scepre en la mer, & qu'<sup>o</sup>  
luy ait donné le second lieu es armoiries en  
France: & aussi qu'il soit en dignité, le pre-  
mier apres les fleurs de lils: ie me suis mis  
en deliberation de descrire amplement toute l'histoire qui luy  
conuient, suiuant vne particuliere obseruation de toutes les par-  
ties, tant exterieures que interieures: descriuant fidellement tou-  
tes choses qui doibuent estre librement descriptes, sans y adiou-  
ster ne diminuer chose que Nature ne luy ait doné, laquelle nous  
cognoissons si benigne a tout ce qu'elle produict, qu'elle n'oublie  
iamais de bailler le douaire aux choses tel qu'elle voit iustement  
appartenir a ce qu'elle ha engendré. Mais comme pour le iour-  
d'hui ie voy que les auteurs modernes qui se mettent a descri-  
re la nature des animaux ou des plâtes qu'ils ne cognoissent pas,  
me semblent estre semblables aux chantres de vieilles chansons,  
qui ne chantent que par vsage, sans auoir la science de musique:  
Tout ainsi ie n'ay proposé de m'amuser aucunement a leurs ra-  
mas, ne aussi aus fables qui en ont esté faiçtes. Car ie m'en rapor-  
teray a ce que les principauls auteurs anciens en ont escript,  
desquels il me suffira prendre l'authorité en preuue de ce que i'  
escriray: veu mesmement qu'ils ont eu si grand soing en mettât  
les choses par escript, qu'ils n'ont rien laissé en arriere, tellement  
que ce que lon en dict apres euls, & principalement Aristote,  
touchant

touchant ce qui appartient a la principale descriptif de l'histoire ne soit que vne repetition dicte plusieurs fois. Aussi qui ne les ensuit de bien pres, n'ha pas grand chose a dire qui soit nouvelle. Voila donc comment les modernes qui ont cheminé par les pas des antiques, qui se sont mis a traicter de la nature des animaux qu'ils n'ont pas veu, n'en peuuent dire sinon ce qu'ils en ont trouué es liures des autres. Dont plusieurs pour le iourd'huy ont faict des ramas de toutes choses mal a propos, en prenant indifferemment des autheurs, tât de ceuls qui en ont menti, comme des autres qui en ont escript a la verité. Et comme il est a presupposer que tous n'aient pas entendu la verité de la chose qu'ils ont escripte, aussi si les modernes qui ont marché par leurs pas, ne l'ont entendue, il leur auroit esté impossible de scauoir distinguer les marques mal escriptes, de celles qui en ont esté dictes a la verité. Je n'ay donc pas failli en disant que tout ce qu'ils en escriuent, n'est que redicte, qui n'ha rien d'assurance ferme & stable. Et pour en monstrier vne pour exemple, ie prendray le Daulphin, & les autres poissons de son espece. Il n'ya cellui de ceuls qui escriuent de sa nature, qui ne mette qu'il ait vn aguilló dessus son dos: & toutesfois ie maintiens qu'il n'en ha point. Dót vient l'erreur qui ha trompé tant de gents, sinon qu'il n'ya eu encor personne qui se soit mis en debuoir de l'observer? Voila donc comment l'vn ensuit l'autre en toutes notes. Mais ie espere specifier ceste chose plus au lóg, quád i'en parleray en son propre chap. presuppôsât qu'vn chascú face du mieuls qu'il luy soit possible, & aussi que l'excuse soit par tout tolerable: veu mesmemét que tous hōmes se mettēt en debuoir de faire du mieuls qu'ils peuuēt. Parquoy sachât que l'aage renouuelle tout, & aussi que no<sup>9</sup> voiós quasi toutes choses se chāger de iour en iour, i'ay escript vn discours particulier touchant ceci, qui au parauant n'a esté escript de personne. Et ce que ie pretens faire, n'est autre chose, sinon que ie vueil enseigner la vraie perspectiue du Daulphin, & aussi en bailler la peincture, laissant toutes prolixitez inutiles, mais au surplus n'publiant rien de quoy ie me soye peu souuenir des notes qui luy conuiēent singulierement: a fin que ayāt mis & exposé toutes les parties exterieures & interieures, selon que ie les ay obseruees en diuerfes contrees du monde, vn chascun se puisse

se puisse persuader, que ie n'aye rien escript, chose que moy mesme n'eusse veue.

*Combien que le Dauphin ne soit pas cogneu des Francois pour tel, toutes fois ils l'ont en commun usage, mais il n'est pas nomme par son nom propre.*

Chapitre 11.

OR pour ne m'esloigner d'auantage de mon entreprise, qui est que ie puisse m'ostre qu'il ne soit poit veu de poisson plus commun par les poissonneries qu'est le Dauphin: ne di toutes fois, pour ce qu'il n'a pas retenu son antique appellation, que l'on ne trouue personne qui le puisse bien cognoistre. Mais comme le sort permet les choses, les Francois en n'y pensant point, & ne sachants point que c'est luy, l'ont constitué en si grand honneur, qu'ils luy ont baillé le titre du Roy des poissons, tant de la mer, que des lacs & riuieres. Oultre plus ils l'ont tant estimé, qu'ils l'ont mis le second apres les fleurs de lils, tellement qu'ils l'ont portraict en toutes les especes des monnoyes d'or, d'argent, & de cuyure, & peinctures d'armoiries, d'estandards, & banieres.

*Que le Dauphin soit souverain es repas des Francois es iours maigres: mais ils ne pensent pas que soit luy, d'autant qu'il a usurpé le nom d'un autre.*

Chapitre 111.

D'AUantage ils ont voulu qu'il retint aussi la reputation du premier lieu entre tous autres poissons qui sont apportez de la mer. Car apportez a la poissonnerie, tous ont contenti qu'ils soient seulement dediez pour estre presentez au repas des plus riches, ou bien a ceuls qui ont le moyen de faire vn peu plus grande despense: car les delicats qui ont le palais plus finand, l'ont estimé estre le plus delieieux qu'on puisse trouuer en la mer. Mais les Francois ignorants leurs richesses, & ne cognoissants pas que c'est luy, ne le scauent exprimer, sinon que par vn mot qu'ils ont emprunté d'estrange pais, lequel ie declareray tantost. Mais combien qu'il ne soit appellé Dauphin, il ne laisse pas pourtant d'obtenir le premier lieu en toutes sortes. Et pour parler de ceuls es mains detuels il tombe pour la premiere fois, encore qu'ils soient des plus rustiques de tout le riuage de l'Océa, pour cela il ne demeurera pas pour euls: & encore qu'ils ayent coustume d'estre nourris des poissons prins en leur contree, ce neantmoins ils ne le mangeront pas, sachants bien que telle viande ne conuient a leur nature.

B. ture:



ture: Car pour y auoir plus grand gain, ils le feront porter aus villes de terre ferme, le voulâts consacrer quasi cōme chose vouee, & ceuls qui ont plus d'argent en leurs bourfes pour en acheter. Et encores qu'on en puisse bien recouurer, scauoir est qu'il ne soit tant rare de soymesme, toutesfois son excellence le fait sembler pretieus. & principalement s'ils l'apportent aus iours maigres: esquels iours on ne faict festins ne nopces, qu'on puisse vanter auoir eité sumptueus, si on n'y a mangé du Daulphin: non pas que les Francoys le cognoissent & le nomment de telle dictiō de Daulphin, mais comme i'ay desia dict, tous l'appellent d'vne voix eitrange qui n'est pas Frācoyle, ains empruntee des estrangiers. Voyla donc comme le Daulphin reste en toutes qualitez en son entier, excepté qu'on luy a mué son nom. Car comme ie diray ci apres faisant distinction de son gēre par les especes, il est improprement nōmé eu Frācoys. Vray est que ceuls qui le nōmēt plus proprement que les autres, l'appellent vne Oye. Mais pour ce que ce nom n'est asses entendu, i'en parleray par apres generalement & plus amplement.

*Qu'il n'y ait que les hommes de la religion Latine qui mangent du Daulphin, & que les nations du pais du leuant n'en mangent aucunement* Chapitre IIII.

**A**pres que i'ay dict que le Daulphin soit singulier es delices de nostre natiō, ie n'ay voulu passer outre, s'as y adiouster ce que i'en ay trouué es autres pais: qui sera bien propos contraire touchant ce poinct. Car comme il soit delicat entre les Francoys, & qu'il tiene le premier lieu entre les poissions, les estrangiers ne pourrōt lire ceste clāufule sans s'en emerueiller, veu meismement que toutes les nations du leuant estiment vne chose cruelle, & a euls abominable, d'outrager vn Daulphin, & par consequent ils s'abstiennent du tout d'en manger. Et commenceray par les Grecs, desquels la superstition est accreue entre euls plus grande qu'elle ne fut iamais, & principalement touchât le boire & le māger. Car encore pour le iourd'hui, ils s'abstiennent entierement tout le temps de leurs quaresmes de manger poisson qui ait s'ag aussi ne voudroyent gouster de la chair du Daulphin, quand ils debueroyent mourir de faim. Et quand on leur en demande la raison, ils ne scauent alleguer sinon qu'ils tiennent cela par vsage, suuant les fables dont ie parleray cy apres. Et a mon aduis

aduis, ſuiuanc ce que nous en trouuons par eſcript, ie croy que les anciens Grecs ne les ayent iamais pourchaffez en la mer, pour les manger. Pluſieurs des anciens autheurs, auſſi Epimenides & Eliá, ont eſcript que les Grecs les tenoyent ſacrez, comme auſſi furent conſacrez a Neptune. C'eſt de la que tous les habitáts du riuage de la mer, a la coſte d'Asie, de quelque religion qu'ils loyent, n'en mangent non plus que ceuls des riués de la mer Ionique & Adriatique, ne auſſi vne bonne partie de la mer Mediterranee, & pareillement de la mer Pontique, avec tous les autres qui ſont reſtez du parti des Grecs, & nations qui n'obeiſſent pas a l'eglite Rómaine, comme Sercaſſes, Elclauons, Vallacques, Dalmaes, Rnſſiens, Albanois, & principalement ceuls qui habitent aus riuages des mers, tant du Pont Euxin, que de l'Adriatique. Leſquels ſuiuans la religion Greque penſeroient auoir leur conſcience grandement chargee, ſ'ils auoyent tué vn Dauphin, car il n'y a ceſlay d'entre euls, qui ne ſache raconter l'hiſtoire d'Arion, comme ſi c'eſtoit vne choſe qui fuſt aduenue de noſtre téps. Et pource que en traffiquant il leur cōuient quaſi touſiours étre ſur mer, ils ont le commun parler tant antique touſiours en leurs memoires, de ceuls qui ont dict auoir experimenté que le Dauphin ſoit miſericordieul, & qu'il faille l'aimer, pource que le Dauphin aime ceuls qui ſont tombez en la mer, ce la meſme amour: cōme ſi ceuls qui ſont tombez les auoient aimez auant qu'ils y tombaſſent. Pour cela ils ne permettront iamais les laiſſer nayer, ains les mettront ſur leur dos, & les conduiront iuſques au riuage. C'eſt la raiſon qui a induict les Grecs de les auoir anciennement nommez Philantropos de nom Grec, qui ſignifie ami de l'homme: & ſuiuanc leſqueles hiſtoires, ils ſ'abſtiennent de les offenſer. Pluſieurs poetes & hiſtoriens ont eſcript beaucoup de fables des Dauphins, deſquelles ne pretens eſcrire, ſinon en l'endroit qui mettra neceſſaire a la prouue du propos que tiendray. Voyla quant aus Grecs, & autres qui enſuiuent leur religion.

*Que tous les Mahometiſtes, ne mangent point du Dauphin, & la raiſon pourquoy ils le font.*

Chapitre V.

D'auantage il ya pluſieurs autres natiōs qui n'en māgent point, mais ils ne le ſōt pas ſans raiſō. C'eſt que toutes les natiōs qui enſuiuent la loy de Mahomet, comme les Turcs, Arabes, Egy-  
B.2. ptiens,

ptiens, Perſes, Syriens, ont opinion que la chair du Daulphin leur ſoit deffendue, d'autant qu'elle reſſemble a celle d'un porceau. Et que le porceau eſtant defendu en leur loy, ſemblablement tiēnēt que telle chair du Daulphin leur ſoit defendue: auſſi n'en mangent ils point.

*Raiſon pourquoy les Iuiſs ſ'abſtiennent de manger du Daulphin. Chapitre VI.*

**E**N cas pareil les Iuiſs en quelque part de la terre qu'ils ſoient, ne māgent point le Daulphin, ne des autres poiſſōs qui ſoyent de ſes eſpeces. Car quand a eulſqui ſont obſeruateurs des cōmandements de Moyſe, il ne leur eſt licite de manger poiſſon qui ne ayt des eſcailles. Par ainſi ils ne pourroient manger du Daulphin ſas transgreſſer leurs commandements: auſſi n'en mangent ils poiſ, car il n'a point d'eſcailles.

*Preuve par demonſtration, que les Italiens non plus ceulx qui ſont en terre ferme, que ceulx qui ha ne mangent point du Daulphin, bitent aus riuages.*

*Capitule VII.*

**I'**AY deſia nommē beaucoup de nations, qui ne mangent point du Daulphin, ne auſſi des autres qui luy ſont ſemblables, deſquelles nations ie n'ay rien eſcript touchant le Daulphin, que moymeſme ne l'aye entendu en eſtant en leur pais, & auſſi cogneu par experience. Mais pour ne parler de ſi loing, ie puis dire ſemblablement, qu'il y a pluſieurs gents en Italie, qui n'en uent point manger. I'ay dict raiſon vray ſemblable pourquoy toutes les autres nations n'en mangent point: mais a ceſte ci ie n'en ay point, ny ne ſcay pourquoy ils le font, ſinon que pour exemple, i'ay eſté long temps couſtumier de deſcendre par eue de Padoue, me partant tous les iceudis au ſoir, & ſelon la couſtume du pais, & m'eſtant embarqué deſſus la Brēte, allant toute nuit le bateau ſe trouuoit a Veniſe le vendredi matin, ou ie demouroie tout le iour, obſeruant les poiſſons qu'on auoit apportez de tous coſtez au marchē: auſſi y ai ant eſté reſidēt les quareſmes entiers, ay ſouuent demandē a tous les peſcheurs ſ'ils vendoiēt iamais du Daulphin, mais tous m'ont aſſeurē qu'ils n'auoiēt ſouuenance que iamais ils euſſent veu vn ſeul Daulphin apportē a Veniſe, ne qu'on y en euſt iamais vēdu. Et qu'il ne ſoit vray, mōſieur Daniel Barbar<sup>o</sup> l'un des pl<sup>o</sup> doctes gētils hōmes de Veniſe,

maintenāt

maintenât ambassadeur en Angleterre esleu d'Aquilee, qui a entreteû a ses gaiges l'espace de huit ans vn tresexpert peintre nô mé meïler Plinio, le faisant ieulement besongner la plus part du temps aus peintures de toutes epecies de poissons, retirant tant ceuls de la mer Adriatique, que de la Mediterranee, & des fleues & lacs de toute Italie: & lequel il a si bien fait belongner, qu'il ha le portraict contrefaict au naturel des viues images non ieulement de ceuls qui ont estés apportez au marché ou es poissoneries de Venise: mais ausi des autres qui luy ont estés singulièrement enuoyez des ports & plages d'Euclauon: es lesquelles peintures sont beaucoup plus de trois cets de copie fait, & desquelles par sa bonte ledit meïler Daniel Barbarus, m'a octroïé faire retirer au pinceau celles que j'ay voulu choisir: mais en toutes, il n'y auoit point de peinture de Daulphin. Voila donc comme ie prouue par demonstration qu'on ne peïche point des Dauiphins en la mer Adriatique Car si lon y en peïchoit, il est ausi a croire que monsieur Daniel Barbarus, en euit eu le portraict en ses peintures. Ceuls de Naples m'ont asseuré le semblable de leur ville, & ausi de Missine, & de Genes, comme ausi ceuls de toutes les autres grosses villes qui sont situees au riuage sur les ports des mers du contour d'Italie: comme ausi les autres qui s'ont en terre ferme, & mesmement a Rome. Car vn trescaûnt medecin nômé maïstre Gilbert, Flament & homme curieux de recouurer les peintures des animaux, m'a asseuré que en tout le temps & espace de dix ans, il ne veit onc apporter q vn seul Daulphin a la poissonerie. lequel encor ne fut pas mangé: car il ne le trouua personne qui en voulut acheter, sinô quelque peu d'estrangers: & qu'il en acheta, pour auoir la greïse, & les oïlements de la teste, qu'il garde en son cabinet. Nous auons encore plusieurs autres beauls exemples qui sont de ce temps ci. Car les habitants de la ville de Rimini en Italie, au riuage de la mer Adriatique, trouuerent vn Daulphin n'a pas long temps, qui estoit demouté a sec sans eue dessus le sablon, a vn quart de lieue de leur ville, lequel ils firent charger dedens vn chariot tout en vie, & l'amenerent a Rimini, ou il vesquit trois iours. Et il est vray ce qu'ils m'en ont dict, ceuls qui l'amenerent gaignerent vne grande somme d'argent a le môtrer. Car chascû qui le vouloit veoir, bailloit quelque piece

d'argent. La mesure qu'ils mōstroient de la longueur, estoit pres d'une aulne & demie. & toutefois iamais homme ne tasta de sa chair. Car ils n'ont point d'usage d'en manger: sinon qu'ils se seruirent de sa gresse. Et pour en laisser memoire, ils purgerēt les ossements de la teste, laquelle ils gardent encore avec sa queue pendue au dessus de la porte de la ville, qui est la pchaine du port. auquel lieu il y auoit l'escaille d'une tortue, dōt ils en ont cōtrefaiēt vn monstre, mettant la teste deuant, & la queue derriere: & pour autant que ie fei retirer le portraict des ossements de ladicte teste, ie l'ay faiēt représenter en ce lieu avec la peincture des Daulphis, cōme lon pourra veoir ci apres quād ie parleray des interieures parties de la teste du Daulphī. I'auoye tout ceci a dire en prouue que les Italiens n'aient acoustumē de manger du Daulphin, de laquelle choie il me sēble qu'il iuffit pour ceste heure, de ce que i'en ay dict.

*Que les hommes des pais du Leuant pensent que soit plus grande cruaultē d'offenser vn Daulphin, que de tuer vn homme: & qu'ils l'ont en grande veneration.*

Chapitre VIII.

**I**AY voulu adiouster d'auantage, qu'il n'y a aucū des pescheurs Turcs, Grecz, Esclauons, Albanois, & autres gents qui suiuent la religiō Greque, qui se mette iamais en effort de faire mal a vn Daulphin: mais ils ont de coustume, que quand aucū d'entre euls ont pris vn Daulphin dedens les rets, ils prennent bon augure, & encore que le Daulphin eust faiēt dommage aus retz, ils ont grād paour de luy faire mal: & le remettēt en la mer, avec parolles de saincteté, en disant des prieres, & estimants que quand ils ne leur feront violence, cela leur pourra profiter en autre temps. Car celluy d'entre euls qui se pourra raisonnablement vanter qu'il ait donné liberté par dix fois a vn Daulphin, pēsera en acquerir grāde louange entre ses compaignons. Et a ce les meut vne commune raison que i'ay desia par ci deuant escripte. C'est qu'il n'y a cel luy d'entre euls, qui n'ait opinion, que quand ils seroient en vne extremité a la mercy de la mer, ou que leur nauire seroit froissée contre les rochiers, ou autrement brisée ou batue, entre les vagues des horribles tempestes de la mer, ou bien qu'il fust iecté en l'eau par la malice de ses compaignons, comme fut Arion, que les Daulphins qu'il auroit autrefois deliurez de captiuité, en recōpēse

compenſe luy ſauueroient la vie. Et oultre ce que j'ay dict, enco-  
re dure vne autre opinion non ſeulement entre les Grecs, mais  
auſſi entre quelque partie des Italiens, & principalement entre  
les mariniers Venitiens, que ſi il y auoit quelcū en leur nauire qui  
euſt tué vn Daulphin, & la nauire ſe trouuoit ſur la mer eſbran-  
lee de la tēpeſte, tous les Daulphins qui ſeroient la au tour, viē-  
droient faire perir leur nauire, pour le vĕger de celluy qui auroit  
commis vn tel crime. Par cela ils craignent de leur faire mal, de  
paour que cela ne leur aduienne. Car comme ils voyent les Daul-  
phins accompagner les nauires en la mer, principalement quād  
il faiçt grande fortune, tout ainſi le bruit eſt qu'ils donneroient  
ayde a vn chascun a ſe ſauuer. Ce ſont les railons pourquoy plu-  
ſieurs nations ne veulent point faire d'oultrage aus Daulphins,  
& par conſequent ſ'abſtiennent de les manger.

*Que grande partie des hommes de la religion Latine, au contraire  
des Grecs, Turcs, & Iuiſs, ſont plus friāts de la chair du Daulphi  
que de nul autre poiſſon.*

Chapitre I X.

**M**Ais ceuls qui ſont de la religion Latine, moins ſcrupuleus  
que les ſuſdicts, tant de ceuls qui habitent au riuage de l'O-  
cean, que de bonne partie des autres qui ſont en la mer Mediter-  
ranee, ne ſont point couſtumiers de faire telles difficultez: ains  
comme j'ay deſia dict, ils l'appetent plus que nul qui ſoit entre  
tous les autres poiſſons. Et par cela il n'en y a point d'autre qui  
vienne a ſi hault pris par les poiſſonneries. Car en quelque temps  
de l'annee qu'il ſoit apporté au marché, il ha touſiours ſa valeur  
en hault pris: car on n'a point faiçt diſtinction du tēps en quoy  
il eſt en ſaiſon. Et ce qui a faiçt qu'il ait retenu ſa dignité eſtant  
cogneu, a eſté le hault pris en quoy l'ont mis les grands ſeigneurs  
qui ſe le ſont reſeruer, par ce poinçt la: ſi eſſe que eſtant ſi com-  
mun comme il eſt, & n'eſtant pas cogneu pour Daulphin, j'ay eu  
dueil de le veoir reueſtu d'un nom ſi barbare. Et maintenant que  
j'ay propoſé luy rendre ſon nom ancien, ſachant bien que c'eſt  
haulte entrepriſe, que de vouloir deſtruire vn nom ia long tēps  
vſurpé, a fin de ne troubler l'eſperit de ceuls, qui pour le commen-  
cement pourront trouuer que cela ſoit trop dur, j'ay cherché les  
moyens pour le rendre plus facile a leur digeſtion. Mais auant  
que ie procede plus auant a ſon hiſtoire, il m'a ſemblé n'en dire  
d'auanta.

d'auantage, que ie n'aye premierement exposé d'ouviét la cause qu'il ait mué ce nom de Daulphin, & qu'on l'ait surnommé d'un autre. Car quand au Daulphin, il reite tousiours en son entier, & encore qu'on n'ait continué a le nommer Daulphin, & qu'il ait emprunté le nom d'un autre, qu'on luy a baillé indecemment, touteffois i'espere en dire la raison preientement.

*La cause pourquoy le Daulphin a pris vn nom barbare en France.*

Chapitre X.

C'Est que quand les pescheurs de nostre natió ont pris vn Daulphin en leurs riuages en plaine mer, ignorants son nom François, & ne le sachants exprimer par le nom ancien, ils luy en ont baillé vn barbare, qu'ils auoient apprins des estrangiers. Et les estrangiers luy inuenterent vn nom comme ie diray. Car estant libre a toutes natiós d'imposer les nós aux choses qui leur estoient vulgaires, quand elles n'en auoient point: ils les cherchoyent le mieuls a propos qu'ils pouuoient inuenter, correspondants a la chose nommee: comme il est aduenu a ce Daulphin. Car mesmement quand'ils ont veu ce poisson dont ils auoient l'usage, estat haché en pieces, estre seblable a la chair d'un porceau, ils luy ont voulu bailler vne diction correspondante a cela, a fin qu'il tint le nom de la chose a laquelle il ressembloit, luy baillant son etymologie de la mer & du porceau. Ce furent premierement les hommes qui tiennent le langage du bas Alleman, & n'y a point de faulte qu'ils n'ayent eu ceste appellation auant les Francois, comme ie puis bien prouuer par le nom qu'il retient pour le iourd'huy: & comme ainsi soit qu'il ne soit pas Francois, aussi est il emprunté du bas Allemã. Car d'une voix commune nous le nommons du Marfouin. Mais Marfouin est ce langage Francois? Veritablement ie croy qu'il n'y a celluy qui ne tache bien que non. Et pource que peu de gents scauent qu'il soit Alleman, & qu'il signifie porceau de mer, ie l'ay voulu exposer ainsi, c'est que mer ou meer en leur langage, signifie en Francois la mer: & cheuein ou sauin signifie vn porceau: tellement que quand lon cõioinct ces deus dictions ensemble, on prononce mer fouin: mais les Francois dient mar fouin, qui est a dire porceau de mer.

*Que les Bretons Bretonnants nommants le Daulphin, aient ensuiuy vne mesme etymologie.*

Chapitre XI.

Les

LES Bretons aussi, n'en exceptant non plus ceuls de L'arm or nants, non plus que ceuls qui sont furnommez Bretons Gallots, touts en leur langage, & d'une voix commune l'appellent du Morhouch, & mesmement ils ont enuoyé ce nom la iusques en quelques endroits ou lon parle Francois, tellement que le Marfouin perd son nom, & se change en Morhouch des la ville d'Angiers, de Nantes, & autres villes voisines des Bretons, ou lon parle Francois: & le nomment du Morho, qui est nom signifiant ce que j'ay dicté en Alleman, correspondant en Francois au porceau de mer. Car mor en Breton, est a dire mer: houch est a dire porceau, en sorte que ceste diction Morho signifie autant que Porceau de mer.

*Que le Daulphin soit appellé en Angleterre de la mesme signification susdicté en langage Anglois.*                      Cbap. XII.

LES Anglois ont suyui ceste mesme etymologie, le nommâts en leur vulgaire Porc pisch: ainsi que l'auons ouy nommer estants en la ville de Londres. Et traduit de mot a mot, au recit de plusieurs sçauants medecins Anglois, & entre autres de monsieur Io. Watson, qui singulierement entre les autres est diligent a la contemplation de telles choses, signifie la mesme chose que j'ay dicté des autres nations.

*Que quelque fauls nom que le Daulphin tiene es autres nations, toutesfois elles le nomment en leur langage, mais les Francois le nomment en Flament*                      Cbap. XIII.

LES Frâcois me semblent l'auoir nômé le plus mal que touts. Car combien que ceste voix, Porceau de mer, ainsi prononcee en nostre langue, & en Latin Porcus marinus, conuiène a vn autre poisson qu'au Daulphin, comme ie diray cy apres: toutesfois il est plus tolerable aus autres nations qui le nomment en leur langage vulgaire, que aus Francois le nommant de nom estrâgier.

C. Les





Les Anglois le nomment en leur langage, & les Bretons aussi: mais les Francois le nomment d'un nom emprunté du langage de Flament ou bas Alleman.

*Que les Latins mesmes ont plus de mil ans usé de ce nom en leurs escripts, iuyuant le vulgaire, pour exprimer le Marsouin.*

Chap.

XIIII.

**Q**VI voudroit tourner ce nō de Marsouin, & le rendre Latin, on l'appelleroit *Marsio quasi maris sus*. Ou si nous le pronōciōs Marsouin, ou Marīouī on l'appelleroit Mur syo, ou Mor syo. Car mesmement on liēt diuersement toutes ces deus dictions en Pline, qui au neufiesme chapitre du neufiesme liure, a descrit vn poisson qu'il nomme Turfio en ceste maniere. *Delphinorum similitudinem habent, qui vocantur Turfyones*. Les autres exemplaires ont Torfyones. Et qui auroit changé le T, a vne M, l'on prononceroit Murfyones, ou Morfyones, qui seroit a dire Murfous, ou Morfousins. Or ce que les Latins ont appelé Turfyo, ou Torfyo, ie prouueray bien que les Grecs l'ayent nōmé Phocæna. Laquelle chose Theodorus Gaza n'a pas ignoré, lequel tournant Aristote de Grec en Latin, a receu ceste dictiō Tiryō, pour la Greque Phocæna, suyuant l'authorité de Pline. Car tout ce que Pline a escript de *Turfyone*, Aristote l'auoit dict de *Phocæna*. Nous parlons de ce *Phocæna* ou Marsouin plus amplement en son propre chapitre. Parquoy ie retourneray a mon Daulphin.

*Que la voix de Daulphin, reste en la memoire des hommes, mais qu'il ne soit point de poisson qu'on cognoisse pour Daulphin.*

Chap.

XV.

**E**T combien que le Daulphin est indiscrettement nōmé Marsouin, & bec d'Oye: ie ne di pas qu'il n'y ait vne voix de Daulphin, qui reste imprimée en la memoire des hommes, de laquelle tous se souuiennent, & le scauent nommer & cognoistre en peinture & es armoiries, & es monnoyes tant d'or que d'argent,

ou

ou il est faulſement repreſenté. Si eſt ce pourtant, que qui deman-  
deroit a tous les peiſneurs qui ſont en la grande mer occidenta-  
le ſe ils cognoiſſent quelque poiſſon nommé Daulphin, tous af-  
ſeureroyent que non. Si eſt il touteſfois beioing qu'il ſoit vn poiſ-  
ſon tenât le nô de Daulphin. Et ſi il y en eſt quelqu vn, il fault par  
côſequent qu'il ſoit cogneu, & que ſoit celuy que j'ay dict, ou bié  
vn autre. Et a fin de eclaircir ceite propoſition par le menu, & de  
la prouuer par euidente demonſtration, j'ay voulu propoſer quel  
que contradiction.

*A ſcauoir ſi il eſt point d'autre poiſſon a qui le nom de  
Daulphin cōuint mieuls qu'au Marſouin, ſurnom-  
mé vne Oye.*

Chap. XVI.

Voulant prouuer par demonſtration que le ſuſdict Marſouin  
nommé vne Oye, ſoit le vray Daulphin, ſuppoſant premie-  
rement vne côtradictiô par moy meſmes, en après j'auray deux  
choſes a conſiderer. C'eſt a ſcauoir ou qu'il fault que ie me met-  
te en effort & debuoir de prouuer que c'eſt celuy que ie di: ou bié  
chercher ſi il ſ'en trouuera point d'autre que ceituy ci qui puiſſe  
obtenir le nom du Daulphin. La contradiction par moy ſuppo-  
ſée eſt telle. Je poſe le cas qu'on ne me veuille conceder, que ce  
ſoit luy, mais totalemēt côtre dire a tout ce que j'en ay dict: ſca-  
uoir eſt qu'on nie que le Marſouin qui eſt nommé Bec d'Oye,  
puiſſe eſtre celuy que les anciens ont entendu pour Daulphin, &  
que mon Oye ou Marſouin ne conuienne non plus avec les pein-  
ctures qu'on a anciennement faittes des Daulphins, qu'avec cel-  
les qui nous ſont repreſentées par les modernes: & ſemblablemēt  
qu'il ne cōuienne en rien avec la deſcriptiô des anciens. A quoy  
ie reſpondray pertinemment.

*A ſcauoir ſi il eſt point prins de Daulphin en la gran-  
de mer Oceane.*

Chap. XVII.


Auant que reſpondre a ce que j'ay ſuſdict, ie demanderay pre-  
mierement ſi il y a teſmoignage de quelque auteur, que la  
grand mer Oceane ne nourriſſe des Daulphins. L'on me reſpon-  
dra

dra ouy, ou non. Et si l'on diét que ouy, aussi faudra il par consequent confesser qu'on en puisse bien pescher quelques fois, tout ainsi qu'on faiét des autres grands poissons qui y sont, veu mesmement qu'on y pesche de grandes Balaines, de grands Chauldrons, de grâdes Ondres. Si lon me diét qu'on n'y en pesche poit aussi fault il dire qu'il ny en ait point. Car il est manifeste que toutes sortes de grands poissons y sont prinſes & peschees. Et si l'on y en prend, qu'on me face dire par quelquonques qu'on voudra choisir des mariniers & pescheurs qui hantent la mer, ou par ceuls qui vendent les poissons es grosses villes, tant des riuages, que de terre ferme, de quelle forme est celluy qu'ils veulent entendre que ce soit le Daulphin. Desia ne peult on raisonnablement nier quil n'y ait vn poisson naissant en la grand mer, qui s'appelle le Daulphin. Voila quant a l'vn des susdicts poinçts. Mais si l'on ne trouue personne de ceuls que i'ay susdict, qui ait souuenance d'auoir iamais veu vn poisson qui s'appellast du nô de Daulphin, & que i'entreprene de le trouuer, alors ce sera a moy d'en chercher vn, lequel ie trouueray bien tost. Mais si on uouloit dire qu'il n'y en eust point, il me semble qu'on ne feroit pas peu de tort a nostre grande mer Oceane nourrice de toutes les especes de poissons, lestimant tant sterile & infertile qu'elle ne produise point de Daulphin, lequel on estime le Roy des poissons. Je croy toutefois qu'il n'est homme qui vueille nier qu'elle n'en produise. Et si elle en produict, aussi nous le fault il cognoistre. Mais côme i'ay diét, ayant changé leur nom ancien, tous les nomment Bec de Oyes, ou Marfouins, comme i'espere bien prouuer par ci apres. Voyla que i'auoye a répondre a ce que i'ay diét par ci deuant. Je ne me arresteray maintenant gueres sur la premiere question ce sera quand i'en bailleray la peinture. Car comme il soit manifeste que noz Marfouins qui sont surnommez Becs d'Oyes, conuiennent en toutes sortes avec les notes qui furent iadis escriptes du Daulphin, laquelle chose ie pretens prouuer en les descriptuant, & conferant leur description tant de l'exterieure que de l'interieure partie: ie passeray oultre, laissant a conferer ce qui a esté escript par les anciens, iusques a la description du Daulphin, que ie remets aux chapitres a ce propres.

*Que les peintres peuuent donner telle curuité que leur  
plaiſt aus Daulphins, ſans leur faire rien perdre de la  
naiſue figure du naturel.* Chap. XVIII.

Quant eſt a ce que l'Oye, ou marſouin, ne conuienne avec les peintures qui ont eſté faictes anciennement des Daulphis, qu'on a graué es monnoyes antiques: Auant que proceder plus oultre a toucher ce poinct icy, il me fault preſuppoſer qu'on cognoiſſe bien le poiſſon dont ie vueil parler, ſçauoir eſt le Marſouin qu'on a ſurnommé Oye. & auſſi qu'on ſache bien quels ſont les portraicts des Daulphins qui ſont retirez ſur les medalles, & ſtatuës, antiques, eſquelles les Daulphins ſont repreſentez: car les vns y ſont courbez, & vultez en arc, & les autres y ſont tous droictz: deſquels i'ay faict retirer les portraicts, tant des vns que des autres, a fin de monſtrer que cela ne prouient ſinon de l'induſtrie du peintre, qui le peult diuerſifier ſeló que bon luy ſemble, ou qu'il plaiſt a celui qui les faict retirer: côme ló peult veoir par ceſte preſente figure retiree d'une antique peicture d'une ſtatue cõtrẽfaictẽ aupres du naturel, laquelle toute courbee qu'elle eſtoit, n'auoit rien perdu de la ſymmetrie de la vraie proportion qui eſt requiſe a la groſſeur & longueur du Daulphin.

*Vray Portraict d'un Daulphin courbé, retiré de l'antique.*



Que les Daulphins ne soient voutez ne courbez nō  
plus en la mer que sur terre.

Cha. XIX.

**I**'Ay biē voulu touchervn poinct de la courbure des Daulphins: Car quant a euls, ils ne sont pas courbez, comme on les met en peicture, & n'est aussi trouuē que Aristote ne autre autheur anc iē digne d' estre creu, qui ait onc eicript que les Daulphis soyēt voutez. Et cōbien que Plinē & Ouide ont dict *αὐρορεπῶς*, ce n'est pas a dire que tout le corpz soit voutē, car il n'y ha que le dos: L'erreur vient dont ie diray: C'est qu'on les apperçoit iouuent saulter en l'air & qu'en saultāt leur sault n'est pas de s'enancer en l'air droict contremont, ne aussi de retomber droict d'oū ils sont sortis, comme font les Pelamides, & les Tons: mais c'est que quand ils viennent hors de la mer, pouleē de grande roideur, en se dardant impetueusement, ils sortent la teite la premiere: & quand ils retombent, ils vont moult loing de l'endroict dōt ils sont ius, tellemēt qu'ils retūbent si droicts sur le bout de la teite, que leurs queues demeurerēt quelque temps hors l'eau. Et pource qu'on a veu, que leur sault ha faict la perspective d'vn demy cercle, lō a cuidē que celle rōdeur prouint de la forme de leur corps: mais cela est fauls. Et qu'il ne soit vray, soit pris vn baston pour exemple, & qu'vn homme le iecte de la poincte du pied en l'air, & qu'il vienne tomber sur l'autre bout: ceuls qui serōt loing, l'auront veu prēdre vn tel tour de demy cercle, qu'il aura semblē que le baston mēme ait estē courbē. Et si les Daulphins estoiet courbez en la mer, aussi le seroient ils en terre quand ils y sont apportez. Ceci soit dict touchant de sa curuitē. Les peinctres les peuuent bien peindre courbez, & leur peuuent faire retenir leur nayfue figure: mais touressois qui veult parler du naturel, il n'est nullemēt courbē: chose que ie pourray prouuer par moult grand nombre de Daulphins portraicts en plusieurs medalles fort antiques, tant en or, argent, qu'en cuyure: qu'il a pleu a monsieur le tresorier Grollier me mōstrer, esquelles sont representez les Daulphins, dont la plus grāde partie sont tous droicts, comme nature les ha produicts.

*Que les Daulphins representez es medalles antiques, conuenientement de poinct en poinct avec le portraict du Marsouin surnommé Bec d'Oye.*

*Chap. X X.*

**E**N allegant les medalles ou i'ay veu les Daulphins portraicts, ie ne pretens point enseigner, ne rendre la raison pourquoy l'oy ait graué ou peinct les Daulphins: comme quád i' allegue pour tesmoignage celles de monsieur le tresorier Grollier, hôme singulierement diligent a chercher les choses antiques, & de plus grâ de bonté de nature a les communiquer: mais pour mettre deuât les yeuls la naïfue figure du Daulphin, qui en tous poincts conuenient avec le portraict que i'ay faict retirer quand i'ay representé les Marsouins surnommez Becs d'Oyes. Parquoy i' ils conuenient ensemble, nous aurons raison de conclure que soit vne mesme chose. Car baillant la figure de l'Oye, il n'y a celluy qui ne la puisse conferer avec le naturel apporté de la mer: & ou il ne seroit trouué estre son vray portraict, il y auroit occasion de me reprendre. Lequel portraict de l'Oye puis mis en cõparaison avec ceuls qui sont retirez de l'antique, monstrent a l'œil qu'ils aient estez retirez tous deux d'un mesme patron.


*Que les Anciens autheurs, approuuent que les Daulphins aient este grauez es monnoies antiques.* Chap. X X I.

**M**Ais quant a celles des medalles, ie croy qu'il n'y a celuy qui ne les vueille bien approuuer pour peintures de Daulphins. Car qui le voudroit nier, il seroit facile de le prouuer par l'autorité de Aristote & des autres anciens autheurs: veu mesmement que les Tarétins long temps auant la grandeur des Romains auoyent desia faict grauer les Daulphins en leurs monnoyes, en memoire de Taras fils de Neptune, lequel on feinct auoir esté mué par les autres dieux en vn Daulphin. De la vient que Taras fils de Neptune soit portraict sur vn Daulphin, en la maniere de ceuls qui sont a cheual, tenants le Daulphin bridé, le cõduisant la ou il veult. Voila quant aus Daulphins portraicts es monnoyes des Tarentins. Semblablement le Roy Asis auoit vn Daulphin graué en ses monnoyes, lequel portoit vn petit garson dessus son dos. Aussi est il assez approuué que Tite Vespasian auoit en ses de-

uiles

uiles & medalles le Daulphin entortillé autour de l'Ancre, signifiant ce que disoit le prouerbe ancien d'Auguste Cæsar, *Festina lente*. Car côme il n'est oyseau en l'air, ne vire d'arbaleste qui soit plus impetueuse, ne qui puisse aller plus viste que le Daulphin, & qu'il n'est chose plus tarde & qui retienne mieuls que faict l'Ancre, tout ainsi ces deux Ancre & Daulphin assemblez ensemble estant de nature contraire, signifient quelques temperance. Voila quant aux Daulphins qui on esté portraicts es medalles de Tite Yespasien, lesquelles nous auons veu ou i'ay dict. Nous auõs aussi bien veu les medalles de Claudius Cæsar avec Neptune tenant vn Trident, assis dessus vn poisson, qui ha bië la semblance d'vn Daulphin mais ie croy que n'est cellui que les auteurs nômerët Orca, duquel ie bailleray la peincture par ci apres. Pline parlât de ce poisson, racõpte entierement toute l'histoire faicte par Claudius Cæsar, lequel estant au port de Ostia, qu'il faisoit rediffier, en print vne, dont il feit spectacle au peuple Romain. & croy que il l'ait faict retirer en ses medalles, & que ce soit elle qu'on y voit portraicte, & non pas vn Daulphin: i'en parleray plus amplemët a la fin de ce liure en descriuant le poisson nommë Orca. D'auantage nous auons veu le portraict des Daulphins qui sont es monoyes d'Auguste, & Ruffus, Tybere & Domitien & Vittellius, qui sont toutes Latines. Mais encore oultre les Latines mon dit sieur en a des Greques, qui me semblent beaucoup mieuls obseruees que les Latines: & celles qui sont les plus antiques, sõt les mieuls elaborees, desquelles sont retirez ces presents portraicts.

*Vray portraict du Daulphin retiré d'vne antique medalle de monsieur le Tresorier Grollier.*



Les

Les Daulphins sont naïfvement representez en ceste figure aussi est elle d'une tres antique medaille, laquelle mondict sieur estime estre Greque. Il n'y a point d'escripture autour, aussi elle ne est pas en forme plane en la superficie du cōtour, comme les autres medalles, mais est rōde par les bords, & ha deux petites oreilles. C'est ce que l'auoye a dire touchāt les effigies des Daulphins que nous auons veus grauez sur diuerſes especes de monnoyes antiques, toutes lesquelles conuiennent avec les peinctures de nostre Bec d'Oye.

*Que quelques vns aient eu opinion que l'Esturgeon fust le Daulphin: mais qu'il soit tout le cōtraire. Chap. XXI I.*

IE voy que plusieurs de ceuls qui sont admirateurs des choses naturelles, & qui ont grand plaisir en regardant de plus pres aus choses memorables, se complaignants quasi en euls mesmes, de ne veoir aucun poisson en France obtenir le nom du Daulphin, de ne pouuants iuger lequel ce pourroit estre, se sont efforcez selon l'imagination qu'ils en auoient conceue, de maintenir qu'il n'y eust point d'autre qu'on cogneust, a qui le nom de Daulphin peult mieuls conuenir qu'a l'Esturgeon, & ainsi l'estats totalement persuadez que l'Esturgeon deuoit estre appellé Daulphin, l'ōt affermé estre vray. Quāt a ce point, leur opiniō est ailee a cōfuter: & pour ce faire ne vueil qu'une merque: c'est que nul poisson peult estre appellé Daulphin, si il n'a la queue en maniere de lune en croissant: parquoy si l'Esturgeon estoit le Daulphin, aussi faudroit il qu'il eust la queue en lune. C'est vne merque que tous ceuls qui ont escript du Daulphin, ont mis en memoire, desquels il me suffit en prendre pour exemple en tesmoignage vn seul Ouide, lequel parlant des nautōniers Tyrrheniens, lesquels il feinct estre tranſmuez en Daulphins, dict

*— Falcata non summa cauda est,*

*Qualia dimidiē sinuantur cornua lune.*

Or l'Esturgeon n'a pas la queue en lune, aussi n'est ce pas a luy a qui le Daulphin conuient. Je ne vueil pas parler de l'Esturgeon plus amplement, sinon que pour monſtrer que nous n'ayons pas ignoré quel il est, & aussi pour mōſtrer qu'en auōs la peicture. Et

D. l'ay



l'ay voulu faire mettre ici, a fin que ceuls qui estoient en ceste opinion, la changent avec vne meilleure. Ce que ie nomme Esturgeon, a Bordeaux est nommé du Creac. Et combien que l'Esturgeon croisse en longueur exceisive, comme estoit celui qui fut apporté au Roy Francois a Montargis, lequel estoit long de dix-huict pieds, ce neant moins il n'estoit pas Daulphin pour cela.

*La vraie peinture de l'Esturgeon.*




*Que plusieurs aient estimé que l'Adano, qui est moult grand poisson, nourri au Pau estoit le Daulphin, & qu'il soit tout le contraire.*

Chap. XXIII.

IL n'y a celuy qui ait leu l'histoire du Daulphin qui ne sache bié quil ait le nez fort long. Et pource que lon trouue vn poisson nommé Adano en la riuiere du Pau de moult grande corpuléce, beaucoup plus grand que l'Esturgeon, & qui est du genre de l'Esturgeon, plusieurs ignorants sen nom ancien, ont eu opinion que c'estoit le Daulphin: mais il l'appelle *Attilus* Et a fin que quelque autre ne pensast que ce fust vn Daulphin, i'en ay aussi voulu bailler la peinture avec son vray nom. Je n'en bailleray pas la description en ce lieu, d'autant qu'il ne se peut referer en rien qui soit des especes du Daulphin. Et n'ay baillé la peinture sinon pour témoignage contre les faulses opinions qu'on auoit du Dau'phin.

*La portraicture du susdict poisson de desme'uree grãdeur, nourri en la riuiere du Pau, nommé Attilus.*




*Que le Ton, encor qu'il soit de grande corpulence, & qu'il ait la queue en Lune, il est toute fois different au Daulphin.*

*Chap. XXIII.*

SEmblablement le Ton estant moult grâd poisson, aiant quelque tēblance avec le Daulphin, ha doné occasiō a plusieurs qui ne le cognoissoyent pas, de le soupionner pour Daulphin. Mais a fin d'en otter l'erreur, i en ay voulu bailler la peincture, & au demeurant n'y mettant rien de sa description, car ie ne pretēs mettre chose par escrit en celiure, qui ne conuienne al exterieure & interieure hystoire du Daulphin.

*La peincture du Ton.*



*Que le nom de Marsouin conuienne a plusieurs poissons, selon la commune appellation vulgaire, & la raison pour quoy le Daulphin se nomme vne Oye. Chap. XXV.*

Ayant proposé de r'oublier rien de ce qui appartient a l'hystoire du Daulphin, ie ne puis bonnement ce faire sans y comprendre maintenant les autres poisson qui sont de mesme espece, lesquels doibuent estre nommez en son genre. Car l'appellatiō du nom de Marsouin est generale a plusieurs poissons. Parquoy ayant mon principal poinct pour but qui est de bailler la vraye

*Dz. peinctu.*

peincture du Daulphin comme nature l'a produict, sans luy adiouster note ou merque qui soit artificielle, ou diminuer, & a fin de prouuer que celuy qui entre les especes des Marsouins est nommé vne Oye, soit le Daulphin, il faudra premierement entēdre, que nous auons deux poissons assez communs, & qui sont quasi apportez tous les vendredis aux marchez des poissonneries des grosses villes, & principalement de Paris, ressemblants l'vn a l'autre, indifferēment nommez Marsouins. Mais entre euls il y en a l'vn qui particulieremēt est nommé Bec d'Oye, ou Oye: lequel n'est pas du tout si cōmun qu'est l'autre espee: qui pour auoir le nez plus lōg, ha trouuē distinctiō d'avec l'autre Marsouī. Et cōme les Geneuois ont nommé le Singe de mer *Pesce pada*, pource qu'ils luy veoiēt sa queue faicte a la maniere d'vne espee platte: semblablemēt & par argumēt pareil le Daulphin aiāt le nez lōg, ha prins le nom d'vne Oye. Et le poisson nommé *Xiphius* qui ha le nez lōg cōme vne espee d'armes, dont il ha gaignē son appellation Greque & Latine, sēblablement ha esté nommé a Marseille & a Genes le poisson Empereur. Le di a Genes estre nommé Empereur, a la differēce des susdicts Singes de mer, qui ont vne queue moult lōgue cōme vne longue espee platte, par cela ils l'appellent *Pesce spada*, & en Frācois poisson a l'espee. Mais le *Xiphius*, auquel les Francois ont veu porter le nez si long, a esté par euls nommé Heron de mer. Aussi pour ce qu'il y ha vne des especes du susdict Marsouin, qui ha le nez long a la façon d'vne Oye, sēblablement ils l'ont nommé vne Oye. Voila que i'auois a dire de la susdicte Oye & de ce qui ha meu les Frācois a luy auoir baillé ce nō. C'est vne note infallible: pour scauoir biē distīguer l'vn d'avec l'autre. & de laquelle Aristote au iiii<sup>e</sup>. des parties ha faict mention. Car il ha dict en cest endroiēt la que le Daulphin ha le bec lōg & rōd, *Quī rostrū Desphino rī* (dit il) *structura tereti ac tenui sit, facile scidi in oris habitū nō potest*. Voila quāt a la premiere espee des Marsouīs & la principale de toutes les autres, car c'est celuy qui est le vray Daulphin. L'autre espee de Marsouin, dict en Grec *Phocæna*, en Latin *Torsyo*, & duquel la cognoissance est plus vulgaire, & qui tient le vray nom de Marsouin est sēblablemēt appellē marsouin comme l'autre dessus dict, n'ayant en toutes sortes autre surnom Francois. Encor y a

vne

vne autre tierce espece de Marsouin, dont j'ay semblablement retiré la peinture, qui est vn poisson que ie n'ay pas veu souuent trouue en commun vsage. Et pource que j'en bailleray la description ailleurs ensemble avec la peinture, j'ay remis toutes choses a les ipecifier en leur chapitre. Ceste espece est seulement differente en grandeur aus deux premieres, & en quelques autres particuleres merques & pource que ie diray toutes les differences des trois en leurs particuliers chapitre ie ceteray d'en parler presentement car il fault que ie baille premierement leurs distinctions par noms propres.

*La distinction de leur nom, & que l'Oye soit le Daulphin  
Et que le Marsouin soit de son genre. Chap. XXVI.*

**P**Vis donc qu'il est ainsi, que les Daulphins & les Phocenes s'ont communement nommez Marsouins, & qu'il n'est aucun poisson que nous cognoissons pour Daulphin que les susdicts, & qu'il n'y en a aucun de tous les autres qui iustement puisse tenir le nom de Daulphin que le Bec d'Oye, il m'a semblé bon apres que j'en ay baillé des portraicts retirez de l'antique, pour conferer avec l'Oye, en bailler consequemment la peinture, n'en faisant autre discours que celui que j'ay peu obseruer, sans faire amas des escripts de l'autrui, sinon en tant que ie m'en seruiray a quelque propos qui puisse estre feât a la distinction des susdictes especes. Car nommant le Daulphin, il faudra entendre de l'Oye. J'ay mieuls aimé retenir la diction du Daulphin tant ancienne, que le nommer du nom de Bec d'Oye. Et a fin que le nom du Marsouin ne soit confus, ie l'ecriray, pour exprimer le poisson que j'ay dict estre nommé en Latin *Marsyo*, ou *Tursyo*, & *Phocæna* en Grec & ainsi par ce poinct on n'engendrera point de confusion aus especes.

*Qu'il ne soit moderne de veoir l'engrauerie des Daulphins  
sur les monnoies. Chap. XXVII.*

**A**Pres que j'ay suffisamment parlé des Daulphins qui sont portraicts es monnoyes antiques, j'ay voulu consequemment par-

ler de ceuls qu'on voit graués es monnoies modernes, desquels il est tout manifeste que la peincture en est faulse. Dôcques ce n'est pas chose moderne de veoir les Daulphins retirez en peincture & en armoyries, enseignes, ou sculptares des monnoies, & autres engraueures, en toutes espees de metauls. Car des le temps des plus anciens Troyens, Telemachus qui fut fils d'Vlysses (ainsi que Guido de Colona a escript en l'histoire de Troie) portoit vn Daulphin peinct en son eicu, en l'honneur de celui qui l'auoit sauué du peril de la mer. Et côme i ay dict de Taras qui fut lóg tēps auant la puissance des Romains, les Tarentins l'auoyent retiré en leurs armoyries & monnoyes. Atheneus autheur Grec & Valtarnus de rebus Britonum escriuent que Cæsar donna vn Daulphin au seigneur du Daulphiné pour les armes, en remuneration de ce qu'il luy auoit aydé en ses guerres cõtre les Gaulois, ie n'en diray autre raison sinon que Cæsar n'ignorant pas la nature du Daulphin, ne aussi le cœur dudict seigneur, le trouua digne qu'il portast vn Daulphin pour armes. Et tout ainsi que le Daulphin ha donné nom a la region qui est maintenant nommée le Daulphiné, pareillement le Daulphiné ha donné nom au fils aîné de France. Et en luy donnant ce nom, aussi elle luy ha baillé vn Daulphin pour armoyries, desquelles armoyries ie ne pretens aucunement parler, sinon d'autant que le Daulphin tient le premier lieu es armes en icelle & aussi que monsieur maistre lean le Feron, n'a rien obmis touchant ceci, qu'il ne l'ait amplement escript en ses liures d'armoyries.

*Que les peinctures modernes des Daulphins, ne tiennent rien du naturel ains representent vn monstre de mer.*

Chap. XXVIII.

SI les Princes modernes faisâts engrauer les Daulphins en leurs monnoyes, ou bien peindre en leus armoyries, eussent eu aussi grand soing de laisser memoire d'euls a la posterité, comme eurent ceuls que i ay ici dessus nommez, ils eussent ensuyui de plus pres la vraie peincture du Daulphin. & l'eussent faict représenter au naturel dont il est moult estoigné. Car au lieu de le représenter on a mis vn monstre en peincture, qui ne fut iamais veu, auquel on faict porter des escailles, & plusieurs arestes crenelees par dessus

fus le doz, & aus deux costez des ouyes, & plusieurs barbes pendâtes par deffous la gorge, cochees a la façon d'une creite de Coq: choses totalement raulies & estranges a ce poisson, & qui me semblent estre moins seantes, qu'il ne seroit conuenable a la dignité du Prince, veu mémeement qu'on en eust bien facilement peu recouurer la peinture. Car (comme j'ay deffa dict) il n'y ha habitant au riuage de la mer Adriatique ou Mediterranee, qui encore pour le iourd'huy ne retienne l'antique appellation de Daulphin. Je scay bien dont vient la faulte. C'est qu'il est aduenu en sa peinture tout ainsi comme a ceuls qui faisoient peindre les Aigles de l'Empire. Car comme les peintres sont curieuls de montrer leur artifice, & de faire mieuls apparoir les traicts de la peinture, aussi ont ils adiousté quelques ornements a cest Aigle pour la faire mieuls complaire a la veue, attendu mémeement que les peintres s'estudient de bien remplir le champ de couleurs. Laquelle chose a esté de si long temps continuee, que cela est non seulement es peintures des Aigles en forme plane, mais aussi es graueures, tant sur bois, marbres, que metal. Et tellemēt leur ont desguisé les testes, & faict diuersiément retourner les plumes, qu'el les ne retiennent quasi plus rien de l'Aigle.

*Quelle raison ont eu les peintres de desguiser le Daulphin,  
& luy faire perdre sa forme. Chap. XXX.*

DE semblable occasion a esté desguisé le Daulphin cōme l'Aigle, lequel combié que nature l'auoit fabriqué, sans luy auoir donné beaucoup d'ornements de beaulté, l'ayant seulement composé tout d'une venue comme vne cheuille, couuert d'une peau polie ressemblant quelque cuir, sans escailles, n'ayant point d'autres belles couleurs qu'on voit en plusieurs autres poissons, & n'ayant rien que du noir & du blanc. Ce neantmoins les peintres de leur autorité luy ont adiousté quelque chose de leur artifice, le retirants en portraicture, estimants que s'ils suyuoient le naturel, la peinture en seroit mal plaisante a la veue. Cest la raison pourquoy ils luy ont changé sa figure, tellement qu'il ne retient note quelconque qui se puisse attribuer au naturel, & n'ha merque sur soy en quelque sorte que ce soit, qui ne soit faulte: ou bien il le

fault

fault prendre pour vn monstre contrefaiçt a plaisir, qui n'est en estre, & qui ne fut iamais veu d'aucun. Estant donc li aduancé en ces monstres, ie vueil monstrier que toutes manieres de gents ont indifferément permis qu'on leur ait portraict des monitres, qui iamais ne furent, ne sont, ne ne seront.

*Qu'on ait grandement abusé en peignant les poissons sur les cartes, & que l'ignorance des hommes soit cause que plusieurs môstres de mer aient esté faulsemment portraicts s'as aucun iugement.*

Chap. XXX.

**L'**Euident erreur de plusieurs hommes ignorants l'artifice de nature ne me permet passer oultre s'as m'esmouuoir, & les toucher de leur temerité. N'est ce pas vne faulte digne de reprehension, de les veoir mettre tant de monstres marins en peincture, sans auoir discretion? Inconstants esprits, que ne considerent ils qu'il y a perfection en nature? Voulants donc peindre & représenter les choses naturelles, ne pouez mieuls faire que suyure le naturel. Et si ils ignorent la chose, pourquoy la feignent ils? Qui est cause de si grand erreur, sinon leur folie? Qu'on voie les peinctures es cartes marines, combien leurs monstres sont esloignez du naturel. O quels estranges poissons marins? Qui est celuy qui ne sache bien que les noms des animaux terrestres eurent ancienne ment leur appellation tant en Grece que ailleurs auant les maris. Par cela la plus grande partie des poissons marins prindrent le nom des animaux terrestres. Et fault ainsi entendre que les marins eurent le nom des terrestres, mais que ce fut par quelque accidēt. Qui est celui qui ne cognoisse bien le Lieure terrestre? quelle similitude ha il avec le marin? Nous l'auons veu & manié tant en la mer, que dehors, mais il n'a aucune semblâce avec le terrestre. Semblablement le Regnard de mer qu'a il de commun avec celui de la terre? nulle certainemēt, sinon au goust, & en couleur. Aussi le Singe de mer & le terrestre ont bien quelques merques qui les font estre communs, mais au reste ils ne se ressemblent pas. D'auantage qui est celui qui ne sache cognoistre l'Ours de la terre? & toutel'ois qui luy môstreroit l'Ours de la mer, il auroit beau songer auant qu'il deuinaist son nom, car il est semblable a vn ho-

mar,

mar, sinon qu'il n'ha point de forces, non plus que la faulterelle de mer que ceuls de Marseille nomment vne Languste. Oultre plus ie croy qu'il n'y ait hôme qui ne cognoisse vn Chien de mer, car il retient son nom par toute la France: & toutefois il ne ressembble pas a vn Chien terrestre. Quant a ce point, ie n'entens pas de ceuls qui de nostre cognoissance furent mis es estangs de Fontainebleau, & de Chantilli, qui tuoient tout le poisson de l'estag, tellement que monsieur le Connestable, fut contrainct de les faire tuer a coups de traicts, & d'arquebutes, mais ie parle de ceuls qui sont communs par noz poissonneries, qu'on nomme vulgairement Chiens de mer, & desquels nous auôs encor pour le iour d'huy toutes les quatre especes que descriuit Aristote, & qui sont cogneus par les marchez des villes. Mais non par nom propre car ceuls qu'il nomme *spinaces*, *Nebrides*, *Caniculas*, encores qu'elles soient toutes apportees de la mer, toutefois on ne les distingue point a Paris, Rouen, ne es autres villes de l'Ocean: comme a Marseille car *Nebrides* ou bien *Fumuli* sont appellees Nissoles, en prouensal, & *Canicula* vn Palumb, & *Stellarius* vn Gat, qui est ce qu'on nomme vne Rouissette: aussi est cele Chat de mer, que tous scauent cognoistre, & *Spinaces* & sont nommez Eigullars. Et le Homar n'est ce pas le Lion de la mer? Et le Mulet de mer, encor qu'on le nôme de ce nom la, il n'ha aucune merque cômme avec le terrestre, non plus qu'un Aïne ha avec le Merlus: car le Merlus est l'Aïne de mer, mais entendez que ce soit le Latin: car *Afellus* est vn Merlus: & qui tourneroit *Afellus*, on le nommeroit vn Aïne de mer. Je croy veritablement que si ie vouloye proceder oultre, que i'en trouueroie encor a nombrer deux fois autant de dictz poissons en la mer que i'en ay desia nommé, lesquels retiennent leurs noms des bestes terrestres a quatre pieds. Et au reste pour n'estre point distraict si loing de la matiere que ie pretens traicter, mais touchant legierement plusieurs qui tiennent leurs nôs des oyseaux, cômme sont Corbeaux, Merles, Etourneaux, Griues, Hirondelles, Milans, Grues, Cigalles, & plusieurs autres semblables qui sont nommez du nom d'oyseaux & autres bestes terrestres, comme aussi ceuls qui ont trouué leurs noms des choses a quoy ils ressembloient comme est celuy qui a le nom d'une chenille ou scalme nomme *Spirana* que ceuls de Marseille nomment


E.

pes escome



pes escome ou bien des signes celestes, Soleil, Lune, Estoilles: ou des fruicts qui sont sur terre, cōme Concōbres, Raifins, & Orties de mer: de:quels ie me tais maintenant, remettant a les specifier ailleurs en chascque chapitre particulier. Touts lesquels nōs leur ont esté baillez pour quelque occasion. Car les accidents sont cause de cela. Les autres retiennent les noms de leur demeure, cōme ceuls qui habitent entre les rocs & lieux pierreux, on les a nommez saxatilles. Les autres ont esté nommez des noms, ou ils font leur residence: comme ceuls qui frequentent les riuages sont appellees *Littorales*, au contraire des autres, qui se tiēnent en la profō de mer, qui ont nom *Pelagij*. Les autres ont leur nom des maladies dont lepris ou lelepris en fait foy, ou leprades, qui vault quasi autant que qui diroit *Pforades*. c'est vn poisson ainsi appellé pource que la couleur de son escaille est semblable a ceuls qui ont la maladie nommee *Pfora*, qu'on nomme en Francois le mal sainct Main. Telle maniere de poisson a Paris est appellé vne vieille. Il y en a encor d'autres qui ont la couleur si elegante, qu'il n'y a papegault ne paon qui l'ait plus viue, ne plus belle. Et si lon a nommé quelquefois vn poisson de ce nom de Paon ou Papegault, ce n'est pas a dire pourtant, qu'il doibue ressembler vn monstre en la mer qui fust de la forme d'un Paon terrestre. Vn poisson d'excellente beauté fut quelques fois apporté par singularité a vn grand personnage a Paris, que ie ne vueil nommer, le quel pource que tous leuoians d'une couleur si exquisite, le nommoient Daulphin, mais c'estoit vn poisson saxatile nommé vn Paon, lequel ceuls de Marseille appellēt vn Roquau, & a Genes Lagione, a Rome Papagallo, a Venise Lambena. Ie l'appelle Paon car ie trouue que les autheurs Latins l'ont appellé Pavo vn qu'ils auoient retenu du Grec, a la difference du merle qui est nommé *Cossifos*, mais pour ce que les noms susdicts sont diuersement attribuez aus saxatilles comme au Sanut, a la Tanche de mer ou Phicis a la Canadelle, a la Cannerelle, a la Dōselle c'est a dire Iulis qu'on nomme Zigurelle, & au pic ou piuert, & que les Romains font distinctiō du Papegault au Paon: & qu'on ne suiēt point si exactement ceste difference a Venise, i'en ay bien voulu bailler la peincture.


## Le portraict du Paon de mer.



Il n'y a personne qui ne cognoisse bien la Viue, que les Grecs ont autres fois nommee Dragon de mer, & encor maintenant elle est nommee en Latin de ce nom la: & toutefois elle ne ressemble en rien au Dragon, sinon aucunement en couleur. Ceuls qui ne l'auoient pas entendu, nous peignoient des Dragons faictz a plaisir, tels que sont ceuls que nous voions cõtrefaictz avec des raies desguisèes, a la façon d'un serpent volant.

Il y a encor plusieurs autres poissons, qui ne tiennent sinon que bien peu de la tache qu'on leur attribue des choses dont ils tiennent les noms. Quelle similitude de *Cithara* ou Harpe ha *Citharus*, pour estre ainsi nommé, & dedié au Dieu Apollo? Les vns le nomment *Cantarus*: les autres, comme a Marseille encor pour le iour d'huy, le nomment *vesce cantena*. Il ne scait chanter, & n'ha la similitude de vaisseau cõme son nom en Italien le porte. car tout ainsi qu'ils le nomment vna cantara aussi nomment ils vn vaisseau a tenir du vin, vn Cantaro, Mais qu'at aus Francoys ne sachants ne d'Apollo, ne de Cantaro le nommēt vne Bremme de mer, a la similitude d'une Bremme d'eau douce. Car le voians ainsi large, ils luy ont baillé ce nom la qu'ils scauoient de l'autre a qui il est moult semblable. Les Romains le nomment *Zaphile*, ceuls de Genes vna *tanua* & les Francois vne Bremme de mer: du quel poisson la presente est la vraie peinture.


Le naïf portraict de *Citharus* vulgairement nommé  
Bremme de mer.



Qui voudroit diligēment chercher raisō pourquoy nostre Brēme de mer ha esté nommee *Citharus*, ie n'en scaurois autre chose qu'en dire, sinon qu'elle ait des lignes le long de ses escailles a la maniere d'un poisson nommé *salpa*: lesquelles peuuent représenter quelque semblance des cordes tendues en long, ressemblant la harpe d'Apollo. Ceci soit dict par maniere d'acquit en passant, d'autant qu'il me seroit difficile d'en trouver autre raison a dire. Mais pour ce que ce poisson *Citharus* a quelque affinité en diction avec *Lyra* & aussi qu'il y ait vn autre poisson qui est particulièrement nommé de ce nom, il m'a semblé bon en toucher quelque mot & en bailler la peinture. Car la Harpe & la Lyre dont ces deux poissons ont pris leur appellation, estants instruments de musique differents l'un a l'autre, que les Grecs ont aussi nommé separement, a fin que l'affinité du vocable de *Cithara* & *Lyra* ne tropast le lecteur, prenant l'un pour l'autre, j'ay aussi baillé la peinture du poisson nommé *Lyra*. Lequel fut ainsi nommé pource qu'il ha le nez a la façon d'une Lyre instrument musical. Ceuls de Marseille l'appellent *Malarmat*, quasi *mararmat*. Ceuls de Genes le nomment *Pesarmato*, & veritablement c'est a bon droit, car il est tellemēt armé tout autour du corps d'escailles pointues, qu'il seble estre tout d'os. C'est la cause pourquoy on luy habaillé le

le nom de *Holosteos*. Il est si rare a Venise, qu'ils n'en voient poit du tout: & si frequent a Rome: qu'ils l'ont tous les iours en leur poissonnerie, & le nōment *Pesce forcha*, car il ha le bec long & fourchu comme vne fourche: au reste il est sēblable a vn Gournault, Tumble, ou Rouget. Et ce que nous appellōs Gournaults ou Rougets, les Romains les appellent Capons. Par ainfi Paulus Iouius ecriuant des poissons Romains, a mis cestuyci avec le Capō, c'est a dire Gournault. *Reperiuntur* (dit il) *& alij Capones, qui bifurcata habent rostra, & dorsum ossis squamis armatum, quos in genere Caponum piscatores ipsi mares esse testantur.* Voila tout ce qui en a esté escript, sinon que on l'a aussi mis au nombre de ceuls qui font quelque son ou voix quand on les pēche.

*La peinture du poisson nommé Lyra.*



*Que nature ne produit rien en quelque element que ce soit, qu'elle ne pouruoie premierement a ce qu'il fault pour le nourrir: & qu'une chose rare, encor qu'elle soit inutile, est toujours estimee.*

Chap. XXXI.

**M**Ais pour parler des choses que nous estimōs admirables en nature, nous les trouuōs plus rares d'autant qu'elles nous sōt moins communes: & par consequent elles en font d'autant plus

E.3. estimees

estimees. Car cōme ainsi soit que nous voiōs quelques endroictz non seulement en la terre, mais aussi en tous autres elements ou nature produist quelque chose particuliere qu'ō ne scauroit trouuer ailleurs, semblablement les hommes la reçoipuēt d'une particularité ipeciaie, attribuāt tel douaire a la vertu singuliere du lieu qui l'a produicte: & pour exemple mettāt les mines de diuers metauls ou biē diueries espees de pierreries, qui ne se trouuent qu'ē vn endroict, les hommes le referēt a ce que i'en ay ia dit, comme aussi les Serpens produicts es deserts, et quels combien que la terre soit sterile pour autres animaux terreitres, touteis fois nature leur a donē abōdant pasturage a leur nourriture, en sorte que qui les transporteroit ailleurs ou la terre seroit fertile pour autres animaux, touteis fois on la trouueroit sterile & mal consonāte a leur naturel. Pareillement la mer est en quelques parts fertile d'une herbe, qui ne croist point ailleurs: au i nourrit elle quelque poisson qu'on ne voit point autre part. Pour exemple de quoy ie prens le Scarus, lequel ie n'ay iamais trouuē es riuages de Crete, sinon en celle partie qui regarde le leuant: car la mer n'engendre point de l'herbe dont il se nourrist sinon en cest endroict la. Aussi la mer produict vn Serpent qui n'est pas terrestre, mais est Serpent de mer, lequel ie di estre si rare, qu'il est peu de gentz qui le aient veu. Et pource qu'il est rarement prins en toutes mers, il m'a semblē estre tant plus digne d'estre adioustē en ce lieu. S'il estoit des espees des poissons que i'ay descrypts par le menu, ie le descriroye semblablement. Mais le mettant ici comme chose hors de mon propos, il me suffit d'enseigner par sa peincture, que c'est luy dont Aristote ha parlē en le nommant Serpent de mer. Et a dire la veritē, encor qu'il soit bon a manger comme vn Congre, ou vne Murene, Anguille, Lamproie, & Gallee, touteis fois le commun peuple le voiant si approchant du Serpent terrestre, l'ha en horreur, comme s'il n'estoit pas poisson, & faiēt difficultē d'en menger, lequel i'ay faiēt peindre en raseau, car autrement ie n'eusse sceu exprimer sa longueur.

*La peincture*

## La peinture du Serpent de mer.




Que le nom de Marsouin ne signifie sinon Porceau de mer,  
 & que le Porc marin ne soit pas le poisson que nous appellôs  
 Marsouin. Chap. XXXII.

POurce que i'auoye au parauant escript, que ce mot Marsouin rendu en nostre lague, ne signifie autre chose qu'un Porc marin, & qu'il y auoit d'autres poissons en la mer auxquels il conuenoit, il m'a semblé necessaire d'en bailler la peinture, en prouue de ce que i'en ay desia dict. Mais le nom de Porc marin n'ha pas esté constant & arresté a vn seul poisson: car plusieurs ont obtenu ce nom selon diuerses regions: comme est aduenu a Constatinoble en nommant l'Hippopotamus, que les vns nomoyét le Porc marin, les autres le Boeuf marin. Semblablement Nicander escript au liures des lagues, que le Congre, & celui qu'ils nomoyét Gril lus, c'est a dire vne Lorte de mer, estoit appellé Porc marin. Je le puy aussi prouuer, par ce que Plin a escript du Mario, disant ces mots. *In Danubio Mario extrahitur, porcula marino simillimus.* Les Veniciens

niciens ont aussi vn poisson en commune appellation, qu'ils nomment vne porcelette diminutif de porceau, laquelle est de moindre corpulence que l'Esturgeon, & croy que soit le poisson qui anciennement estoit nommé *Acipenser*: car ie n'en cognois point d'autre qui soit en forme triagle que ceste porcellette la. Plusieurs autres nations ont aussi des poissons qu'ils nomment du nom de Truye, comme a Milan ils ont vn petit poisson semblable a la Scardola que les Milanois (parlants leur vulgaire) le prononcent vne Trueue qui est a dire vne Truie. Pareillement les Marseillois en ont aussi vn qu'ils nomment vne Truega, c'est a dire vne truie qui est le mesme poisson que ceuls de Genes nomment vn rotulo, & a Venise peisce san Piero, & a Paris vne Doree. Doree i'entés a la difference de celle qui est nommée *Aurata*, laquelle l'on ne voit point a Paris. Strabo aussi nomant les poissons du Nil en ha appelé vn *Porcus* Ce poisson nommé Porc marin n'a point esté autrement exprimé des Grecs, sinon en tât que Aristote en ha cogneu vn qu'il ha nommé *Aper*, c'est a dire Porc sauuage, ou Sanglier, le quel il nomme en sa langue *Hys*, c'est a dire *sus*, & en Franco ys Porceau, duquel i'ay aussi voulu bailler la peincture.

*Le portraict du poisson nommé Aper, autrement nommé le Sanglier.*



Ce San.

Ce Sanglier icy n'ha pas les escailles comme ont les autres poissons: car il ha la peau si rude, qu'on en pourroit polir du bois, comel ô faict de la peau des Rouiffettes, des Singes maris, des chiés des Lamies, & Amies, & Regnards de mer. Car mesmemēt le poisson que quelques vns auoient par ci deuāt descript pour *Aper*, est le Regnard de mer. Ce Sanglier est vn poisson assez hardi a combattre les ennemis, car en oultre ce qu'il ha bones dets, & l'escorce dure quasi comme cuir, il ha aussi des aguillōs dessus son doz, qui sont fort alpres & robustes. Il ha les ouies cachees dedens, comme la Murene, qui fut vne cause que ie pélassē quant ie le trouuay la premiere fois, que ce fust l'*Exocetus*. mais i'ay depuis trouué *Exocetus* qui est semblable a *Glinos*. Ce Porc s'aglier icy est rare a trouuer, parquoy l'auons seulement veu pédu es eglises répli de bourre, comme a Ragonse. Au reste, ceste peinture a esté retirē du naturel, dont ie n'ay voulu non plus parler qu'il a esté besoing de dire pour faire entendre qu'il auoit nō *Aper*, c'est a dire Porc sauuage, duquel la grandeur vient a estre en comparaisōn a la Carpe. Il m'a semblé que il me couenoit bailler toutes les susdictes peintures pour demonstrier l'erreur de ceuls qui peignoient des mōstres contrefaits a plaisir. Or laissant ces mōstres contrefaits a plaisir, avec les inuenteurs de tels portraicts faicts sans consideration, ie retourneray prendre mon propos que i'auoye encōmencé, poursuuiant l'histoire du Daulphin.

*Qu'on ha attribué plusieurs merques au Daulphin, qui sont faulses.*                      Cbap. XXXIII.

**S**Vyant le propos de ce qui ha esté faulsemēt attribué au Daulphin, il reste que ie declare quelques notes, en son exterieure peinture, qui luy ont fabuleiement esté adiuagees, a fin que quel que autre ne les enluyue. Et pource que ie les ay obseruées de biē pres, & regardē attentiuement, & que ie n'ay onc trouué vne telle note qu'est celle que aucuns luy ont voulu attribuer, ie l'ay biē bien voulu declarer, a fin de la reprouuer. C'est que quelques vns veulent qu'il ait vn aguillon cachē dedens son fourreau en l'arreste qui est dessus son doz, & que d'icelle il tue le Crocodile dedes le Nil: & aussi que le petit garçon d'Issō qu'il aimoit tant, se tua

F. par



par erreur, s'estant picqué du susdict aguillon en tumbant dessus & r'encontrant l'espine qu'il se ficha dedens le corps. Lesquelles choses sont dictes sans consideration, qui sentent plus la fable que quelque appaërce de verité, Je ne nie pas qu'il me puisse estre vray, touchant son amour & celle du petit garçon de Iasso: mais il ne peut estre vray qu'il y ait un aguillon iur son dos, car Aristote n'en ha onc parlé. & luy qui en ha eicript si amplement, ne l'euit pas laissé en arriere, si il y en eust eu quelque un: & aussi que l'experience en fait foy, veu meismement qu'en vne telle difficulté, l'œil en peut donner certification qu'ad lon hala chose deuant foy. Je ne puis aussi conuenir avec plusieurs qui ont eicript que les Daulphins saultants par la mer, sont vn preiège annonçant la tempeste a venir. Ceci soit dict sauuant l'honneur de ceuls a qui il est deu. Mais il me semble qu'ils se sont trompez en ce cas la. Car i'ay expressement obserue mainteffois en plusieurs voyages, que les Daulphins alloient aussi bien avec le vent, que contre le vent, & qu'ils se monstroient aussi bien qu'ad la mer est esmeue en tempeste, que quand elle est tranquille & sans vent, chose qui appert quand les Daulphins ie monitrent en l'air pour respirer hors l'eaue, laquelle chose ils fõt aussi bien apres le mauuais teps, que durant la tempeste, & semblablement aussi bien deuant comme apres, car les Daulphins ne peuuent viure en la mer sans respirer.

*Qu'il soit vray que les Daulphins aydent grandement aus  
pescieurs qui pescient a la traine, Chap. XXXIII.*

Quant aus autres histoires fabuleuses qui ont esté recitees des Daulphins, ie n'en eusse pas eicript vn mot, si ie ne les auoye ouy n'a gueres raconter en Grece. Car le commun peuple en retient encore pour le iourd'huy plusieurs qui ont esté anciennement racontees, & qu'on trouue maintenant eicriptes. Et touchant celle qui a esté dicte qu'ils donnent grand secours a ceuls qui pescient le poisson, & qu'il leur aydent a le mettre dedens les rets, & en recompanse qu'ils participent du butin qui est departy edtre euls. Quant au premier, ie trouue bien qu'il soit vray semblable, mais (comme ie diray cy apres) Cala aduiet  
par

par accident, de laquelle chose ie puis porter tesmoignage de l'auoir veu en plusieurs lieux, & diuers ports, & plages de la mer. Je me suys trouué en compaignies de plusieurs gents que ie pourroye bien nommer, & entre autres de Benigne de Villars apoticaire de Dision, qui d'vne obseruation expresse auons eu souuentefois plaisir en plusieurs Isles d'Æsclanonnie & de Grece, regardants venir les Daulphins de plaine mer, quelquefois en compaignie, les autres fois deux a deux. Car ils l'acouplent masse & femelle, sans se laisser iamais l'vn l'autre, & n'allants point seul a seul. Lesquels en faisant la chassé en la spacieuse compaignie de la mer. Apres que d'vne grande industrie ils ont reduicts plusieurs petits poissons des lieux descouuerts en la mer & contraincts & serrez en quelque destroit, ou es endroicts de la mer qui ne sont pas parfonds, Cognoissants les estres des riuages. A lors entrant avec vne impetuosité sur celle multitude, ils se paissent indifferemment tant de l'vn que de l'autre. Et si ils se trouuent dedens quelques compaignies de Selerins, ou de Sardines, d'autant qu'elles sont si especes qu'elles s'entretouchent en la mer, ils en font si grand degait, n'en mangeants que la teste, ne faisants estime du reste des corps. Qui est choié qu'on cognoist a les trouuer flottants sur l'eaue en grande multitude ou bien deiectez es riuages en grand nombre. Mais les autres pauures poissons qu'ils ont ainsi reduicts par les destroits, en sont si espouuentez de l'arriuee des Daulphins & tant crainctifs de leur impetueuls assault, qu'ils se trouuent mal assurez en leur propre element. Et en cherchant leur salut en vn autre, ils se mettent encore en vn plus grand danger. Car sachants qu'il n'y a espoir de se sauuer en l'eaue, ils faultent en l'air, ou ils ne peuuent guere longuement rester. A lors on les voit recheoir si dru en la mer, qu'il semble proprement que ce soit pluye tombât du ciel. Mais pour cela encore ne sont ils pas sauluez, d'autant que les oyseaux qui suyuent les Daulphins a grands bandes, font tout ainsi en leur endroict comme font les chassieurs a l'endroict de l'Esmerillon. Car les chassieurs avec vne grande troupe de chiens courants, chassants au lieure par la campagne, dōnent souuent moy. en a l'Esmerillon & Hobreau qui les suyrt, de se repaistre des alouettes & petits oyseaux que les chiens contraignent de l'estreuer de

terre, lesquelles apperceuât l'esmerillon qui les attend, se sentât combatues de deux necessitez, l'une des chiens, & l'autre de leur ennemi capital, aiment mieulx chercher salut entre les iambes des cheuuls, ou bien se rendre en la gueulle des chiens, que d'experiméter la merci de celuy duquel elles n'esperēt que la mort. Semblablement les poissōns craignants les Daulphins, eiperent se sauluer en l'air, mais les oyseaux que les Grecs nômerent *Laros* les Latins *Gania*, & les Francois Mouettes, & les autres nommez *Carnios*, ou Caniards, qui suiuet les Daulphins a grâdes bandes, cognoissants leur effect (aussi sont ils caues de les enseigner: car quelque part que les Daulphins aillent, les dictz oyseaux vollent toujours au dessus) descendent de roydeur sur toute la multitude de ce poission espouuanté, qui mieulx auoit aimé se mettre en leur misericorde, que d'eslâyer celle du Daulphin qui le va pourchassant par la mer. Mais estant tourmenté de toutes parts, fuiât les deux inconueniens & cherchât son dernier refuge tel que nature luy a appris, il se renge au riuage de la mer: ou encore pour la tierce fois, il tombe en plus grande necessité qu'au parauât. Car il se donne en la puissance de celuy le quel il ne peut fuir, estant si estonné de la paour qu'il ha eu, que meismement il se laisse prendre avec la main, ou bien demeure pris es rets. Voyla comment les Daulphins errants par la mer vagabons, maintenant ça maintenant la, & commençants du matin, vont celle part ou ils ont conititué l'estape de leur desieuner. Tout ainsi sont ils de leur dîner, & finalement sont le semblable de leur soupper: par ainsi ils sont quasi tout le iour en pourchas. C'est la raison pourquoy ils sont tant aimez des peicheurs, pource qu'ils ameynent le poissō de toutes parts iusques dedens leurs rets. Aussi en ont ils recompense: car les pescheurs ne leur font iamais mal. Et encor s'ils les trouuent prins en leurs filets, il leur donnent liberté. Je ne vueil entendre que cela se face en toutes mers, mais principalement en Grece & autres lieux ou les habitants ne mangent point de Daulphin.

Que

Que nature n'ba permis aus Daulpbins, de prendre librement les autres poissons, s'ils ne jont tournez a la renuerse.

Chap. . . . . X X X V.

QVand les Daulphins pourfuyent les autres petits poissons pres du riuage, il est moult facile de les veoir pescher. Car en prenant le poisson pour le manger, il est necessaire qu'ils se reuerfent, & a lors leur ventre apparoit blanc a ceuls qui les regardēt, lesquels on peut veoir clairement. Car le Daulphin estant de si grosse corpulēce qu'ō le peut veoir de biē loig, & que apres qu'ō l'aveu se lacer hors l'eaue pour prēdre l'air, puis rétrer en la mer, le Daulphin qui au parauant apparoissoit noir, se tourne incontīnēt en blancheur: mais celle blancheur prouient de son vêtre, lequel on peut biē veoir des nauires iusques la bas au parfōd de la mer. Et mesmemēt il ne se pourroit repaistre, s'il ne se renuerfoit desŷ l'eschine, qui est vne note que Aristote ha expresŷement escripte au huiētiefme liure de l'histoire, & au quatrielime des parties des animaux. Et pour parler au vray de ce renuerfement du Daulphin, apres y auoir regardē expresŷement, y cherchant quelque raison, obseruant toutes choses: ie voy tous les autres animaux non pas seulement les terrestres, mais aussi les poissons, auoir vne grande espace & cavitē en leurs gueulles, que ie n'ay point trouuee es Daulphins: veu mesmemēt que les muscles qu'ils ont par dedens le palais en la bouche, & par la force desquels est fermē & ouuert le conduēt de la fistule qu'il ha sur sa teste, ne luy permettēt a cause de leur grosseur, auoir le palais caué ouuotē: desquels ie parleray plus amplement au secōd liure en l'interieure anatomie. Mais pource qu'il m'a semblē que ceste merque appartenoit en celieu, ie l'ay bien voulu amener, pour la difficultē de la leçon qui est en Pline & Aristote. Et me semble qu'il n'y auroit aucune difficultē es mots de Pline parlant ainsi du Daulphin, *Velocissimum omnium animalium non solum marinorum Deiphinus, sed ocycor volucre, acrior telo: ac nisi multum infra rostrum os illi foret, medio penē in ventre, nullus piscium celeritatem eius euaderet, sed affert moram prouidentia nature: quia nisi resupini, atque conuersi, non corripiunt: pour ueu qu'on entēdist bien ce qu'il veult dire par ces parolles, car quand il dit, ac nisi*

*multum infra rostrum os illi foret, medio penè in ventre.* Il doit estre entendu de son estomach, car venter en Pline est souuent mis pro *ventriculo*: chose qu'on peult prouuer de plusieurs autres passages. Et qu'il soit vray, ce mesme autheur au liure huictiesme chapitre vingt & vn ha eicript en ceste sorte: *Crocutas A Ethiopia generat, veluti ex cane lupoque conceptos, omnia dentibus frangentes, protinù que deuorata cõficientes ventre.* Oultre plus au dixneufiesme liure chapitre ciquiesme il dit ces parolles: *Cibos salubres ac leues pluribus modis existimant, qui perfici humano ventre non queant, sed non intumescant.* Véter aussi en quelques autres autheurs est leu pour le ventricule. *Macrobius Saturnal.* liure septiesme chapitre quatriesme, eicrit en ceste maniere: *Ventris duo sunt orificia: quorù superius erectù recipit deuorata, & in follem ventris recõdit. Hic est stomachus, qui paterfamilias dici meruit, quasi omne animal solus gubernans. Inferius verò demissù, intestinis adiacentiù inseritur &c.* Il ne fault dõc pas entèdre que Aristote ne Pline veuillèt dire que le Daulhin ait la bouche deslous quasi au milieu du vètre: mais qu'il ait biè auât deslous le bec, quasi au milieu de l'estomach: & mesme mèt Aristote au viij°. de l'histoire ha eicript que tous les poissõs du gère chartilagineux, & tous autres qui ont grãde corpulence, cõme la Baleine, & les Daulphis, ne prènent poit les poissõs, qu'ils ne ioièt rëuersez. *Ceteris piscibus (dièt il) captura minorum à frõte agitur ore, vt solent meare. At cartilaginei, & Delphini, & omnes cetacei generis resupinati corripunt, habèt eni os subter. vnde fit, vt periculù minores facilius possint euadere.* Le ne voy aucune difficulté en ce passage, qui ne puiße biè conuenir a nostre intention: c'est a dire que les Daulphins ont la bouche au dedens de la partie de la gorge, & qu'elle soit de la partie du deslous. Ceste chose se peult facilement prouuer par vne raison qu'il adiouste puis apres au quatriesme liure des parties, parlant du Daulphin en ceste sorte. *Quoniam etiam cum rostrum eorù structura tereti ac tenui sit, facile scindi in horis habitum non potest.* Cela disoit Aristote conformemèt a ce que i'ay desia eicript: scauoir est que les Daulphis ne peuuèt prédre le poissõ s'ils ne sont rëuersez. Et en rëdãt la raisõ, dièt qu'ils ont le bec greße & rõd en lõgueur. Parquoy ne se peult bõnement ouuir en forme de bouche.

*Que nature n'a baillé le gosier au Daulphin, oultre la coustume des autres poissons sãs raison, mais que soit tant pour sa sãté, que pour le salut des autres.*

Aristote au iiii<sup>e</sup>. liure des parties, parlant des poissōs & p̄cipalemēt du Daulphin dict ces mots: *Sunt & oris discrimina. Alijs enī os ante, & pronū est. Alijs in fr̄a parte supina: vt Delphinis, & cartilagineo generi.* *Qu* outre d'ac nisi cōuersa respiciunt. in, ubi, corripere nequeunt. *Quo* natura non modo saluatis gratia, ceterorū piscū fecisse videtur (dñ enim seje ista cōuertunt mora interceat, quā piscis que inieciatur, enadere possit: nā omnia id genus rapina piscū vinnē) verū etiam ne nimis sua celeritas auariditate explerent. *Quñ* enim facilius caperēt, breui per inodūcā satietate perirēt. quonī a eia quā rostrū eorū structura teretere tenui sit, facile scinū in oris habitū nō potest. Et au vii<sup>e</sup> liure de l'histoire: *Ceteris piscibus captura minorū à frōte agitur ore, vt solēt meare. At cartilaginet, & Delphini, & omnes cetacei generis respinati corripunt. habēt enim os subōcr. vnae sit, vt periculū minores facilius possunt enadere. Alioquin pauci admodū seruariuntur quippe quā Delphini celeritas, atque edendi faciltas mira esse videatur.* En ces lieux Aristote ha fait̄ de scriptiō correspōdēte en toutes qualitez a nostre Bec d'oye, cōme ie prouueray par sō anatomie, & principalement en deſcriuāt celle de la gorge qu'il a moult étroicte. Ce que nature ha expressēmēt voulu faire, pour le saluē des autres poissōs. Car pendāt le temps que les Daulphins se renuerient, les poissōs qu'ils pourchassent ont espace de fuir, tellement que per ce moien ils eschappent. Autrement si cela n'estoit, il ne i'en faulueroit pas yn de leurs gueulles, veu mesmement que leur vitesse est quasi incomparable: Et que leur appetit de manger est quasi insatiable Mais nature la fait̄ aussi pour leur profit, a fin qu'ils ne se remplissent par trop en deuorant ardemment. Car si ils eussent peu prendre facilement les autres poissōs, ils n'eussent pas long tēps vesu, mais ils se tuissent incontinent gastez de gourmandie, en se saoullant oultre raison. Et aussi ne peuuent ils pas facilement prendre le poissōn, pource qu'ils ont le bec long & rond & delié, qui ne se peut pas aisēment ouuoir en vne ample espace de gueule. Et quand ils ont grand faim & sont hastez de pourſiure quelque poissōn iusques bien bas en la profōdité de la mer, ne pouuants plus long temps se contenir leans sans respirer, ils se dardent si viste pour retourner trouuer l'air, ils vont plus roide que ne fait̄ vne fleſche d'escochée d'yn arc par yn fort bras. Et n'y ha point de faulte que ils ne se eslancent moult hault en l'air en saultant, mais quant a ce



que Aristote ha dict qu'ils saultent par dessus les mas des grosses nauires, il peult estre vray, car autrement il ne l'eust pas ecript. Toutefois ie n'ay onc aperceu qu'ils saultassēt si hault. Les Daulphins s'ōt tousiours en perpetuel mouuemēt, en sorte qu'ils ne arrestent iamais en vne place, & mesmement dormants a la renuerse, descendent petit a petit iusques a tant qu'ils trouuēt terre au parfond de la mer: lesquels lors se resueillants, puis de tresgrande roideur viennent a mont pour respirer en l'air, & se r'endormants, font plusieurs fois le semblable.

*Que la vifesse des Daulphins, ne leur prouiet pas de leurs ailles comme aus autres poissons, & que le poisson nommé Amia face de grandes cruaultez au Daulphin, quand il en peult estre le maistre. Chap. XXXVII.*

**T**Out ainsi que le Daulphin est le plus vifte de tous les autres poissons de la mer, aussi est il le plus hardy: & de faict il les maistrise quasi tous, car aussi est il leur iuperieur. Nonobstāt cela, il ne laisse pas d'auoir quelques ennemis qui luy font fascherie & guerre mortelle, & dequels il est quelques fois vaincu: & principalement d'un nommé *Amia*, lequel le deschire cruellemēt de ses dents, quand il peult auoir l'auantage sur luy, car si par fortune vne bande de *Amies* le rencontrent s'il ne le gaigne a fuir, elles mettent toutes la dent dessus, & ainsi le tenants ensemble de toutes parts ressemblent vne boulle ronde roullant par la mer, iusques a tant qu'il soit tout en pieces. Car aussi elles sucent tout son sang comme faict vne *Sansue*. C'est a bon droit qu'on ha iugé les Daulphins estre les animaux qui surpassent tous autres en vifesse, non seulement ceuls qui sont en la mer, mais aussi tous autres qui sont sur terre: & en l'air, car mesmement Aristote dit en auoir entendu merueille & choses incroyables. Lesquelles i'ay veu moy mesme estant sur diuers genres de vaisseaux de marine, & en plusieurs mers, esquels il nous falloit nauiger en passant d'une isle ou bien d'un pais en vn autre: ou nous auons veu les Daulphins aller plus vifte que ne faisoit nostre vaisseau, aiant la voile desployee auецvent en poupe, en sorte qu'il gaignoit de vifesse tousiours deuant nous. Le Daulphin en nageant n'est pas aydē de la

de la grandeur des aïlles, comme les autres poissons: mais il est seulement aidé de la pelâteur de son corps, car les aïlles ou pinnes qu'il ha, s'ôt moult perites au regard de la proportiō de son grād corps, qui est moult gros & lourd & pesant & toutefois, il n'y ha oyseau en l'air qui volle si viste, qu'il va en la mer. Je puis donc prouuer, que ce ne sont pas les grandes aïlles, qui dōnent la grād vistesse aux gros poissons, car si cela estoit vray, les Hirondeiles, & les Milans de mer, seroient plus vistes que les Daulphins, car d'vne de leurs aïlles l'on en couriroit bien l'aïlle d'vn Daulphin, & toutefois les Daulphins avec leurs petites aïlles, sont les plus vistes des poissons.

*Que les histoires anciennement racōptees des Daulphins, sont encor pour le iourd'huy en la memoire des hommes, es pais du leuant, quasi comme si elles estoient freschement faictes depuis buict iours.* Chap. XXXVII.

IL reste encor quelque point a dire des histoires qu'on auoit anciennemēt recitees des Daulphins, dōt plusieurs sont pour l'heure presente racomptees par les habitants du pais d'Albanie & Eclauonie, ou l'on diēt qu'elles furent faictes en sorte qu'il n'y a celui pour le iourd'huy qui ne les sache raconter, comme s'il n'y auoit pas vn mois qu'elles en ont estē faictes. Chosē que nous scauons estre vraye par le recit des habitants de l'isle de Corsula, & de ceuls des riuages de Grece & d'Albanie, ou il n'y ha paisāt qui ne sache racōpter l'histoire de celui Daulphin qui venoit prendre la mengeaille es mains des gents du pais, & adiouffent d'auantage que plusieurs d'entre euls qui sont encor viuans l'ont manie, tant il estoit priuē: & qu'il portoit sur son dos ceuls qui alloient nouer en la mer, se iouant avec euls, & qu'il aimoit sur tout a se esbatre avec quelques ieunes garçons: & aussi qu'il aidoit grādemēt aux mariniers a pescher: mais qu'il auoit estē tuē il n'y ha pas lōg temps, & pour mieuls affermer la chose, on les oit dire en ceste maniere. Que le paillard qui luy auoit faict oultrage, fut n'agueres mis en quartiers, meurtri d'estrange maniere. Voila quant a l'vne des fables ou pour mieuls dire histoire tāt anciēne qui sera

G. toujours



toufiours moderne en ce pais la, tant que le monde fera en eitre. L'autre de celui qui aimoit vn enfât, & le portoit deffus fô dos, se iouant avec luy par la mer, & puis le rapportoit au riuage, & l'aimoit si ardemment, que a quelque heure du iour & quelque loing qu'il fust, quand l'enfant venoit au riuage & l'appelloit, incontinent le Daulphin se rendoit la, se presentant a luy pour le recevoir sur son dos, & le mener iufques en pleine mer l'eibatant & de la le ramener quand il plaifoit a l'enfant. Toutes lesquelles choses & plusieurs autres semblables tant anciennes, sont recitees de fresche memoire par les paisants de Grece & Eiclaunonie, comme si cela estoit adueni de nostre temps, & touteffois elles ont ia esté escriptes plus de treze cêts ans ha. Quât a toutes autres féblables ie n'en vueil eicrire autre chose. Car qui les voudra entendre, pourra veoir les autheurs qui les ont escriptes.

*Que les habitants du Propontide estiment que les Daulphins soient passagers de la mer Mediterranee au pont Euxin, & qu'il leur soit plus tolerable viure long temps hors l'eau que dedès la mer sans prendre haleine. C. XXXIX.*

**I**'Ay ouy que les Grecs qui demeurent au riuage du Propontide disoient qu'ils cognoissent que les Daulphins sont passagers a la maniere des autres poissons, icauoir est qu'ils se partent tous les ans en quelque saison de l'an, venants de la mer Mediterranee passants par l'Hellepont & le Propontide, & de la se rendants au Pont Euxin, dedens lequel ils sont vn certain temps auant s'en retourner. Et que quand le temps leur ha apprins qu'il est saison de reuenir, lors chascun s'en retourne dont il estoit party. Dient d'auantage qu'ils cognoissent deux distinctions & differences de Daulphins: icauoir est des grands, & des petits. Toutes lesquelles choses Aristote a mon aduis ha voulu entendre, escriuant que les Daulphins de Pont sont moult petits, & qu'il n'y a point de autres bestes malefiques aux poissons en Pont que le Daulphin & le Marfouin: & que les plus grands Daulphins sont bien auant au profond du Pont Euxin. Parquoy me semble qu'il veult entendre que les vns puissent estre nommez les plus grands, les autres  
dre

les moindres. Les Daulphins ont cela de particulier, qu'ils aimēt a s'approcher des nauires, & les mariniers les voians venir, font quelque bruiēt & les fissent, a fin que les Daulphins aiants entē du le ton, restent plus long temps au tour du nauire. Et iceuls Daulphins s'approchans, on les oit faire vn grand bruiēt en sortant hors la mer, en iectant le vent qu'ils auoient lōg temps contenu en leurs poulmons: lequel bruit ils font par le conduit de leur fistule. Ils entrent quelques fois, en l'eau douce: ou ils se peuuent bien contenir vne espace de temps, & viure des poissons des riuieres ou estangs, comme en la mer: toutefois l'on voit ordinairement qu'ils n'y demeurēt pas long temps. Entre autres choses qui sont les plus notables du Daulphin c'est, qu'il luy seroit plus tolerable de viure long temps en l'air estant sur terre sans auoir mal, que d'estre detenu en la mer sans prendre haleine, tellement que souuent les Daulphins qu'on ha prins es rets, demeurēt snffoquez en l'eau par faulte d'air, car ils ne peuēt viure sans respirer, non plus que tous autres poissons qui ont poulmons.

*Que plusieurs choses nommees de propre nom, aient pris leur appellation du Daulphin.* Chap. XL.

**A**vant que de mettre fin a ce mien discours touchant la narration de la nature du Daulphin, j'ay bien voulu adiouster vn poit que j'auoye laissē en arriere qui debuoit estre escript au chapitre des antiques engraueures des Daulphins. C'est que *Vixes* portoit l'effigie d'vn Daulphin engraue en son cachet: & aussi portoit le Daulphin portraict en sou escu, en l'honneur de celui qui auoit sauue son fils *Tobelemachus* qui estoit tumbē en la mer s'estant mis dessous luy, l'auoit amenē iusques au riuage. Il y eut anciēnement vne espeece de vaisseau que les Romains nommoiet de nō propre *Delpbins* dōt ils se seruoient en leurs repas, du quel *Pline* a escript, en parlāt des tables antiques en ceste maniere *Delpbins quinis milibus sestercius in libras emptos. C. Grachus habuit.* Je croy que fussent tels vaisseauls dont vient les panetiers du Roy & des Princes lesquels il nomment vulgairement Nauires. Les pasticiers aussi en quelques parts en ont de sēblables qu'ils appellēt *gardemāger*, lesquelles me sēblēt tenir quelque chose de la forme

du Daulphí & que telles nauires estoïent les Daulphís des Romáis. Semblablement le Daulphin ha donné nom a vne herbe qui anciennement estoit nommee *Delphinion*: car les fueilles d'icelle herbe luy ressembloïent: semblablement il ha aussi donné nom a vne masse moult pesante, qui estoit de ter ou de plomb, faicte a la similitude d'vn Daulphin, a la quelle les Francoys ont mué le nom car telle masse est maintenant nommee vn Saulmon. Si nous croions a l'interprete d'Aristophanes c'estoit vne grosse masse de plomb ou de fer, aiant figure de Daulphin qu'on pendoit a l'antenne du nauire, quand l'on liuroit la bataille sur mer, laquelle masse on laissoit tomber dedens la nauire des ennemis, pour le faire aller en fôd. Et telle maniere de nauire Thucydide nōmoit *Delphinophoré*, c'est a dire nauire portant Daulphí. Sēblablement il ha donné le nō a la region qui maintenāt est nommee Daulphiné. Aucuns ont eu quelque apparence de raison, d'auoir nōmé le Daulphin du nom de *Pompilus*, car il accompaigne volontiers les nauires, comme faict le Daulphin. Toutefois Aristote delcriuant, *Pompilus* separement du Daulphin, monstre bien que le Daulphin ne le Marfouin ne soient pas *Pompilus* duquel ie ne vueil point parler d'auantage, car il me suffit d'auoir touché ce poinct, pour faire entendre que *Pompilus* soit vn autre poisson que le Daulphin.

*Description des exterieures parties du Daulphin. Chap. XL.*

**A** Pres que i'ay long tēps pourchassé toute l'histoire de ce qui se doibt dire du Daulphí, il m'a sēblé estre tēps de retourner prédre mon principal propos ia commencé, & prendre les susdictes especes de Marfouins chascun a part soy, a fin de tellement les spécifier qu'elles soient entendues. I'ay dict que celuy qui est le plus communement apporté de la mer, & qui n'ha pas le nez long, estoit celuy que ie vueil entendre par le nom de Marfouin: & que celuy qui ha le nez long, appellé des Francoys vn Oye, soit le Daulphin, duquel ie vueil premierement donner la descriptiō, tant du maile que de la femelle, a fin que chascune note exterieure soit diligemment examinee, prenant les parties de son corps a part en les considerant diligemment. Et cōmençant par la grosseur,

feur, la plus commune qui soit veue es Daulphins, c'est autant qu'un homme peult comprendre dedens ses bras, les embrassant au trauers du corps. La longueur est autant ou quelque peu moins qu'un homme peult mesurer en estendant les bras, touchant la queue d'une des mains, & de l'autre a la teste, aiant le corps du Daulphin appuié contre sa poictrine. Voyla la comune grâdeur & la plus vulgaire qu'on veoit ordinairement en noz becs d'Oyes. La grandeur de la corpulence du Daulphin haesté exprimée en comparaison du Heron de mer: car Aristote a laissé par escript, que le poisson nommé *Xiphius* ou *Gladus*, que les Francois appellent vn Heron de mer, croist quelquefois iusques a telle corpulence, qu'il deuiet plus grand que ne fait le Daulphin. Et pource que nous cognoissons bien quel poisson est le Heron de mer, aussi par consequent deuous nous estre assurez de la grâdeur du Daulphin. Le plus grand que l'aye onc veu, fut apporté a Rouen l'an mil cinq cents cinquante, au mois de Iuillet, duquel i'obseruay la grandeur. La lune de la queue auoit en l'interualle d'une des cornes a l'autre, plus d'un pied & demy. Car elle contenoit trois fois autant que ma main s'estend en longueur de l'extremité du pouce & du petit doigt: c'est a dire trois paulmes: l'espeffeur de son corps embrassée avec vne corde, puis mesurez, auoit six paulmes. Sa longueur estoit autant qu'un homme peult atteindre des deux mains estendant les bras. Son bec commenceant de la ou il estoit camus, estoit long d'une paulme: & commenceant dont il estoit fendu, il auoit vne paulme & demye. Il auoit vn bon pied en l'ouuerture de son bec: Et estant voidé de ses interieures parties comme on l'auoit apporté, il estoit bien trois cents liures. aussi vn cheual a peine l'auoit peu apporter depuis le Haure de grace a Rouen. Les Daulphins n'ont que trois ailles en tout, dont vne seule est esleuee dessus leur dos, laquelle demeure tousiours en vn mesme haulteur, car ils ne la peuuent baïsser: ne haultier a la maniere des autres poissons. Vray est qu'ils la tournent bien çà & là vers les costez. Les deux autres ailles qu'ils ont, vne de chascque coste, situees assez pres de la teste, me semblent estre bien petites mises en comparaison a la proportion de leurs corps. Nature n'a armé le Daulphin d'armures exterieures, & sil domine ou

commande aux autres, c'est par savertu, & non par force d'armes. Car en tout ce qu'il ha pour nuyre aux autres, ou se deffendre, s'ot seulement les dents. Il ha sa peau totalemente lubrique & glissante comme aussi tous autres poissons nombrez es especes de son genre c'est a dire *Cetacea*. Il est sans escailles, & ha la queue contre la reigle & coustume des autres poissons, lesquels suyvant la forme de leur corps qui est plat, la portent a la mesme maniere, mais le Daulphin la porte oblique comme font les oyseauls. Car vn oyseau estant de forme ronde en longueur, & volant en l'air, en estendant sa queue, il vse d'icelle comme d'un gouvernail, & l'en sert pour se iouler en volant, chose que nous pouuons veoir es Millans Hironnelles & es Cresserelles, qui se tiennent long temps en l'air en vn mesme endroict se soustenants de leur queues & des ailles, sans point se remuer. Mais puis se voulants darder vont comme vne fiesche, aiantz retiré leurs ailles, lesquelles ils ne remuent point, se gouvernants seulement de la queue, ils vont d'une vistesse incomparable. Semblablement les Daulphins, aiantz la queue oblique, nagent seulement de la pesanteur de leur corps sans point y trauailler leurs ailles, mais seulement leur suffit estre aidez de la queue qui conduyse le corps. Laquelle ils ont compassee a la facon d'un croissant, non pas du tout en vray facon de Lune comme les Tons. Car ils ont d'auantage quelques autres entailles. Ladicte queue leur baille vne tresgrand force en nouant, car elle est robuste. Tellement qu'on pourroit dire que leur queue les soustient en l'eau quasi en balance, comme la queue des oyseaux en l'air. Le Daulphin ha les yeux fort petits, veu la grandeur de son corps. Il peut ciller a la maniere des bestes terrestres amenant la paupiere pour couvrir la prunelle des yeux. Les conduicts de son ouye sont si petits que n'y apparroit aucune cognoissance de pertuys, si lon n'y regarde exactement. Celuy qui les voudroit trouuer, les cherche en ceste maniere: qu'il commence au coing de l'œil, & suyue de droicte ligne allant vers les ailles, & il les trouuera distants a six doigts de l'œil. Et s'il prend vn brin de paille, & choisisse la partie deliee a laquelle est attaché l'espi, & la fiche dedens les conduicts de l'ouye du Daulphin, & puis trenche la chair avec vn cousteau suyuant la


paille,

paille, il voirra decliner les conduicts a costé contrebas, & se elargir quelque peu au dedens, & finalement paruenir aux os pierreux, & entrer dedens le test. Les conduicts pour odorer, quelque diligence qu'on sache faire, ne sont apparoiſſants sinon es petits, nouuellement naiz, comme d'un mois ou de deux mois. Car commenceants a deuenir grands. Ils perdent cela. On les voit aussi en ceulx qu'on a tiré de la matrice, lesquels ont des petits poils blancs comme barbeaux, de chaque costé de la partie de dessus la machouere d'enhault, mais ils s'ot durs, lesquels trenchés a la racine, & fuyuis avec le cousteau, sont veus se inserer es extremitéz de certains nerfs esquels ils se terminent. Tous les autres poissons ont des ouyes, qui sont ouuertes par les deux costez. Mais le Dauphin n'en ha point. Car comme nature luy ha nyé cela, elle luy ha baillé vne fluste, au conduit deſus la teſte. droictement entre les deux yeulx, par laquelle fluste ou tuyau il respire & aspire en l'air, & iecte l'eau, & fait bruit. Le Dauphin est espois par le milieu au trauers du corps a la maniere d'un retourner de guantier, car il se termine de chaque costé en se agreſſiſſant & diminuant en agu, tant de la partie de la teſte que de la queue, il ha le nez long, rond, & droict, son dos est de couleur plombée tirant sur le noir. Il est blanc par deſſous le ventre. Les ailles qu'il ha de chaque coſte & la queue, & l'arreste de dessus son dos sont moult noires. Ses dents sont de compte fait cent ſoixante en tout, moult pointues & rondes, en longueur diſpoſées par ordre, quarante en chaque costé de la machouere: deſquelles celles qui sont de la partie d'embas, sont plus petites que celles qui sont en la machouere d'enhault, laquelle machouere est continuee d'un seul os. Si est ce qu'il y ha bien apparoiſſance de quelque petite ſeparation. Mais par dedens elle monſtre estre d'un seul os a la maniere de celle d'un Crocodile, en laquelle les quatre vingts dents qui y sont, descendent iuſtement & se rencontrent en se inserant dedens les autres de la machouere d'en bas. Il ha quasi la langue a deliure, comme est celle d'un porceau: mais elle est en ce differéte, qu'elle est couchée au bord par le deuar, a la maniere des langues des Cygnes, Oies, ou autres oyſeaux de riuere

*La difference exterieure du Daulphin d'entre le malle & la femelle.* Chap. XLII.

A Pres que j'ay descript les exterieures parties du Daulphin, qui conuiennent tant au malle qu'a la femelle: il reste que ie mette la difference de l'un a l'autre discernant le malle de la femelle. car il y a quelques merques entre euls deux assez manifestes qui les separent euidement. C'est que les Daulphins males, ont vne ouuerture par le milieu du vêtre, en laquelle se retire le fourreau de leur membre honteuls, qui est enclos la dedés: lequel on peut tirer hors en le prenant par le bout: & quand on le tire bien fort, il sort hors moult gros: & ha plus de huit poulces de long: Il ha encor vn autre petit pertuis au deffous, qui est le conduict de l'excrement, lequel est beaucoup plus bas vers la queue. Mais la femelle n'ha point de telle ouuerture au milieu du ventre, sinon qu'elle en ha vne plus bas que celle du malle, qui est le pertuis de la nature, ioignant lequel vn peu au deffous est sèblablement le pertuis de l'excrement, separé comme es animaux terrestres. C'est vne note infallible qui distingue exterieurement le malle de la femelle. J'ay desia baillé les portraicts du Daulphin retirez de l'antique, ainsi que les y auoye trouué grauez, comme es statues & medalles des republicques & empereurs tels qu'ils les y auoyent fait portraire. Consequemment il m'ha semblé raisonnable, d'è donner vn retiré du naturel, contrefaict au vif: lequel nous auons fait faire en Paris, de telle peincture que l'ouurier industrieuls maistre Francois Perier, aiant le poisson deuant les yeulx, ha retiré de son pinceau. Laquelle peincture de Daulphin monstree a tous viuants cognoitiats le bec d'Oye, que soit son naif portraict & croy qu'il ne se trouuera hōme qui ne l'aduoue pour telle.

*Le vray portraict du Daulphin.*



Description du Marsouin, & la différence de Phoca, &  
de Phocæna. Chap. XLIIII.


Pour n'engêdrer confusio, es choses que j'ay descriptes du Daulphin, avec celles que j'escriray du Marsouin, j'ay bien voulu cõferer l'un avec l'autre, car le Daulphin n'ha rien qui ne puisse aussi bien conuenir aus autres especes de Marsouins, tant du mâle que de la femelle: & n'estoit que celuy qui est vraiment appellé Marsouin, c'est a dire *Phocæna*, n'ha pas le nez si long, il seroit quasi semblable au Daulphin. Mais pource que *Phocæna* est vn nom moult prochain de *Phoca*, & touteffois *Phoca*, est vn aultre animal, appellé en Francois Veau de mer, ou bien Veau marin, de la peau duquell'on fait les ceintures de cuir pelu, ie l'ay bien voulu nommer en ce lieu, a fin quel'affinité des appellations de *Phoca* & *Phocæna* n'abusast personne. C'est donca *Phocæna* a qui le nom de Marsouin est proprement deu, & qui est beaucoup plus commun que n'est l'Oye ou Daulphin: aussi est il generalement le mieuls cogneu par les poissonneries des villes, & principalement de Paris. J'ay veu souuentefois aduenir qu'on y en ha apporté quatre ou cinq pour vnvendredy, mais cela n'est pas ordinaire: car telle chose aduiét l'vne fois plus l'autre fois mois. Aussi il y a vn temps auquel les Marsouins sont peschez plus frequents: car lon en voit plus au printemps qu'en autre saison, plus en yuer qu'en autõne, & plus en automne, qu'en esté: si est ce qu'on en veoit quasi en toutes saisons: mais mois en esté qu'en nulle autre. Et pour cinq Marsouins qu'on y apportera, a peine l'on y verra vn Daulphin ou Oye. Car les Daulphins sont peschez plus rarement que les Marsouins. Or voulant exactemêt descrire le Marsouin, il ne me sera difficile apres auoir descript le Daulphin, car il est de mèsme corpulence, qu'est le Daulphin: n'estoit qu'il est quelque peu moindre. Il est brun dessus le dos tirant sur la couleur celeste, mais il est blanc dessous le ventre. Il n'ha qu'vne hareste ou aelle dessus le dos, il en ha deux, vne de chaque coste, & ha la queuë tournée en croissant. Toutes lesquelles aelles, queue & hareste, sont de couleur noirastre, a la propre maniere de celles du Daulphin. Il ha le nez mouce quasi comme arrondi. Somme

H. que



que son extérieure description, conuient en toutes merques avec celle del' Oye. Quant aux yeulx & autres conduicts d'odorer, & respirer, & au conduict de l'excremēt & de la nature de la femelle, & du membre honteux du malle, & toute la reste des parties extérieures ressemblent au Daulphin, & pour le faire-brief, ie pre-tens que la presente peincture le representera au naturel.

*Le portraict du Marsouin.*



**A**ristote au fixiesme & huitiesme de l'histoire, ha parlé assez amplement de ce Marsouin, lequel il ha nôbré entre les poissons *Cetaceos* c'est a dire qui sont de grande corpulence, & qui rêdēt leurs petits en vie, & qu'il ait du laiēt comme les Daulphins. Pareillement Pline parlant de *Torsione*, ou *Tursione*, qui est a dire Marsouin diēt qu'ils sont semblables aux Daulphins: mais quelque peu plus rigoureux, malfaisants a la maniere que les chiens de mer font de leurs becs, naissants en la mer de Pont. Cela a escript Pli. de nostre Marsouī, l'aiāt pour la plus grād partie traduiēt d'Aristote. Mais pour *Phocena* il ha tourné *Tyrzio* ou *Tursyo*, nous auons changé vne lettre disants *Marsyo* pour *Tursyo*. Les Veniciens ont vne semblable diction pour exprimer le plus petit poisson qui se pesche en la mer, lequel pource qu'il est de petite stature, il n'a point de singulier: mais d'vne voix plurielle ils le nomment *Marsyoni*: lequel petit poisson ceuls de Marseille nôment *Cabasoni*. Et pource que telle maniere de petit poisson ne se voit point par deçà, ie ne sache point quel nom Francois il obtienne entre nous.

Description

*Description d'un autre espee de Marfouin surnommé vne  
Oudre.* Chap. XLV.

Ayant acheué toute l'extérieure anatomie du Daulphin & du Marfouin, auant que proceder a l'interieure partie, il m'a semblé conuenable de commencer a descrire l'extérieure peincture d'une tierce espee de Marfouin, comme i'ay promis: laquelle i'ay faict portraire au naturel, sachât bien que la peincture peult mieuls représenter les choses a l'œil en vn instant, que ne toût les ecripts en longue espace de temps. Elle fut trouuée dedens l'Ocean, & peschée au riuage du Treport, qui est vn haure en la coste de Normandie, & fut apporté par charoy à Paris. Ce fut l'vn des plus grands poissons que i'eusse onc veu. Le vueil prendre cestuy-ci en foy, que tous poissons qui ont quelque similitude avec le Marfouin, soient indifféremment appelez Marfouins. Car encor qu'il fust particulièrement nommé de quelques vns du pais vne Oudre, si est ce que généralement tous autres en le voiant l'appelloient du Marfouin. On l'enuoya du Treport a l'hostel de Neuers a Paris, & ceuls qui l'enuoyent le nommoient du Marfouin, comme nous auons veu par les lettres qu'ils escripuoient au maistre d'hostel, ne viants d'autre nom, sinon qu'ils disoient luy enuoyer vn Marfouin. Mais ceuls qui l'auoient amené, & plusieurs autres qui le venoient veoir, le nommoient vne Oudre, ou vn Neutre, les autres vne Ouette. Mais pource que Ouette est vn nom qui semble estre diminutif d'une Oye, & l'Oye est le nom du Daulphin, il me semble que le nom d'Ouette luy seroit donné mal a propos: car il est quatre ou cinq fois plus grand que n'est le Daulphin. Somme que les appellations les plus communes estoient de la nommer vne Oudre, & Oudre en Francois est a dire, qui est vne espee de vaisseau a mettre quelque liqueur, soit eau, vin, ou huille, comme sont les boucs, & peauls de chieures, esquelles l'huille nous est apportee en temps de quarême du Languedoc en France, mais i'expoferay cy apres, quant i'auray mis la description de ce poisson.

Et pour commencer a le descrire par sa grandeur, plusieurs iugeoient qu'il estoit pelant de plus de huit cents liures.

H.2. Qui

Qui le mesuroit aux pas en cheminât, on luy en trouuoit trois: mais mesuré plus seurement & plus iustement, il auoit neuf pieds & demy. Il estoit si gros par le trauers du corps, que deux homes se tenants par les mains a peine l'eussent sceu embrasser. Mais iustement empoigné par le trauers du corps auecyne corde, puis mesurée, elle auoit sept pieds: & depuis le nombril du poisson qu'il ha au milieu du ventre, iusques a l'espine du dos en trauers, il ha uoit trois pieds & demi. La lune de la queue entre les espaces des cornes, auoit demie aulne. Ceste est la description d'un bien grand poisson: lequel toutesfois prins aux rets, n'a non plus de force que auroit vn autre petit poisson, & principalement si la queue est empestree: car il ha les aelles moult petites pour la grandeur de sa corpulence: & estant prins, n'ayant point de iecouste a soy darder, par cela il demeure affoibli, n'ayant plus de force a se remuer. Il ne pourroit aussi estre longuement en vie pris dedens les rets, qu'il ne mourust suffoqué par faulte d'air, non plus que tous autres poissons qui ont poulmons, comme Veaux de mer, Tortues de mer, Rats d'eau, Marsouins, Baleines, Lutres, Castors, Daulphins, Chauldrons. Celui duquel ie parle maintenât, est Orca, il ha le nez beaucoup plus camus & mouce que n'ha le Daulphin: & pource qu'il est de plus grand corpulêce, aussi ha il son bec ou nez beaucoup plus gros, mais le Daulphin l'ha bié plus estendu en lógueur: car combien qu'il soit de moindre corpulence, toutesfois il ha le nez plus lóg. La maschouere d'embas de cest Orca, est plus lógue que celle de dessus, ronde, & moult charnue. Les deux aelles dont il en ha vne de chascque costé, dont il se sert pour nager, me semblent plus petites, qu'il ne conuient a la proportion de la grádeur de son corps. L'harestte qu'il ha dessus son dos, est esleuee droicte & petite au regard du demeurant. Tout ce poisson semble estre entierement couuert de quelque cuir côme le Daulphin & Marsouin: aussi est il sans escailles, noir sur le dos, & blanc dessous le ventre. Il est de forme toute ronde en longueur, gros par le milieu du corps, & est estroict en diminuant par les deux bouts, côme est vn pot a l'antique, ou vn fuseau panzu. Il ha les yeuls moult petits, entre lesquels dessus le sommet de la teste, est le cõduict de la fistule, par laquelle il inspire & expire. Sa langue n'est  
entiere

entierement libre, & est semblable a celle d'un Daulphin. L'endroit de sa gorge par le dehors aux basses narines de la langue, est gros comme pourroit estre a ceuls qui ont un second menton. Les deux petits pertuis de son ouye, encor qu'ils soient moult estroicts comme au Daulphin, toutefois ils apparoissent quelque peu. La machouere de dessous est si pesante, qu'elle tombe d'auec celle d'enhaut, quant le poisson est dessus le ventre & luy tiët la gueulle ouuerte, qui est fort bien armee de bonnes dents. Au surplus, quant est de ce que nous pouons escrire de son exterieure anatomie, ie puis dire qu'il est en toutes notes correspondant au Daulphin, excepté qu'il est quatre ou cinq fois plus grand. Tellement que ie pensoye au commencement que ce fust un Daulphin, d'autant que ie n'y trouuoye difference sinon en vne excessiue grandeur. Vray est que j'ay trouué quelques particulieres choses que j'ay obseruees, lesquelles m'ont enseigné que cestuy ci soit particulierement de son genre, different au Daulphin. Mais pour ce que j'ay tousiours eu la coustume, que en l'endroit ou j'auoie difficulté des animaux qui se ressembloient, de leur regarder les dents, apres diligente inspection & consideration de celles de Orca, j'ay cogneu l'euidente difference d'entre luy & le Daulphin. Car le Daulphin ha iustement autant de dents en vne des machoueres, comme cestuy ci en ha en toutes les deux, ou bien diray mieulx, qu'il ha autant de dents en l'un costé de la machouere, que cestuy ci en ha en toute vne entiere. Laquelle chose j'ay facilement peu experimenter a l'œil: car nous l'auons conferee a l'encontre des machoueres des Daulphins que nous gardons de long temps: maintenant les machoueres auec les dents du susdict Orca, ia nettoyez & descharnez sont chez monsieur le garde de seaux Bertrandi: lesquelles dents nous auons compté estre quarante en chascune machouere, ne coprenant point quatre petits rudiments qui sont deuant, & les plus grosses sont au nombre de vingt de chascun costé des machoueres, qui sont moucs, mais celles du derriere sont poinctues. Il y en ha en tout quatre vingts, moult blanches, longues en rond, disposées par ordre, distantes l'une de l'autre comme au Daulphin. L'os de la machouere d'ebas est quelque peu voute & est logé d'un pied & demy. L'ouuerture de sa gueulle n'est guere plus fendue qu'est celle du

Daulphin, mais toutefois il ha bié la gueulle plus large. La figure de sa queue approche plus de celle du Daulphin que du Marfouï, toutefois elles se ressemblent toutes trois. Ce poisson n'ha pas seulement esté veu pour vn coup, car il aduient quelques fois qu'on en prend d'autres semblables & de plus grands, mais si rarement que en dix ans a peine en sera pris vne douzaine en tout le riuage. Il ne reste rien a descrire de son exterieure peïcture, sinó que celuy dót ie parle maïtenãt, estoit femelle, qui auoit vn petit dedés levètre, lequel pour lors n'estoit encor pas paruenue a iuste grandeur, car c'estoit au commencement de may, mil cinq cents cinquante & vn, toutefois il estoit desia si grand, qu'il auoit deux coudees de long. qui est vray argument que ce poisson fust en espece different au Daulphin, & Marfouin. Ceste femelle auoit des mamelles, vne de chascque costé, qui estoient moult manifestes, tellement qu'il ha esté libre a vn chascun de les veoir, desquelles les petits bouts estoient cachez dedens vne fente, mais on les tiroit facilement hors de ladicte fente quand on les pinsoit avec les ongles: non pas que le bout de la tetine eust vne teste comme ha vn autre animal terrestre, mais seulement vn petit bout delié, duquel les petits Ondreaux tettent le laiët des mamelles, qui sôt cachez côme ie diray en descriuãt sô interieure anatomie. Voila ce que l'auoye a dire touchãt l'exterieur de ce moult grand poisson, qui ha esté spectacle au peuple de Paris, car ils le venoient veoir a l'hostel de Neuers par grande singularité.

*Discours prins des auteurs, touchant ce qu'ils ont escript  
du poisson nommé Orca. Chap. XLVIII.*


**L'**Auoye desia descript ce poisson auant l'auoir nommé de nom antique: mais apres que i'eus long temps songé dessus, & que ie trouuay tant de merques qui le me distinguoient du Marfouin, Chauldron, & Daulphin, ie songeoye quelle antique appellation il pourroit obtenir. Desia n'estce pas *Pristes* ou *Pristis*: car il est manifeste que le poisson que les Francois nomment vn Chauldron est *Pristes*. Lequel ie n'ay point voulu descrire d'auantage en ce lieu (combié qu'il eust peu conuenir a ceste matiere) pource que ie n'en auoye point la peïcture. Aussi n'estce pas *Physeter*, car il fault (si il est vray ce qu'on en escript) qu'il soit plus grand poisson que cestuy-ci. Mais quand i'eus enquis, particulierement des

noms que ceuls qui l'auoient amené luy bailloient & que i'eu entendu que plusieurs le nommoient vn Oudre, les autres vn Oudre (vray est comme i'ay dict, que generalement le cômun populaire le nommoient Marfouin) & sachant bien que vne Oudre tient l'appellation d'un vaisseau a contenir de l'eau ou du vin: & aussi que Orca tient le nom d'un vaisseau en Latin signifiait quasi la meisme chose que faict vne Oudre, il ne m'a esté trop difficile de luy trouuer vne appellation antique: veu mesmement que la propre appellation françoise me l'a enseigné. Je l'auoye descrit ignorant son nom ancien: & n'ay rien adiousté depuis en la description, sinon ce mot Orca: a fin que si ie failloye en le nommât de ce nom ancien, la description demeure entiere, pour celuy au quel il appartiendra. Toutes les notes de ce poisson me conforter a le nommer Orca, il fut ainsi nommé des anciens, pource qu'il ressembloit a vn long vase, que les anciens nommoient Orca, lequel auoit deux bouts, ou extremittez estroictes, & estoit gros & rond par le milieu. Voila quant a la description du vase, dont il ha gaigné ce nom. Mais quant a la description du dict poisson recitée par les anciens, ie trouue aussi qu'elle soit correspondante en toutes merques a l'Oudre. Car Pline dict qu'il ne peut estre proprement representé ou descrit sino d'une grosse masse de chair aiant cruelles dents: & que son eschine est comme le dos d'un bateau renuersé monstrant la carene. Et qu'un tel poisson fut veu au port d'Ostie a la bouche du Tybre: & qu'il fut cobatu par l'Empereur Claudius, qui estoit lors a Ostie pour y faire edifier le port. Maintenant l'on peut iuger, que les medalles de Claudius Cæsar, esquelles il feist portraire vn Neptune assis dessus vn poisson tenant vn trident en la main, aient vne Orque ou Oudre, & que ce ne soit pas vn Daulphin qu'on y veoit portraict: aussi la peinture retire plus a vne Oudre qu'a vn Daulphin. Ce poisson dict Pline, auoit luy des cuirs d'un nauire qui venoit des Gaulles qui s'estoit peri, & desquels s'estât repeu plusieurs iours a Ostie, il s'estoit faict vn canal dedés le sable, ou seillo dôt il ne pouoit sortir, ne retourner en la mer: & ainsi deiecté au riuage, il demeura a sec, & luy apparissoit seulement le dos come la carene d'un bateau renuersé, & que les souldards de l'Empereur luy coururent sus avec leurs picques & le tuerent, & qu'il en feist celle fois vn spectacle

PREMIER LIVRE

ſpectacle au peuple Romain, Qui voudra en veoir d'auantage, & auſſi de la guerre cruelle qui eſt entre elle & les Baleines, liſe le cinquieſme liure d'Opian, & le neufieſme de Pline, car ie ne veuil racôpter toute l'hiſtoire: il me ſuffit d'en auoir eſcript ce qui me peult ſeruir a prouuer ce que i'en pretens eſcrire. Et auant proceder a ſon interieure partie, apres que ie l'ay deſcrite par le menu, il m'a ſemblé conſéquément eſtre tēps d'en bailler le portraict.

*La peinture de l'Oudre, que les Latins nomment Orca ou Orcynum.*



N'ayant rien oublié a deſcrire en ce premier liure de ce qui appartient a l'exterieure peinture du Daulphin, & des autres que i'ay peu recouurer qui ſont de ſon eſpece, il m'a ſemblé eſtre temps de faire fin, & de commencer a ce qui reſte a eſcrire des parties interieures.

*Fin du premier liure.*


# Le second liure de

L'HISTOIRE NATURELLE DES  
ESTRANGES POISSONS  
MARINS,

AVEC LA VRAIE PEINCTVRE

*Et description des parties interieures du Daulphin,  
Et plusieurs autres de son espece,*

Obseruce par Pierre Belon du Mans.



ὁ θεὸς εἶδεν τὸν μισθόν ἅλλα τὰ ἐπιτυχία.



A monseigneur monsieur le reueren-  
DISSIME CARDINAL DE CHASTIL-  
LON, liberal Meccenas des hommes studieuls, entiere prosperité.

**M**Onseigneur, aiant fini le premier liure, auquel i'ay ample-  
ment specifié, ce qui appartient a l'exterrieure description  
tant du Daulphin, que de plusieurs autres poissons de son espece:  
Et baillé le portraict de beaucoup d'autres, lesquels i'ay fait retiz-  
rer du naturel, ainsi que les ay trouuez a propos, pour prouuer ce  
que i'auoye entrepris de vous verifier: maintenant i'ay proposé des-  
crire en ce second liure, les parties interieures, desquelles ie bailieray  
les vrayes effigies, en preuue de ce que i'en diray: puis apres i'adiou-  
steray seulement quelque petit nombre d'autres peintures des pois-  
sons conuenables a ceste matiere, car combien que i'aye grand nō-  
bre d'autres portraicts, lesquels vous auez veus, toutefois ie n'y en  
mettray non plus que ie trouuerray conuenir a ce que i'en escriray,  
craignāt que si i'en mettoye en ce lieu mal a propos, ne le trouuissies  
mauuais: veu mesmement que les reserue a vous, les specifier en  
autre language, & aussi en faire ainsi qu'il vous plaira le me  
commander.



De l'affinité qui est es parties interieures  
 DE L'OYE OV DAULPHIN ET  
 du Marsouin conferees les vnes avec les autres. Chap.I.

**L**Estât ia arriué a la descriptiõ des interieures parties du Daulphin & des autres poissõs de sõ espece, il m'a semblé eitre couenable de cõmencer par la distiñction des entrailles du Daulphin, cõferees avec le Marsouin. Car tout ainsi que les trois poissõs que j'ay dessus dictz ont grãd affinité en l'exterieur, aussi l'ont ils en l'interieur: qui est chose bié euidète a qui les veult obseruer. Et cõme ils ont quelques particulieres distiñctiõs par le dehors, tout ainsi les ont ils par le dedés. Mais a fin d'expoier toutes choses le pl<sup>s</sup> succict emèt qu'il me iera possible, ie prédray chaique partie a par soy en faisãt cõparatiõ de l'vne a l'autre. Et pour n'écire tãt de redictes, il fault entêdre que ce qui conuient a l'vn, peult aussi conuenir a l'autre. Les entrailles du Marsouin sont generalement plus robustes que ne sont celles de l'Oye ou Daulphin: car le Daulphin ha les intestins moult fragiles, & greiles au regard du Marsouin. La fistule de l'Oye qui entre au conduict de dessus la teste, est moins aduancee l'eans que n'est celle du Marsouin. Touts deux ont les poulmons de semblable façon & en ce differents aux poulmons humains, qu'ils n'ont que deux lobes ou pieces, l'vn a dextre, l'autre a senestre: entre lesquels est le cœur, semblable a celuy de l'homme, excepté que l'homme estant vn animal qui se tient tousiours droict l'ha perdu defoubs, mais le Daulphi & Marsouin, estãts a dêt, l'ont arouict emèt entre les deux pieces ou Lobes des poulmõs: & le cœur de l'Oye ou Daulphin, encor qu'il soit d'vn poissõn sans comparaison plus petit que le Marsouin, si est ce qu'il iera plus grand & plus rond que celuy d'ũ grand Marsouin, voire tust le Marsouin trois fois pl<sup>s</sup> grãd que n'est l'Oye. Le foye de touts deux, n'est sinõ d'ũ piece ne n plus que est celuy de l'homme, aussi est il semblable a celuy de l'homme mais les petits l'ont quelque peu plus diuisé que n'ont les grãds. La ratte de touts deux, n'est toute env ne masse, mais est esparse ça, & la, contre l'estomach attachee a de petits ligaments, & toutefois celuy de l'Oudre n'est sinõ d'vne piece ronde, & la ratte du Daulphin est plus grande que n'est celle

du Marfouin. Et tout ainſi que l'Oye ha le bec long, auſſi ha il la langue de meſme: mais le Marfouin a qui le nez n'eſt pas long, auſſi n'ha il pas la langue ſi longue. Les langues de tous les deux, ne ſont pas du tout a deliure, parquoy Ariſtote dict que le Daulphin pourroit bien faire quelque bruit, comme ſont les muets: mais pource qu'il n'ha pas la langue du tout deſſiee & deliure, ne auſſi les leures, il ne pourroit pronocer vnevoix articulee. Je croy bien qu'il la puiſſe aduancer entre les dents, mais non pas la tirer iuſques hors de la bouche. Elle eſt ſeſlable a la lague d'un animal terreſtre, & principalement d'un porceau, n'eſtoit qu'elle eſt frangee par le bord. La langue de l'Oudre ne l'eſt ſinon vn petit par le bout de deuant. Il reſte encor a dire vne merque infallible qui les diſtingue par le membre honteux: car le membre du Marfouin, eſtant mort, eſt auſſi gros & grand, qu'eſt celui d'un homme en vie quand il l'ha tendu, voire des plus gros qu'on ſache trouuer: mais l'Oye, ne l'ha gueres plus gros qu'eſt le poulce, & ne paſſe pas huit ou neuf doigts en longueur. Tous deux l'ont pointu comme ont les chiens, & auſſi ont les genitoires qui ſont longs cachez au dedens, gros comme vn œuf de poule, & ſont cartilagineux a l'extremite. Tous deux ont le pertuis de lagueulle moult eſtroicte: dont ie me ſuys ſouuent eſſoye eſmerueillee commēt ils pouuoient aualler de ſi gros poiſſon dōt ils ſe paſſent, mais comme i'ay deſia dict, il fault qu'ils ſe renuerſent en les prenant, ou bien qu'ils ſe renuerſent en l'eau pour aller gaigner le poiſſon qui naturellement ſ'en fuyt au fond vers terre, a celle fin de trouuer les algues & autres bagages a ſe cacher dedens. Mais le Daulphin qui n'aualle iamais vn poiſſon au rebours, ſ'aduance pour le prendre par la teſte, laquelle il met la premiere dedens ſon goſier, & cōſequemment l'aualle dedens ſon eſtomach. C'eſt vne choſe que i'ay facilement cogneu en pluſieurs Daulphins & Marfouins que i'ay ſouuent eſſoye ouuerts, eſquels i'ay trouuay pluſieurs poiſſons que ie ne penſois pas qu'on les euſt trouuez en l'Ocean. Car le Daulphin & le Marfouin auallants indifferement toutes eſpeces de poiſſons en vie tous entiers, ont l'eſtomach fort calleux & dur par le dedens, & biē muni, contre les iniures des ha-reſtes des poiſſons qu'ils auallent comme Viues, Scorpiōs, Sargs, Perches, Pourpres, Orphies, Caſſerons, Seiches, Cōgres, Mullets, Rougets

Rougets, & autres semblables qui ont fortes harestes. Lequel estomach est sèblable a celuy d'un porceau, mais il est quelque peu plus long: & qui le voudroit remplir de liqueur, & le croistre en l'estendant, il contiendrait facilement trois quartes d'eau: qui ne est pas chose difficile a croire, car mesmement ceuls de la mer Maieur ou Pont Euxin, enuoient les Cauiares rouges & noirs a Cōstantinoble dedens les estomachs des Effurgeôs: & ceuls de Mingrelie n'iaient vsage de pots ou vaisseaux de bois, remplissent les pances des animaux de leur beure, soit de vaches ou brebis, qu'on apporte vendre a Cōstantinoble. Voila quât a la Pâce ou estomach du Daulphin & Marfouin, auquel l'*Omentum* qu'on nôme en Francoys la Tâye, est attaché ee au fond, comme elle est es autres animaux: & couvre quasi tous les intestins qui sont dessous, mais elle n'est guere grasse, & est fort simple, & moult deliée. Le ventre inferieur du Daulphin, & Marfouin, ou sont les intestins, est séparé par le diaphragme, de celuy d'enhaut. Leur cœur est envelopé dedens le *Pericardium* avec vne bien grande quantité d'eau clere enfermée leans: lequel ha deux aureilles, & deux ventricules, & pour le faire brief, il est en toutes sortes sèblable au cœur humain Pareillement les poulmons se penuent enfler de vent, s'ils sont soufflez par la fistule ou fluste qui est attachée a l'herbiere ou artere: laquelle est en ce differête a celle de tous autres, qu'elle soit a deliure. Le *Larinx* du Daulphin que les Francoys nomment la Luette, est longue comme vn petit tuiau que nous voions seruir de anches aux cornemuses. aussi est elle fichée en son conduict de la mesme maniere que lesdicts tuiaux sont fichez en leurs boistes. Car la susdicte Luette ou *epiglottis* qui ferme le conduict, est faicte a la maniere de deux petites charnures de la grosseur & quasi de la façon de deux demies noix, tellement qu'il n'y a aucune participation de conduict a respirer entrant en la bouche comme es autres animaux. Car posé que tout autre animal & l'homme se estoupent le nez, ils ne laissent pour cela a aspirer par la bouche & aussi respirer, mais il n'aduient pas ainsi au Daulphin, car le conduict qui va a ses poulmons, n'est aucunement percé en l'endroict du gosier, ains ha seulement vne cavitè dessus le front, au dedens, lèparée en l'os d'un petit entredeux qui est pour ce que ceste fistu

le cartilagineuse s'en va inferer dedens les deux dictes pieces ou lobes des poulmons. c'est par icelle qu'il fait bruyre l'eau en respirant, car il l'a iecté en l'air de tresgrande roideur en saultant hors de la mer.

*A scauoir si le Daulphin & Marsouin sortants hors l'eau viennent en l'air pour respirer, ou pour aspirer. Chap. II.*

**L'**Ay long tēps esté en doute voiât le Daulphin & Marsouin venir en l'air scauoir s'ils venoient aspirer ou respirer. Et cōme ceuls qui nouët entre deux eaux, ont aspire auât se mettre en l'eau, & réplir leurs poulmōs de vêt, tout ainsi se peut dire de tous autres animaux de mer qui ont poulmons, comme Veaux, Tortues, Marsouins, & Daulphins, qu'ils viennent en l'air pour aspirer & reprendre leur haleine. Mais il fault dire qu'ils y viennent pour faire tous les deux: car apres qu'ils ont esté long temps en la mer sans prendre haleine, la chose qu'ils font la premiere est de iecter hors celuivêt qu'ils auoient porté en la mer, car sortats hors, on les oit bruyre en iectant du vent & de l'eau en l'air, & fault ioubdain qu'ils en reprennent d'autre, car il n'y en ha point en la mer, tellement que qui auroit lié vn desdicts animaux au fond de l'eau, il seroit incontinet iustoque par faulte d'haleine. Voila quāt aux instrumens de la respiratiō, & pourquoy l'on veoit tels animaux se monstrier hors l'eau si souuent. Mais encor y ha vn autre poict digne de plus grande contemplation, qui gist en l'anatomie du Daulphin, & autres poissons cetacees, qui ne peut estre deichifré sans admiration de nature, cōme ie diray en ce tuiuat chapitre.

*Que le Daulphin ne se peut repaistre sinon tourné a la rēuerse en prenant l'autre poisson Chap. III.*

**C**E poinct monstre le grand soing de nature qu'elle ha des animaux qu'elle produict, c'est que ou les autres animaux ont l'artere encontre la gorge, cestuyci y a le gosier: qui est vne chose qu'on peut facilement apperceuoir en luy fendant les maschoueres avec vn cousteau, & tuiuant iusques a l'estomach. Car on ne trouuera point de pertuis qui responde a l'artere comme l'on veoit es autres qui ont poulmōs. C'est ce que Aristote auoit voulu

lu entendre quand il escript, que les Daulphins ont la gueulle au dedens de l'end:oiçt du reuers. & si ils l'ont de la partie de la renuerse, aussi fault il si ils veulent manger, qu'ils soient réuersez. Auf si dict il, *Os infra parte supina Delphini habent, quamobrem nisi conuersi resupinentur, cibum corrumpere nequeunt.* C'est la vraye raison qui rend les Daulphins contrainçts de se renuerfer, en mangeant & prenant leur proye en la mer.

*De l'anatomie des intestins & autres parties interieures du Daulphin & Marsouin.* Chap. IIII.

**L**ES foies de ces deux, & autres sèblables, touchent le diaphragme, aussi s'ot ils deslous la partie du dehors, & ébrafièt l'estomach par dessus, & le muniffèt de tous costez: lequel est entèdu en longueur. Leur *Pylorus*, qu'ô nômevne Caillette en Fràçois, pour ce que les villageoies prennent la tourneure en telles Cai lettres d'ot elles font cailler leur lait: lequel *Pylorus* est si grād, qu'il contient quasi la tierce partie d'autant, comme faict l'estomach, & aussi est long quasi de demy pied. Les autres intestins suiuaus cestuy la, comme est le *Ieiunium*, & le *Ileon* sont repliez en maints de:ours, comme nous voions es frases de veau. Et celuy qui est nommè *Cecum*, n'est point trouué entre les intestins du Marsouin & Daulphin, & le intestin, ou est le pertuys de l'excrement qui est nommè *Rectum*, est contre la regle des autres animaux pl<sup>9</sup> grosse au Daulphin, que ne sont tous les autres intestins: & toutefois il debueroit estre plus gros & plus large. Ils descèdent d'en hault le l'og de l'espine tout droiçt, sans se destourner nulle part. Tous lesquels intestins, sont ainsi attaches au dos par la liaison des veines meseraïques, & par les ligamèts, & par les tuniques du *Peritoneum*, en sorte que si on les destache d'vn ieul endroict ou elles se ntretiennent, elles se peuuent enleuer toutes enièble. Leurs veines sont inferees par les extremitèz au tour des intestins: qui v'ot se terminer a la grosse veine nommee *Porta*: laquelle leur est moult apparente & plus grosse que le doigt. Nous y auons comptè douze costes de chascue costè, n'y comprenant point les clai culcs, ne les autres courtes nômees les faulles costes, sur lesquelles la veine *Azygos* est couchee au costè droiçt moult apparente, & sestend en plusieurs rameaux en chascune des veines ou elle se va terminer.

*Comparaison des mamelles du Daulphin contre celles  
de tous autres animaux. Desquels les vns les ont en  
la poiçtrine, les autres le long du vètre, les autres aus ey  
nes.* Chap. V.

**S**emblablement aussi est veue la veine caue, c'est a dire la veine creuse, qui sort du foie, laquelle il ha enflée plus grosse que le doigt, pleine de sang, estendue le long du dos: laquelle puis se depart en rameaux, & monte par le derriere du membre honteux de la femelle, & va porter l'aliment tant en la matrice que aux mamelles ou se fait le lait: desquelles mamelles, ie parleray cy apres plus amplement. Leurs rongnons sont gros de chascun costé & spongieux, lesquels i'estimoye au parauant estre les mamelles: mais les mamelles sont cachees dessous la peau entre les muscles de l'epigastre le long du ventre, il est facile a les trouuer incontinent, si lon suit le petit bout exterieur: car enuiron d'une paulme loing des bouts des tetins, il y ha vne charnure ou caruncule, qui s'estend en long, composée d'une chair molle, spongieuse & rouge, qui reçoit le sang, tant des veines de la poiçtrine, que de celles des reins, lequel nature y conuertit en lait. Le Daulphin & Marsouin & plusieurs autres poissons qui ont poulmons, n'ont que deux bouts es mamelles: mais nature ne l'ha pas fait sans raison. car comme nous voions la femme enfanter le plus souuēt vn seul au coup: aussi nature ne luy ha donné que deux tetins, sachant bien qu'ils peuuent suffire a vn seul. Semblablement les autres animaux aquatiques ou terrestres qui n'ont qu'un petit a la fois, n'ont eu affaire de plusieurs mamelles: desquels il y en ha qui les portent en la poiçtrine, cōme sont les chauues fouris, que Plin auoit au parauant escript, laquelle chose i'ay n'aguères trouué estre vraye par leurs anatomies faites dedens la grande Pyramide d'Aegypte, & dedens le Labyrinthe de Crete. car i'ay veu les meres baillants a teter a leurs petits de leurs mamelles du lait qu'elles ont en la poiçtrine. Vne chose qui m'a semblé digne de grande admiration en elles, est qu'elles ne font point nid. Car elles se pendēt en l'air de leurs crochets des aelles, en allaitāt leurs petits

petits qui font semblablement pendus aux pierres des vaultes. Les Singes pareillement ont des mamelles en la poictrine. Ce qu'on ha aussi escript des Sphinges. Mais les autres animaux qui ont grand nombre de petits a nourrir, comme Taulpes, Sâgliers, Herissons, Porcs espis, & autres semblables ont eu beioing de plusieurs bouts es mamelles, lesquelles font estendues le long du ventre, comme nous voions es chiennes. Les autres qui ne nourrirent qu'un petit a la fois, comme Girafes nommees en Latin *Chamelo-pardales*, Elephants, Chameauts, Iuments, Chamois, Boucs estains n'ot eu affaire que de deux bouts. Toutefois les tettes de to<sup>u</sup> les fuidicts animaux font eminentes au dehors. Mais ils font cachez au Daulphin de moult grand industrie. d'autant qu'ils participer le artifice dont ha vie nature en les desuidicts. Car leur poitrine est comme font les tettes de ceuls qui portent plusieurs animaux, qui les ont le long des muscles de l'Epigastre ou *Abdomen* sinon qu'ils font cachez deisoubs la peau. Mais les bouts des tettes du Daulphi que les Latins noment *Papillas*, & que les Frâcois champestres appellent traions, ont leur situation a la maniere des animaux a quatre pieds, qui ne rendent qu'un petit a la fois, lesquels nature luy ha cachez au dedens, pour la dicomodité qu'ils eussent fait au poisson, s'ils eussent esté dehors, d'autant que cela eust esté empeschement a sa vitesse. Les vreteres du Daulfont veues manifestes descendre en la vescie tant des males que des femelles: laquelle vescie est aussi grande comme celle de la Grenouille de mer. Nous l'auons enflée & emplie, ou nous auons trouué qu'elle contient vne chopine d'eau. Ne les Daulphins ne la reste des autres de leur genre, n'ont point de fiel, qui me semble chose estrange: car mesmement en mangeant expressement de leur intestin nomme *Pylorus*, lequel est celuy qui enuoie es excrements au fiel, nous l'auons trouué amer, comme si il eust esté participant de quelque amertume de fiel: & toutefois ne le stomach, ne l'autre intestin d'apres n'auoient point ce goust la, ne aussi le foie, lequel quand il est bien accoustre, est semblable n faueur & au goust du foye d'un porceau: & de quelque endroit qu'on en sache manger, il n'est point trouué amer. Si est ce que le fiel sert grndement a tous animaux qui ont sang, & est




grand chose que le Daulphin qui est vn animal tant sanguin, n'en ait point, mais nature luy ha baillé quelque autre voye pour luy repurger le mauuais sang. Les autres animaux qui n'ont point de sang, n'ont aussi point de foye & par conséquent n'ont point de fiel. Combien que les Daulphins & Marsouins digerent toutes les harestes des poissons qu'ils auallent, lesquelles ils consommēt en l'estomach, voire les plus dures espines & harestes des poissons, toutefois ils ne digerēt iamais & ne consommēt les pierres qui sōt trouuees es testes: car nous leur en auons souuentefois trouué avec les excrements dedens le droict boyau, qui estoient prestes a mettre hors, & toutefois elles estoient demourees toutes entieres, cōme *Cynedia*, *Synodōtides*, *Triglites*, & autres pierres sēblables. Ils ont les intestis mal aisez a nettoier pour mager: si est ce qu'on ne les iecte pas a Paris: car l'on trouue assez de personnes friādes qui les achettent, & les habillent pour manger delicatement.

*Que toute l'anatomie du cerueau du Daulphin, conuienne en toutes ses parties avec celuy de l'homme. Chap. VI.*

**L**A chose de ceste anatomie du Daulphin qui nous a estē la pl<sup>9</sup> admirable & sēblē artificielle, est le cerueau & ses parties, car les nerfs qui vōt deux a deux, qu'on appelle les sept coniugatiōs. sōt beaucoup pl<sup>9</sup> apparētes es Daulphis, qu'ils ne sont es nostres mēsmes. Et aussi quād l'os de sō test est descouuert de sa peau de dessus, il sēble propremēt estre le test d'un homme: car qui auroit couppe le bec a l'Oye ou au Marsouī, le test en resteroit rōd, lequel regardē de toutes parts par le deuāt & par le derriere, par la sūmitē & par les tēples, on le trouueroit mieuls resēbler a celui de l'homme, que nul autre test qu'ō sache choisir de to<sup>9</sup> autres animaux: car il ha les mēsmes sutures, qu'a le test de l'hōme, & entre autres notes les plus insignes sōt les os pierreux, nōmez *Lithoydi*: desquels il en a vn de chaŕque coste, & au deffoubs duquel le nerf de l'ouie entre au dedens du test. Ces os sont ineganls & durs cōme pierres creuses ou encauez par le dedens. J'ay parlē par cy deuant des sus dicts nerfs, qui se rendent es conduicts de l'ouye, lesquels sont si estroicts es petits, qu'on ne les peult gueres bien veoir. Car en  
tant

tant que nature luy ha nyé les oreilles, elle luy ha baillé ces petits trous. Son cerueau est enclos de iés meninges ou membranes, qui sont fort robustes. Les ventricules & les destours du cerueau, sont correspondâts a celuy de l'homme, & ha ainsi la postérieure partie separee de celle du deuant, deüssous lequel cerueau les productions des nerfs tant *Optica*, *scolicoïdes*, *Adenes*, que les autres, sortent a couples hors le test, les vns par l'antérieure partie du cerueau, pour venir aux naseaux, & aux yeulx, & a la lague: les autres par les costez, qui se referét aux ouyes & aux côducts de la l'exte coniugation. Touts lesquels sont veus percer les meninges du test. Et d'autant qu'il est moult sanguin, les veines & arteres y sont veues plus apparêtes. Or apres que i ay aplemêt decript l'interieure & exterieure anatomie du test du Daulphî, scaoir est de la ceruelle & des os, s'uyuât ce que i ay par cy deuant promis. I en baille maintenant la peincture: laquelle ie fey premierement portraire en Italie sur celle qui est deüssus la porte de laville de Rimini, i'aoit que nous l'eussions au parauant veue a Rome chez maistre Gilbert, & a Bologne la graite chez *Cesar Osoneo* medecins: toutefois nous en auons aussi a Paris en nostre puiffance, qu'un chascun pourra voir cõforme a ceste presente peincture.

*Le portraict des ossements de la teste du Daulphin.*



k.2. Compa-

*Comparaison faicte de la nourriture des petits Daulphins, es Venetres de leurs meres, avec celle des animaux terrestres. Chap. VII.*

**L**ES Daulphins ne les Marfouins & tous autres poissons Cetaees de leur espece, que nous auons peu obseruer, ne portent point plus d'vn petit a la fois. Et croy que nature ne leur ait voulu permettre autrement. Car les petits sont dix moys en leurs ventres, ou ils deuiennent moult grands, tellement que quand ils en sortent hors, ils sont desia d'vne inuisitee grandeur. Et si les Daulphins en portoient deux au coup, il faudroit qu'ils ne creussent pas si grands dedens la matrice, car elle en seroit trop remplie, & n'y auroit suffisante espace dedens le ventre des meres pour les comprendre: veu mesmement qu'elles les rendent en vie desia parfaicts. Et encore que la matrice ait deux cornes, touteffois elles sont assez occupees d'vn seul Daulphineau. L'vne des cornes de la matrice n'est pas si grande que l'autre. La queue du Daulphineau est quelque peu recourbee dedens la petite corne de la matrice, & aussi la secondine ou tunique en laquelle est enuelopé le petit, laquelle les Grecs nomment chorion, les Francois l'arriere fais, ha vne longue partie come vne queue pendante, qui est repliee iusques au fôd de la susdicte petite corne. Laquelle sort hors la matrice avec le petit, quand il est paruenu au terme de sa iuste grandeur, Elle est compoïee d'vne infinité de rameaux, de veines, ligaments, nerfs, & arteres, tellement qu'elle semble estre quelque mebrane saignate moult espoisse: tous les vaisseauls dessus dictz dont elle est tissue, vont se referer de l'vn a l'autre, iusques a tant qu'ils soient paruenuz en vn corps composé de quatre rameaux qui est nommé *Vrachus*, auquel les Francois n'ont encor point trouué de nom propre a l'exprimer, sinon que en quelques lieux come au Maine, ils l'appellent la Trippe du nombril, les autres la corde: laquelle trippe ou corde va se interer dedens les membres interieurs du petit, par le nombril. Les vns entrent d'vn costé, & les autres de l'autre. Car en tant que le nombril est colloqué au milieu du corps, l'vne partie du dict *Vrachus* descend contre bas. & l'autre partie monte contremont, scauoir est que la moitie va finir iustement en vne coche entre les lobes ou lopins du foye, assez pres de la veine caue, & nommeemēt baillent le nourrissemēt du


du sang & l'esprit Vital, Animal, & Naturel, prouenant de la mere, enuoyé leans par ledicts ligamêts tant au cœur, au cerueau, & membres principauls, qu'au foye. Ce n'est donc pas merueille si les douleurs des matrices que nous nommons la mere, sont si vehemêtes, veu qu'elles ont si grâde familiarité & cômunicatiô avec les plus nobles parties de tout le corps, & aussi que tous les corps sont grandement transpirables, attendu que les petits mesmes inspirent & aspirêt dedes les secôdines es vêtres de leurs meres. Et pour prouuer ceste chose. Qu'on tuevn animal pregnât & soubdain qu'on ouure la poictrine de son petit, l'on voirra remuer ses poumons & son cœur. Touchant ce poinct ie n'auray pas faulte de tesmoing de l'auoir veu en vn Chameau delaisié soubz sa charge en vne plaine d'Arabie au voiage de monsieur le Baron de Fumet gentilhomme de la chambre du Roy, en descendant a la ville nommee le Tor du mont Sinai au riuage de la Mer Rouge. Ie n'ay point eu de Daulphi en vie qui fust pregnât pour experiméter cela, touteffois le Daulphin ha toutes ces merques, mais il vit en autre element. Or le sang enuoyé au foye est distribué leans & a l'estomach & aux intestins, ou il est cuict par la chaleur du foye: & entre par l'extremité des va ses en chaque partie interieure, tellement que toutes sont nourries du sang exterieur, que leur enuoie la matrice par la communication de la secôdine. Et encore qu'il n'entre par la bouche en l'estomach, & de la aux intestins, si est ce qu'il n'y a partie de dedens qui soit oyseuse, car lon trouue mesmement le droict boyau, autrement nommé le gras boyau, en quelque temps qu'on le regarder tousiours plein de l'excrement prouenant du sang, dont le petit est nourri. Car comme il reçoit du sang exterieur dont il est nourri, lequel il ne peult tout digerer, par consequent il fault qu'il s'en face de l'excrement: duquel quand il est superflu, le petit s'en decharge en la secôdine, comme lon peult veoir chaque fois qu'on vient a l'ouurir, & en ce temps la le iusdict droict boyau nommé *Rectum intestinû*, que i'ay dict estre le plus petit es intestins des peres, il est le plus gros es enfants. Voila quant a l'un des rameaux de *Vrachus* qui monte au foye. L'autre partie des rameaux deféd en bas, & se vient semblablement inserer dedens la veine caue, en torant la vefcie tendue contremont, & distribue de cela quil

porte tant aux veines des eynes que aux nerfs & arteres, pour le nourrissement de toutes les parties inferieures. Au milieu de ces quatre vaisseauls, il y a vn conduit qui se va rendre leans en vne membrane nommee des anciens *Ammios*, laquelle est robuste & claire, mais elle n'est pas du corps de la tunique du *Chorion* autrement dict la secundine. Car auiti est elle par la partie de dedens, composee de deux pellicules enfermee avec le petit dedens la secundine, esquelles est contenu vne liqueur ressemblant a l'eau, sinon qu'elle est vn peu plus visqueuse, & y en a quantite selon l'age du petit: car quand il ha six moys, on y trouue bien vne quart de liqueur. l'eusse pesé que ce fust esté ion excrement de l'vrine, n'eust esté que ie me fuy trouué a la fin du moys de septembre & d'octobre en diuerses contrees & a plusieurs fois a les obseruer, auquel temps les Daulphineaux & Marlouineaux estoient encor si petits en leurs vetres, qu'a peine pouuoient ils auoir la grosseur d'vne noix, & toutefois ils auoient desia ceste liqueur, auquel temps la secundine ou *chorion* estoit bien proportionnee a la grandeur des petits, car consequentement elle s'augmente & croist quant & quant euls. Et ainsi suyuant le temps en portant leurs petits durant l'hyuer, printemps, & bonne partie de l'esté, les rendent avne parfaicte grandeur: tellement qu'ils les peuuent garder dix mois. Et en cela ie vueil bien conforter le dire d'Aristote. l'ay obserué en plusieurs Marfouins & Daulphins ce que i'ay dict, car durant l'hyuer leurs petits s'ont si petits, qu'ils ne s'ont gueres plus gros qu'est vn barbeau: & toutefois ils ont desia grande quantite de liqueur claire dedens l'*Ammios*: & au printemps estants fort proches de leur iuste grandeur, ils en ont plus grande quantite: & consequentement l'esté ensuyuant estants paruenus a terme, les femelles s'ont trouuees deliures, & les petits qu'elles ont mis hors en la mer, incapables de se paistre d'euls meismes: mourroient de faim, n'estoit que nature pouruoiant a tout ce qu'elle produit, aiant soing de les nourrir, ha donné deux mamelles a la mere, dont les petits bouts sont de chascun costé avn poulce loing de leur membre hôteux, mais ils sont cachez au dedens, & le pertuis qui les cache est comme vne fente en la peau estendu en longueur: lesquels les petits tettent comme vn autre animal terrestre. Aristote ha dict toutes ces choses en moins de parolles, car il escript qu'ils portēt dix mois

mois, & qu'ils vont deux a deux masse & femelle. Vn passage en Pline m'a semblé doubtable, quand il escript qu'ils s'acouplent au printemps. *Agunt* (dit il) *vere coniugia*. Et si ainsi estoit, il faudroit pour les raisons que j'ay dictes, qu'ils enfantassent en yuer. Mais les autres exēplaires de Pline ont, *Agunt ferè coniugia*. Et quand ores on liroit *vere*, peult estre que ce mot n'est point nom, ains aduerbe. *vere*. De moy sachant qu'ils s'acouplent deux a deux & qu'ils ne se laissent point l'un l'autre, ie oseray penser qu'ils habitent indifferemment selon leur affection comme aussi font plusieurs autres animaux. Ou bien voiant qu'ils ont vn temps deputé par nature a l'engrossier & a enfanter: il me semble que ie ne faudray point en disant qu'ils l'engrossent en la fin de l'esté, ou (cōme dit Aristote) en Autōne s'accouplāt masse & femelle, & se mettāt le ventre de l'un contre celuy de l'autre, a la maniere des hommes: qui est vne chose qu'on a aussi escript des Ours. Reprenant maintenant les choses de plus loing, aiant par cy deuāt parlé des membres honteux des masses, il reste a parler de l'anatomie de la matrice des femelles, & de leurs petits, & comme ils sont contenus dedens l'*Embryon*: car apres que j'ay trouué que les Daulphus commençoient des l'autōne a auoir forme desia gros comme vne noix, & qu'en yuer ils estoient de la grosseur d'un Carpio, & ainsi voutez leans: & que au printemps ils sont desia si gros qu'on ne les peult empoigner des deux mains: & qu'en esté ils soient paruenus a quelque desmesuree grādeur telle qu'on n'estimeroit pas: il m'a semblé en bailler la peinture, tant des petits que de la matrice, lesquels estoient au parauant enfermez d'une tunique que j'ay souuēt nommée *secundine*, laquelle apres l'auoir rompue j'ay couché le petit dessus, & fait peindre ainsi attaché par le nōbril, comme le present portraict demonstre. Ce que j'ay nommé *tunique*, les Francois le nomment l'arriere faix, de laquelle (comme j'ay dit) l'une des parties entre en l'autre corne de la matrice. Le petit est trouué creu leans en yuer de la grosseur d'un Carpio, alors il ha sa queue remplie a plat, mais sur la fin du printemps il l'ha quasi en cercle luné: & ha l'hareste de dessus, couchee contre le dos: & si c'est vn masse, vn petit bout du mēbre hôteux luy fort hors: & si c'est vne femelle, le mēbre feminin apparoit fort euidēt.

Ils ont aussi les aelles couchees contre le corps. Les masses oultre le pertuis de l'excrement en ont vn autre au deffoubs: lequel pertuis n'est point trouué es plus gráds: & encor que i'aye voulu s'uy u reledict conduict, ie n'ay sceu scauoir quelle part il va: car il se depart incontinent en deux rameaux. Les petits ont vne merque memorable, qui est vn enseignemēt de leur sens d'odorer, cest que aux deux costez de la leure d'enhaut assez pres de l'extremité du bec, ils ont des poils de barbe, qui sortent hors la peau assez longuettes, & durs comme soye de cheual: lesquels poils ne sont pas en l'vn comme en l'autre. Car l'Oudre en ha quatre de chascue costé, mais le Marsouin n'en ha que deux. Suyuant ce que i'ay promis bailler la figure d'vn petit avec sa matrice, i'ay biē voulu premierement dire, que tout le portraict ainsi que ie le baille, est nommé *Embryō*: car aīsi est nomēe toute la matrice entiere avec le petit.

*La peinture de l'Embryon d'vn Marsouin.*



**L**E petit est en peinture dessus le *Charion*, ou tunique, ou l'arrière faux, estendu sur la matrice, ainsi qu'il ha esté trouué dedens l'une des cornes, auquel l'*Vrachus* est attaché au nombril. Les testicules de la femelle sont de chaque costé dessous les cornes de la matrice. Les vretères de la femelle sont de chaque costé de la vescie, qui est peinte sur le col de la matrice. Voyla vne brieue explication de ce que l'œil veoit exterieurement.

*Explication de ce que la susdite peinture contiét interieurement.*

*Chap. VIII.*

**L'**Ay desia dict que les membres honteux des Marfouins massés auoient plus d'une paulme en longueur: scauoir est autant que comprend l'extremité du pouce & du petit doigt, qui autrement est la mesure de douze doigts: & que les membres des Daulphins n'estoient pas si lourds ne gros: & qu'ils n'auoient point plus de huit doigts de longueur: par conséquent aussi fault il croire que les femelles des susdicts, aient membre correspondant & proportionné aux masses: & que les Marfouines, aient autre conduit que les Daulphines. Vouant donc maintenant pour luyure d'ordre a nômer chaque chose de la susdite peinture, ie commenceray au premier conduit de sa nature, lequel est fort spacieux par dedés, mais l'entree en est frôcée de rides qui la font estreindre: & combien que la Daulphine soit blâche dessous le vêtre, si est ce qu'elle ha le conduit honteux noir a l'éuiro, & a vn pouce loing aux deux costez, il y a deux petits trous fendus en l'ogeur, qui sont les trous des mamelles: & au dessous de la susdite bouche hôteuse; cõtre bas, est le pertuis de l'excremēt, qui est fort ród & petit au regard du susdict qui est fédu en l'og: & a l'etree de ce dit conduit hôteux il y a quelq; petite pellicule ou ressort, qui pèd de la partie d'enhaut, laquelle ie ne vueil nômer en Francois; cõbien qu'elle ait nom propre, car il est honteux: laquelle cache le conduit de l'vrine venant de la vescie. Entrant quelque peu au dedens l'on trouue deux callositez ou durtez des deux costez quelque peu eleues correspondantes aux hymenes, lesquelles tiennent le pertuis du conduit honteux renfermé. La capacité de ce conduit de la femelle, par le dedens, est longue de quinze doigts de l'inter

L. ualle



uallé ou distance de l'vne entrée ou bouche a l'autre: scauoir est de celle du dehors a l'autre qui est interieure. Elle est fort tissue de rides, qui la tiennent estrecie, & est moult blâche par le dedens, aussi qui veult, elle s'estend en telle largeur, qu'on y pourroit faire entrer vn œuf par l'exterieure entrée honteuse, & le conduyre sans le rompre iusques a l'autre seconde entrée, laquelle est la premiere closture, entrant par le dedens en la matrice. Ceste seconde entrée est moult estroicte, & pour la bien veoir, il fault la regarder par le dedens de la matrice, alors on trouue changement de couleur: car ou celle subsdicte capacité consistoit en blancheur, alors elle prend fin ou la seconde entrée commence, & la elle est composée aussi d'vne cheuelure, qui est faicte des extremités de plusieurs veines & arteres, qui sont de diuerses couleurs, comme noires, rouges, blanches, bleuës, grises, se touchants l'vne a l'autre. C'est la que commence celle seconde capacité qui s'estend en la matrice, dedens laquelle le petit est enclos avec la secondine. La matrice est embrassée par dessous de tous costez d'vne infinie cheuelure de veines, qui se terminent par les bouts de toutes parts en ladicte matrice, lesquelles sortent des rameaux de la veine caue, par le derriere du membre honteux, & s'uyuet par les costez montant contremont, & se inserent par le dessous sur la matrice. Mais le petit est leans enuélé de sa secondine, laquelle fort quant & quant luy, dedés laquelle il est totalement entourné de toutes parts. C'est vne note qui ne conuient pas a tous animaux qui rendent leurs petits en vie, ne mesmement aux poissons cartilagineux. Car les Rhines, que les Francois nomment Anges de mer, & les Rouffettes & les Chiens de mer, rendent leurs petits en vie, lesquels ne sont pas enuéléz de tuniques, mais seulement sont conioincts de l'Vrachus par le nombril a la matrice: nous auons trouué telle fois qu'un chien de mer de petite corpulence en porte vnze d'vne ventree, mais disposez en sorte que la teste en soit la premiere: chose cômune a tous animaux.

*Que plusieurs animaux rendent leurs petits sans secondines, mais qu'ils auoient esté formez en œufs en la matrice. Cha. IX.*

**Q**uant a ceuls qui sont ainsi attachez a la matrice par le nôbril sans

sans tunique, il fault entendre qu'ils aiēt premieremēt esté leans creez en œuf: & puis de la petit a petit prēnent leurs formes dedēs les ventres, dont a la parfin font produiēts les petits, lesquels en-apres les meres mettent hors tous nuds sans secondine. Voyla quant aux poissons cartilagineux qui en naissant sont exclos sās aucun enueloppement. Mais des terrestres la Salamandre rend ses petits en vie ia parfaicts, & qui scauent cheminer des l'heure mesme qu'ils sont hors: & de quarāte ou cinquāte qu'elle rend, il n'y en a pas vn ēuelopé de tunique, nō pl<sup>9</sup> que les petits de la Vipere, laquelle rēd aussi les petits en vie, sās secodines: car ses petits furent premierement en œuf en la matrice, mais a les esclorre elle les rēd sās tuniques, cōme maistr Pierre Geodō, tresexpert apoticairre, ha veritablemēt obserué. La Chauuefouris aussi, rend ses petits en vie sās tunique: ce que ne fōt les Rats, Souris, Taupes, & autres a qui elle est sēblable. Les Insectes aussi cōme sont P<sup>9</sup>anangiōs, & E<sup>9</sup>cherbots, cōçoipuent sēblablemēt les œufs en leurs ventres, dont puis est procréé l'animal sans tunique, lequel ils gardent ia parfaict soubz leurs poiētrines. Mais le Daulphin, le Chauldron, l'Oudre, le Veau de mer, & la Baleine, ne font pas ainsi: ains font leurs couches sans l'aide de ceuls qui relieuent les petits, & toutes fois il ne laisse a sortir grande quātité de sang du nombril du petit qu'ils enfantent, & principalement quand ils separēt les tuniques ou secodines. Et fault necessairement apres que le petit a esté rendu hors la matrice de la Daulphine, que la mere luy separe la secondine avec les dents, & la luy coupe & separe du nombril, comme aussi font tous autres animaux a quatre pieds, ainsi qu'ils sont apprins de nature. l'auoy cessé de parler des veines qui sortent du corps de la veine caue, & entrent par les eynes en la matrice, qui sont celles qui baillent la nourriture au petit: laquelle nourriture luy est premieremēt cōmuniquee par le moyen de sa tunique: car elle est comme vne esponge humide, laquelle appliquee a vne autre, la rend humectee, tellement que de la matrice, le nourrissemēt peult facilement passer a la secodine, laquelle n'est aussi qu'une masse de veines, non plus qu'est la matrice. Ceci ne soit trouué difficile car toutes se rēdent a l'*Vrachus*, qui est vn seul corps ou se referēt toutes autres ligatures de la secodine a son nombril. La matrice des Daulphins est cochee a la

summité, car elle ha deux cornes qui se retrecissent contre bas, lesquelles sont vultees de chascque costé a la maniere d'un arc tēdu: & croy que nature l'a faict pour donner lieu a l'estomach, & a chascque corne il y avn genitoire, qui sont deux en nombre, beaucoup moïdres que ceuls qu'ō veoit es masses, lesquels enuoïēt vn conduict de chascque costé qui se rēd aux paraitates, pour porter la semence laquelle ils ne rendent pas en la matrice, car les vaisseaux la conduisent dedens la capacité du membre honteux de la femelle, & non pas en la matrice, scauoir est entre les deux conduicts ou ouuertures du membre hôteux, que i'ay desia delcript, mais plus pres de celle de la matrice que de l'autre exterieure. Laquelle chose se peult prouuer, comme ie diray cy apres: mais il faut premierement entendre que c'est la raison pourquoy quād les femelles ont conceu, ençor que la semence soit entree par l'ouerture de leur matrice, & que la matrice soit si estroitement fermee durāt qu'elles sont grosses, qu'il n'y entreroit ne sortiroit de leans chose qui fust de la grosseur d'une poincte d'eiguille delie, touteffois estants ainsi pregnantes elles ne laissent pourtant a iecter leur semence & la mettre hors par le membre hôteux que i'ay dict quand elles s'accouplent avec le masse, tout ainsi cōme quand elles n'estoïēt pas grosses. Or si cela est vray que la matrice soit si estroitement fermee quand elles sont grosses, aussi fault il qu'il soit vray que leur semence ne passe pas par dedens la matrice, car elle y demeureroit enfermee avec le petit: mais comme i'ay dict, la semence des femelles suiuant le conduict des paraitates, passe par les costez de la matrice, & est rendue a l'entree de dedens la capacité du mēbre honteux, lequel puisne l'empesche poit de sortir. Ceci soit entendu de toutes especes d'animals. Mais le petit Daulphin, ou autres de son espeece, estant en la matrice, porte plus sur l'une corne que sur l'autre, laquelle est plus spatieuse & large que n'est l'autre qui est vuyde.

*D'un Marsouineau trouuē au ventre de sa mere, lequel pource qu'il estoit si grand, fut presentē au Roy Francoys.*

*Chap. X.*

**I**E ne veul passer oultre sans escrire vne chose notable que i'ay  
ouy

ouy racompter touchant le Marfouin. C'est qu'il soit aduenu a vn maistre d'hostel de chez le Roy, d'auoir trouué vn si grand Marfouin dedens le ventre de la mere, qu'il ne le peut veoir sinõ par grand admiration, parquoy il le trouua d'autant plus digne de le faire veoir au Roy Francoys, lequel fut si grand admirateur des ceuures de nature, qu'il vouloit exprésient qu'on luy presentast tousiours quelque chose de nouveau, aussi on ne luy presenta onc chose tant fust petite, qu'il ne l'estimast grandement, & v. fast de grande liberalité a celuy qui la luy presentoit. Mais apres qu'il eut veu vn si grand poisson qu'on auoit trouué au vêtre d'ũ Mariouin, alors il commanda qu'on luy appellast ceuls desquels il attendoit en auoir certain iugement, mais ils furent d'opinion touchant cecy, que le Mariouin l'auoit ain si auallé: disants que les poissons se mengeoient l'vn lautre, non sachants que les Marfouins portaient leurs petits si grands, & qu'ils les rendissent en vie. Or ceste fois la on auoit aussi amené vn poisson Chauldron quant & le Marfouin, lequel Chauldron il voulut veoir departir en pieces, & le bailler aux Souiffes de la garde, car il n'en voulut pas manger. Toutes lesquelles choses ie n'ay pas veu moimeisme, mais ceci me fut dict en regardant ouuir vn Marfouin a saint Germain en laie, presents les Escuiers & quelques maistres d'hostel, qui disoient en auoir trouué vne cinquantaine de petits en leurs vies es ventres de leurs meres: mais qu'ils n'ont souuenance d'en auoir onc trouué plus d'vn petit au coup. Semblablement nous auõs tousiours eu soing de recouurer les petits de ceuls qu'o apportoit aux halles a Paris, car la coustume est de les enuoyer iecter en la riuier. En forte que nous en auõs eu telles fois quatre a vn iour de vendredy, du moys de May. Mais ie n'en sceu onc veoir plus d'vn a la fois, combien que ie seroye bien d'opinion qu'ils en peuuent auoir deux, comme Aristote l'ha escript. Voyla touchant le nombre des petits que le Daulphin, & Marfouin portent en leurs matrices.

*Description de l'interieure anatomie de l'Oudre, que les Latins nomment Orca.*

Chap. XI.

A fin de distinguer chascue chose en son chapitre particulier,

L.3. apres

apres que j'ay baillé l'anatomie interieure, & tout le discours tant du Daulphin que du Marsouin, j'ay bien voulu bailler l'anatomie interieure du susdict grand Marsouin que j'ay nommé vne Oudre, dont j'ay desia descritt l'exterieure. Et faut noter que l'anatomie interieure du Daulphin, du Marsouin, & de l'Oudre est semblable en toutes choses. Et en regardant exactement, & cherchât quelque merque qui les discernast, ie n'ay trouué difference aucune, sinon en la ratte, que l'Oudre ha d'vne seule piece. & la langue qu'elle n'ha pas cochee, sinon vn petit par le bout. Cela est tout arresté & manifeste, que iamais toutes ces especes, ne font leurs petits qu'en temps d'esté: car oultre que Aristote homme veritable nous l'ha assureé, nous l'auons aussi trouué par experience, suivant l'observation que nous en auons faict iournellement. Il ne reste rien d'inigne a describe de l'Oudre sinon, qu'il luy aduiuent (comme aussi au Marsouin, Daulphin, & Baleine) d'auoir la gueule estroicte, & le conduict de la gorge depuis la langue iusques a l'estomach de la partie du reuers, c'est a dire que le tuiuu de l'artere est entre deux: tellement qu'elle ha la gueule de la partie du reuers: aussi fault il qu'elle se renuerie a la maniere de la Baleine, & des autres poissôs qui ont poulmon. On luy trouua diuerfes sortes de poissôs dedens l'estomach, côme Rayes, Gournaux, & Viues. Semblablement auoit le foye sans fiel, & mesmes poulmons & diaphragme que le Daulphin: & si grande quantité d'intestins, que a peine y en auroit il autant en vn boeut.

*Qu'il n'y ait point de difference en la description de la matrice du Daulphin, avec celle de l'Oudre ou Orca. C. XI.*

**J**E n'escriroy autre chose de sa matrice, en tât que j'ay faict peindre celle du Marsouin, a laquelle celle de l'Oudre est semblable. Toutefois j'ay aussi bié voulu faire peindre le petit Oudreau dess<sup>us</sup> sa tunique ioignât sa mere, ainsi que le peinctre industrieux maistre Francois perier l'a veu hors de sa matrice, ou le petit est quelque peu replié, tout ainsi qu'est celuy du Daulphin: il ha quatre petits poils de barbe de chasque costé des leures. Les Marsouinaux n'en ont que deux: & toutefois nul des grands ha ceste chose la,

la, & mesmement Aristote l'esmerueille, que il n'y ait aucune apparence des conduicts du sens d'odorer es Daulphins: lesquels toutefois odorent soigneusement, laquelle chose ie puis aussi bié referer au Marsouin & Oudre. Les susdicts poils tumbent aux Oudreaux en croissant: & quand ils ont passé demy an, il ne leur en demeure aucun vestige, ne de poil, ne de pertuys. Les petits Oudreaux sont beaucoup plus camus que ne sont les meres: car de force qu'ils sont camus, ils ont vne coche enfoncée dedens le front. Oultre la secondine encor ha vne petite pellicule deliée, qui est la premiere peau dont ils s'ot couuerts, laquelle est moult delicate & tendre & polie: car celle qui est par dessus le dos, ne est sinon vne confusion de veines tressées. Et les ligaments de sa secondine, qui sont attachez au nombril, s'ot marquettez de quelques asperitez, comme s'il y auoit des petites perles semées par dessus: lesquels sont aussi au Daulphin, & au Marsouin.

*Comment la chair du Marsouin est distinguée de celle du Daulphin, & a scauoir quelle est la meilleure. Cha. XII.*

LES viuendiers & autres gents qui voient iournellement trancher les Oyes ou Daulphins, & les Marsouins es poissoneries, scauent bien lequel des deux est le plus requis pour estre le meilleur a manger. Et combien que les interieures parties des deux comme sont les trippes, foye, poulmon, & le cœur, ne soyent pas eu goust si differents qu'est la chair, toutefois auant escrire le goust d'entre leurs chairs ie vueil premierement donner vne particuliere note qui distinguera l'vne de l'autre quand ils s'erot yeus trenchez dessus l'estal en pieces. C'est que le Daulphin ou Oye n'est pas si gras qu'est le Marsouin. Et pour autant que le Daulphin n'est pas si gras, aussi est de meilleur goust, & beaucoup plus profitable: & plus delectable que n'est le Marsouin. Par cela ceuls qui sont coustumiers de veoir souuent tous les deux & en acheter, prennent plus volontiers du Daulphin ou Oye que du Marsouin, suyuant le prouerbe Francois qui dit, que les plus maigres poissons sont les meilleurs: c'est a dire que ceuls qui sont naturel-

lemēt

lement gras, ne sont pas si bons que ceuls qui sont naturellemēt maigres. Mais qu'un Marfouin ou autre poisson gras de nature, extenué & amaigri soit bon, cela n'entens ie pas, ains de to<sup>9</sup> poissons de quelque nature qu'ils soient les plus gras en leur espèce sont toujours les meilleurs. C'est aisez parlé d'une telle viande comme est celle du Marfouin & du Daulphin, dont ie me esmerueille comment elle soit deuenue tant chere, qu'il n'y ait que les grands seigneurs qui en puissent auoir, & toutefois il n'y ha autheur qui ait iamais dict qu'on en mengeast anciennement.

*Que les anciens n'auoient point accoustumé de manger du Daulphin.* Chap. XI III.

Q'V'on lise les escripts des autheurs anciens, tant des Philosophes & aussi medecins, que des modernes, & si lon en trouue quelqu'un qui ait iamais escript, qu'on ait anciennement mägé de la chair du Daulphin, ne qu'elle fust iamais mangée de leur tēps, ie suys content qu'on ne me croie pas. Galien ha bien escript, que les grands poissons deuiēnent meilleurs d'estre salez, & qu'on pourroit bien manger du Daulphin, mais non pas qu'on en mägeast, aussi pour bien le louer, c'est vne viande qui seroit plustost a laisser en la mer qu'a estre misē en l'usage des hōmes, car mesmement ne les Loups ne les Regnards affamez n'auroient cure d'en mäger, encor qu'ils deussent mourir de faim, chose que nous auons trouué estre vraie aux riuages du Pont Euxin, ou nous en auons veu vn mort, qui demeueroit sans estre mangé. Et croy que si les oyseaux & bestes sauuages eussent eu cure d'en manger, on ne l'eust pas trouué la tout entier. Et toutefois il est au goust des Francois le plus delicieux de tous autres poissons: & monte a si hault pris détaillé & vendu en pieces, que souuentefois vn seul sera vendu plus de cinquante escuts, aussi il n'y ha aucun autre poisson a qui l'on s'efforce de faire meilleure saulse qu'a luy, ne regardant point a la despēse qu'on y faict pour la faire bonne ie serois bien d'opinion que de n'en manger point seroit pour le meilleur.


*Que*

*Que l'artifice des hommes puisse excuser le default de nature, & donner bonne grace au mauuais goust des poissons.*

*Chap. XV.*

SVyât cecy, ie veul racompter combien l'artifice des hômes peult adiouter a nature: car les paoures mariniers & pescheurs, aiants pris des poissons qui d'euls mesmes sont de faueur ingrante, comme sont les especes de Chiens nommez en Latin *Galet*, ou plusieurs autres cartilagineux, comme *Lamia*, *Amia*, & cestui ci que i'ay icy portraiçt nommè *Zigena*, ou *Libella*: ils leur scauent fai re vne saulce si propre, que la faueur de la saulce surpasie la faueur ingrante du poisson, laquelle leur oste la mauuaise odeur, & les rend delectables: & tout ainsi que les pl<sup>9</sup> riches font telles saulces au ec bonnes Muscades, Giroflès, Macis, & Canelle battue, Beur re, Sucre, Vin aigre, Pain rosti: lesquelles choses le s cuisiniers a faitônent si bien au Marfouin, que encor qu'il sentist le Regnard escorché, toutefois ils le rendrôt d'vn goust plus friad, & d vne sa ueur plus exquisite que ne sont les Rougets, Barbez, ou Lâproyes, Aussi les paoures gents n'aiants point tant de choies a com mandement, aiants tant seulement des aux & des noix, qu'ils battent avec du pain & de l'huile, & du vin aigre, ils feront vne saulce a leur poisson, qu'ils rendront a leur appetit si delicieuse qu'on n'en peult mâger, si non par grande singularité: & telle ma niere de saulce est generalement cogneuë de touts pescheurs, qu'ils nomment vulgairement de l'Aillade.

*Le portraiçt de Libella que les Grecs nôment Zigena, & les Romains vna Balesta, c'est a dire vne arbalestre.*



M.



IL fut vn temps qu'on auoit accoustumé de iecter les deux aelles ou bras & les queues des Daulphins, & Marsouins, ou bié les attacher aux portes: mais ie ne scay quelle nouveauté ha inuenté que maintenât on les prefere a toutes les autres parties du corps, chose que j'ay apprise a Rouë: car ceuls qui ont le droict des poissonneries, apres qu'ils ont fait deliurer les Daulphins aux poiffonnières: elles leur raportent les trois pieces pour leur droict, qui sont les deux aelles & la queue.

De l'anatomie des os du Daulphin, Marsouin, & Oudre. C. XVI.

J'ay escript tout l'exterieur & l'interieur de l'anatomie du Daulphin, Marsouin, & Oudre. Il reste a parler quelque chose de leurs os. Il me souuiét auoir trouué vn Schelete tout entier d'vn Daulphin, au riuage du Bosphore Cimmerius, celle fois que nous estions allez avec monsieur Gullius, veoir quelle latitude il auoit en ce destroit d'vne riuë a l'autre: lequel *scheletos* ou compaction des ossements, osté qu'on n'y trouue point les ossements des iambes, il est semblable a celuy de l'homme, & y peult on discerner vingt & quatre grosses vertebres: dont celles qui descendent iuques bien pres du pertuys de l'excrement, sont percees en icelle part, ou est la mouelle qui descend depuis le test le long de l'espine du dos. Mais les autres vertebres qui descendent iuques a l'extremité de la queue, sont seulement comme frequentes petites rouelles rondes, attachez les vnes contre les autres sans estre percees. Aussi la queue est seulement composée d'vne matiere nerueuë sans autres ossements. Mais les aelles ou bras des deux costez du Daulphin, encor qu'ils soient courts, si est ce qu'ils ont tous les memes ossements de l'homme. J'ay dict par cy deuant combien il ha des costes, j'adiousteray qu'il ha les os du sternō pl<sup>9</sup> approchats de l'humain, que les animaux aquatre pieds. Au surplus il ha les omoplates qui sont appellees en Francois les palettes. Aussi ha les clauicules, qui se peuuent bien reconnoistre d'avec les autres ossements. Et consequemment l'os du coude y est trouué seul, comme il est en nous, & en apres le *Radius* & *Ulna* cōioincts ensemble, dont l'vn est plus grand, & l'autre plus petit, tout ainsi comme il est es hommes. Il ha aussi vne main eslargie en cinq doigts: & es quels doigts, lō trouue les articulatiōs: & cōmençant au poulce, lō


y trouue, deux os, au second d'après trois: au maistre doigt qui est le plus long de tous les autres, il y en ha quatre, & a l'autre d'après trois: & au petit vn. Semblablement on luy trouue les os des pognets *in Carpo*, au dedens de la main. I'ay parlé des osiements de la teste, dont i'ay baillé la peinture: & m'a semblé auoir satisfait aiant deichitré iuccinctement l'anatomie de ces os.

*Que les Daulphins soient pris plus tost par hazard que de propos delibéré, & de la maniere de les pescher. C. X. V I I.*

I'AY descript ailleurs plusieurs manieres de pescher les poissons que i'ay obseruees au Propontide, lesquelles i'ay miés en decripant les singularitez des pais etranges. Maintenant ie veul seulement parler de la maniere qu'on ha accoustumé d'yier en peschant les Daulphins en nostre mer, lesquels sont pris plus souuent par fortune que par aguet: car a dire la verité, les poissonniers qui tendent les filets de propos delibéré pour prendre les autres poissons, n'esperent pas que les Daulphins y viennent frapper pour se prendre: & toutefois les Daulphins sont plus souuent pris par telle maniere que autrement. Voila quant a vne maniere de les pescher. Les Daulphins estants contraincts de torrir touuent pour prendre l'air, & puy retournants en la mer a leur paiture, sont guettez des mariniers. car incontinent que les mariniers les ont veu approcher de leur vaisseau, ils se preparent sur le bord du nauire avec des Harpons, attédants que les Daulphins & Marsouins retournent prendre l'air vers le vaisseau: alors ils les iustifét a fin de les faire approcher plus pres. Et si les mariniers les veoient a leur auantage, ayants le Harpon esleué, tenu du bras dextre en l'air, avec bô pied bô oeil, ils dardét le Harpô: lequel est attaché a vne cordelle lógue de pl<sup>s</sup> de vingt ou tréte aulnes, a fin qu'elle iuiue avec le Harpô quât & quât le Daulphi: & quand le Daulphin qu'ils aurôt atteint fera descêdu, bié bas, & sera prest de retourner cötremôt, alors les mariniers petit a petit retirás leur cordelle, l'at tirét iusques au bord du nauire: & soubdain qu'il y est, ils ôt quelques fourches recrochees, desquelles ils le tirét dedens le nauire. Ceste cordelle ainsi longue attachée au Harpon, sert. que. quand ils l'ont atteint dessus le dos, qui est beaucoup mol, ils l'ancrent si auât, en sorte que le Harpô y demeure fiché. M. 2.

Car il ha les arrests des deux costez, qui ne sortent pas aiseemēt. Toutefois si le harpon n'estoit attaché a si longue corde, le Daulphin se sentant frappé, de la vistesse qu'il desloge, il deschireroit plustost sa chair, qu'il n'eschapast. Et pour euter la premiere violence & secousse, on l'attrempé avec tel artifice. Ce que nous nōmons Harpon, les Italiens l'appellent *vna Delphiniera*. Les mariniens qui vont en voiage loingtain, en portent expressement en leurs nauires pour lancer indifferemment sur toutes especes de poissons *Cetacees*. Et cōbié que i'ay dict que les Italiens ne māgent point de Daulphin, i'entens du commun peuple, qui aiant d'autres choses a commandement, n'estime rien la chair du Daulphin ou Marsouin. Mais les gents de marine, estants sur mer en leurs vaisseauls, & principalement sur nauires qui ne touchēt terre quasi pas en vn mois ou deux vne fois, n'auoient esgard a māger d'vn Regnard de mer, cōbié qu'il est du plus mauuais goust qu'ō sache poit trouuer en la mer, du quel la presēte est la figure.

*Peinture du Regnard de mer.*



**V**Oilà donc vne maniere de pescher les Daulphins au harpon. L'autre maniere dont i'ay parlé, est qu'ils s'enroullent & empestrent

peuvent quelques fois dedens les filets qu'on avoit tendu a prendre les Celeris & Harés, & autres poissons seblables: tellemēt que ne se pouants deffaire, demeurent prins en ceste forte. On les frappe quelques fois de l'arbalestre, & de l'arquebouse en la mer, & aussi avec des picques: mais ils ne viennent pas en la puissance de ceuls qui les ont frappez: laquelle chose est aussi faicte rarement & se faict en temps calme lors que les mariniers sont de loisir, ne sachants a quoy s'amuser ne passer le temps.

*Qu'õ ne falle le Marsouin Et Daulphi sinõ en Frãce. C. XVIII.*

Entre les salures frãcoises des poissons Cetacees ne cognoy que la Baleine, le Marsouin & l'Oye: dõt no<sup>s</sup> ayõs quelque usage, des quels il n'y a point es autres pais du Leuãt, mais ils en ont d'autres a l'eschãge, dõt aussi no<sup>s</sup> n'ayõs point d'usage. Aristote ha entẽdu, que les poissons nõmez en Latin *Cetacei*, sõt ceuls qui sont de grande corpulence & qui rendent leurs petits en vie: toutefois les autres Grecs ne l'ont pas du tout ensuyvi en ce dernier poinct: car ie trouue que le poisson nõmé *Ichtyocolla*, & aussi *Libella* ou biẽ *xygena*, & le Ton, comme les Rouffettes & les Chiens de mer, ont estẽ nommez Cetacees. Dont les vendeurs de tels grands poissons, comme est la Tonnine, ont estẽ nommez *Cetarij*, qui indiffõremment vendent toutes especes de poissons sallez en leurs boutiques. Les Marsouins & Daulphins peuuent bien estre escorchẽz pour en garder la peau iusques a quelques annees: chose que i'ay experimentee estre vraie, dont meismement monsieur Rõndelet medecin de Monseigneur le Cardinal de Tournon, docteur regent de Montpellier ne me desdira pas: car luy qui sur tous autres personnages est diligent a recouurer les peintures des poissons, & qui en ha ia assemblẽ pres de mille differẽts, lequel cõbien qu'il eust veu plusieurs autres Marsouins, & en eust les portraicts toutefois il eut plaisir de veoir cestuy la ainsi rempli que ie lui feivoir. I'auoye a dire ceci du Daulphi, Marsouin, & Oudre, en prouue des peintures des Daulphins que i'ay maintenu, & maintiendray estre les vraies. Quãt a l'anatomie que i'ay descrite ie veul bien faire entendre ne l'auoir faicte en cachettes, ains l'auoir faicte publiquement, l'an passẽ au College de medecine, lors que

Monſieur Goupilliſoit le Dioſcoride en Grec, avec moult frequent & treigand auditoire, a laquelle anatomie aſſiſta vne multitude de plaiſieurs ſcauants eſcoliers medecins : & m'aſſeure qu'il ne ſ'en trouuera vn de ceuls qui estoient preſets, qui ne die que ie ne l'aye monſtree beaucoup plus par le menu que ne l'ay deſcripte en ce preſent liure. Parquoy ayant ainſi touché les principauls poiacts, & acheué ce que i'auoye a deſcripre, i'ay icy poſé pour faire fin.

*Vray portraict de l'Hippopotamus avec toute ſa deſcriptiõ. C. XIX.*

**E**N deſcriuant le Daulphin, i'ay promis que ie comprendray quelques autres animaux, qui ſe referent a vn genre de ceuls qui ſont nommez Cetacees: acauoir eit de ceuls qui ſont de grande corpulence, & enfantent leurs petits en vie: deſquels ie trouue que l'*Hippopotamus* en eit l'vn. Car il eit vn animal du gère de ceuls qui ſont nommez *Amphibia*, c'eſt a dire qui viuent en tous les deux elements: c'eſt a ſcauoir en l'eau, & ſur la terre. Ie le veul dõc deſcripre avec le Daulphin, pource que le Daulphin eit animal aquatique, conuenant en ce avec l'*Hippopotamus*, qu'il ne puiſſe viure lõg tẽps plõgẽ en l'eau, qu'il ne lui cõuiẽne pareillemẽt ſortir pour reſpirer en l'air: mais l'*Hippopotamus* ha cela de particulier differẽt au Daulphin, qu'il eit animal aiãt quatre pieds, & viuãt lõg tẽps ſur terre, ce que ne faiçt pas le Daulphin. Parquoy faiçat fin, me faiçat du Daulphin, ie prædray l'*Hippopotamus*. L'*Hippopotamus* eit vn nõ, que les Latins ont eprunté des Grecs, ne ſigniãt autre choſe qu'vn Cheual de riuere: lequel iamais les Latins ne voulurẽt tourner en leur lãgue, aĩs l'õt touſiours retenu: ſẽblablemẽt a leur imitatiõ en le deſcriuãt, ie retiẽdray la meſme dictiõ Greque d'*Hippopotamus*: duquel les auteurs ont parlẽ tãt diuerſemẽt, qu'ils ne cõuiẽnẽt enſẽble en le deſcriuãt. Et tout ainſi que la Lou tre, & le Veau marin, le Caſtor, & le Crocodile ſe peuuẽt tenir lõg tẽps en l'eau, & plus lõguemẽt en terre, ſẽblablemẽt auĩs faiçt le *Hippopotamus*. Quãt aux deſuſdicts, ceſõt animaux eſquels il n'y a difficultẽ aucune, mais elle eit moult grande en l'*Hippopotamus*: duquel ie pretẽs bailler la vraie peĩcture. Car no<sup>9</sup> l'auõs veu en vie, le quel auoit deſia demeurẽ hors l'eau l'eſpace de deux ou trois ans ſã point y rentrer, ſelõ ce que nous en auõs peu entẽdre de ceuls

qui en auoiet le gouuernemēt. Pline a eſcript que *Marcus Scaurus* fut le premier qui le monſtra a Rome. Pōpee auſſi triūphāt des Egyptiēs en ſeint ſpēctacle au peuple Romain. *Dion* eſcrit, que *D. Augustus* triūphāt de la Reyne *Cleopatra*, en ſeint auſſi le ſēblable. Les anciens autheurs, qui ont deſcript l'*Hippopotamus*, ne l'ont pas deſcript fort amplemēt: mais ont eſtē cōtēts de l'auoir paſſē legieremēt: & n'y a perſōne d'ētre euls qui en ait eſcript plus a la verité que *Aristote*: lequel ia ſoit qu'il eut peu lire la deſcriptiō de l'*Hippopotamus* en *Herodote* en vne autre maniere: toutteſtois il l'a miſe autrement que n'a fait *Herodote*. De moy ie l'eſcriray n'ayant eſgard a autre choſe, ſinō a ce que i'en ay veu. Et pour demōſtrer la grādeur de celuy que j'ay veu, il fault premieremēt ſuppoſer qu'ō voie vn porceau biē gras, bien nourri, biē trappe, & aſſez hault, qui ait cōme vne teſte de vache (ſes cornes: laquelle ſoit de meſme la reſte du corps. Ce porceau dōnera la perſpectiue d'un *Hippopotamus*. Car l'*Hippopotamus* eſt couuert d'une peau qui couuiert avec celle du porceau, tāt en couleur qu'ē autres notes. L'entēs vn porceau domeſtique qui n'eſt pas noir. Mais l'*Hippopotamus* a la teſte ſi enorme & groſſe, & la gueule ſi grāde quād il l'ouure, que meſme le Liō baillāt n'ē approche aucunemēt. tellement qu'ō y mettroit facilement vn globe pl<sup>9</sup> gros que n'eſt la teſte d'un hōme, ou autre choſe ſēblable. Il ha les naſeaux enſez cōme ceuls d'un Bœuf: auſſi paſſit il l'herbe a la mode d'un Bœuf, ou Cheual. Il ha les leures ſi eminētes & eſleuees, tāt celles de deſſ<sup>9</sup> que les autres de deſſous, qu'il en apparoiſt, tout cam<sup>9</sup>, joinēt qu'il ha le fiōt biē bas, a la maniere de l'*Orca*. Il ha les dēt<sup>s</sup> de cheual faiçtes de meſme façō, biē fortes & lōgues hors des maſchoueres, qui ne ſōt pas aygues, cōme es animaux qui viuēt de chair: car il vit des rouſſeaux & jānes de ſucce & fueilles de l'herbe de Papier. Il ha les yeulx moult grands cōme les yeux d'un Bœuf. Il ha ſa langue du tout a deliure: mais ie ne ſcay quelle grāde voix il fait. Biē eſt vray que *Herodote* ha eſcrit qu'il hēnit cōme vn cheual: ie lui ay ſeulement ouy faire quelque voix du goſier ouurat. ſa gorge. Il ha la queuē courte rōde & groſſe cōme d'une Tortue ou Porceau. Ses aureilles eſtoient courtes comme celles d'un Ours, rondes, & me ſemble auſſi qu'il auoit les pieds ainſi que ſont ceuls d'un porceau,

qui n'estoient pas beaucoup distinguees, voila quât a l'exterieure peincture de l'*Hippopotamus*. Nous n'auons rien a dire de l'interieure: car aussi ne l'auons nous pas eu en nostre puissance pour le pou uoir anatomiser. Au demeurant il me semble que ceuls qui ont penlé que *Hippopotamus* fust vn animal terrible & cruel, se soient trompez: car nous l'auons veu tant douls qu'il n'ha les hommes en horreur, ains les suit amiablement: & aulti est il tant pacifique & aité a dompter, qu'il ne se eiforce de mordre. Le vulgaire des Italiens, & principalement de ceuls qui sont residents a Constantinoble, le nomment en leur langage le Bo marin, c'est a dire le Bœuf de mer. Car comme j'ay deua dict, il ha la teste comme vn Bœuf sans cornes: mais les Turcs & les Grecs le nommants en leur langage, ont vne diction qui signifie autant que si nous disions porceau de mer: car il ha le corps de porceau. C'est l'vne des beites qui est en Constantinoble, que les estrangers qui viennent la, apperent le plus a veoir: mais il n'y ha personne de tous ceuls a qui j'aye onc parlé, qui me l'ait nommee *Hippopotamus*. Et combien qu'il y ait vn lieu en Constantinoble moult voisin de l'Hippodrome, sur le chemin de Sainte Sophie, auquel sont gardees les bestes cruelles, ou nous auôs veu des Lynces ou Onces, des Tygres des Lions, des Liepards, des Ours, des Loups: lesquels les Mores gouernent, ne se faignants de les manier non plus que nous ferions vn chat priué. Toutefois ils n'ont l'*Hippopotamus* en ce lieu la, mais ailleurs en vn lieu qu'ils nôment le Palais de Constantin: auquel lieu sont monstrez les Elephants. Quand quelque estranger vient la pour veoir ledict *Hippopotamus*, on le luy monstre donnant quelque piece d'argent. Ils le font sortir de son estable sans estre lié, & ians auoir aucune crainte qu'il morde. Alors ses gouuerneurs voulâts plaire d'auâtage a celuy a qui ils le font veoir, ils se font bailler quelque teste de chous cabus, ou quelque piece de melon, ou quelque pongnee d'herbe, ou bien du pain, lequel ils tiennent en l'air en le monstrant a l'*Hippopotamus*: mais luy qui entent qu'on luy veult faire ouurir la gueulle, aussi l'ouure si grâde, que la teste d'vn Lion baillant, pourroit trouuer place leans. En apres son gouuerneur luy iecte cela qu'il luy auoit montré, comme qui le iecteront en vn grand sac: laquelle chose l'*Hippopotamus* mal-

maſche, puis l'aualle. Voila que l'auoye a dire de l'*Hippotamus* que i'ay veu en vie.

*Que Ariſtote ne conuient pas avec les autres auteurs qui ont eſcript de l'Hippotamus.* Chap. XX.

ET a fin que quelqu'un ne penſaſt pas que ie me ſoye trompé en prenant celuy que i'ay nommé pour vn *Hippotamus*: & qu'il fuſt vn autre, & m'allegaſt Herodote le plus ancien de tous les Hiſtoriens, qui dit que l'*Hippotamus* eſt grand côme vn grand Bœuf, aiant queue de Cheual: & que l'*Hippotamus* dont ie parle, n'ait pas cela: ou ſuyuât les merques de Diodore qui eſcript qu'il ne ſoit guere moindre en grandeur que de ſept pieds & demy, & qu'il ait quatre pieds, deſquels l'ongle eſt tendu comme celle d'un Bœuf, trois dents de chaſque coſté, les oreilles haulteſteuez, & plus apparentes que de nulle autre beſte ſauuage, & la queue & le henniſſement ſemblable au cheual: & que celuy que i'ay cy deſſus eſcript, ne conuienne pas non plus avec celuy d'Herodote que de Diodore: a cela ie reſpondray, que i'ay amené les merques bien notables que Ariſtote ha eſcriptes touchant l'*Hippotamus*: avec lequel pourront conuenir celles que i'ay eſcrites du Bœuf ou Porc marin de Conſtantinoble: car Ariſtote ne veult pas que les Hippotames aient le corps plus grand que les Aſnes: & auſſi n'entent pas qu'ils ſoient du tout ſi grands: qui eſt vne moult repugnante note aux eſcripts des Hiſtoriens. D'auantage, il veult qu'ils ayent la queue de Porceau, & les dents de Sanglier, qui eſt ſemblablement contraire aux ſubſdicts. Voyla donc comment il y a grande controuerſe entre leurs eſcripts, & qu'ils ne conuiennent pas enſemble. Mais quant a moy, ie me retireray touſiours d'avec Ariſtote. Et voulant bailler la vraie peincture de l'*Hippotamus*, ie la veul prouuer par les anciennes ſtatues des Egyptiens, & Romains, ou biē par les antiques medalles des Empereurs Romains, eſquelles les figures des Hippotames ſont ſi exactement repreſentées en Porphyre, en marbre, en cuyure, en or, & argent, que facilement en les regardant, l'on cognoiſtra euident-

N. ment



ment toute l'habitude de l'*Hippopotamus*, qui conuient avec celuy que j'ay veu en vie a Constantinoble. Aussi est il mal aisé a croire que quand les anciens ont fait si grande despense en la portraicture de ceste beste, la faisant grauer sur marbre, qu'ils ne l'aient fait veoir au graueur: & le graueur en faisant son debuoir, n'a peu moins faire que de la repreienter au naturel. Or maintenant si celles qui sont grauees es marbres & en Porphyre, sont correspondantes aux autres qui sont sur cuyure: ne dira lon pas, que ce soit vne meisme chose? Semblablement si les figures grauees sur metal & marbre conuiennent avec celle que nous auons veue en vie, pareillement ne concludrons nous pas, que ce soit vne meisme chose?

*Que les Romains anciennement peignoient des fleues ou riuieres, a l'imitation des Egyptiens, pour exprimer leurs richesses, & que l'Hippopotamus est representé en la statue du Nil de Belueder, a Romme. Chap. XXI.*

**I**E puis prouuer par plusieurs âtiques statues & graueures, & principalement par celle tât insigne & ancienne du Nil qui est maintenant a Rome au iardin de Belueder, que l'*Hippopotam<sup>us</sup>*, dont ie parle est le vray *Hippopotamus*. Car anciennement les Romains voulans laisser memoire d'euls a la posterité, & luy exprimans ses richesses, faisoient entailler de tres grandes statues qui representoient les fleues lesquelles choses ils auoient apprinse, des Egyptiens, qui n'ont la fertilité en leur pais sinon par le benefice du Nil: lesquels le representants faisoient le portraict d'un Geant qui espaçoit de l'eau, aiant autour de luy plusieurs petits enfans iuques au nombre de treze, en signe des treze coudees de sa crue, & desquels le trezieme coronne son cornucopie. Mais les Romains voulans représenter le Tybre faisoient faire entailler la figure d'un tres grand Geant qui auoit vne longue cheuelure, & aussi vne fort longue barbe, quasi comme limonneuse, ainsi assise tenant un cornucopie en sa main: par laquelle ils vouloient signifier fertilité & abundance de tous biens & grande felicité: laquelle chose ils ne faisoient pas seulement d'une seule riuere, mais aussi de  
touts

to<sup>9</sup>, autres côme du Rhí, du Pau, du Tybre, & du Nil. Ils faisoient le Tybre accoudé dessus vne Louue allaitant *Remus & Romulus*. Mais le Nil est accoudé dessus vn Sphynge, & par la bafe de la pierre il y a plusieurs *Hippopotames*, *Crocodiles*, *Ichneumons*, & *Ibis*, tous en sculpture, aufquelles peintures ie veul adiouter autant de foy, comme si i'auoye l'animal present: car il fault estimer que quand les Princes Romains les faisoient portraire, q'ils auoiēt l'*Hippopotame* present. Il y ha encor plusieurs autres sculptures d'animauls en la subsdicte pierre: mais i'ay seulement fait retirer vn *Hippopotamus* de la mesme figure quil est dessus la pierre de marbre, tenant vn *Crocodile* par la queue estant en leau, du quel ceste cy est le portraict.

*Le portraict de la figure, retiré de la statue du Nil, du iardin de Belueder au palais du Pape a Rome.*

Chap. XXI.



N.2. Voyla

**V**Oyla donc quant a la figure de l'*Hippopotamus* retiré des mares tresantiques, duquel les tailleurs voulants ensuyuir le naturel pour le plaisir de leur prince, ont fort biē obserué toutes ces parties, lesquels n'ont rien oublié qu'on y sache desirer: comme lon peut veoir regardant les aureilles, les yeux, les narines, les leures, les dents, le col, les iarets, le dos, les costez, le ventre, la queue les iambes. Somme toute la reste de cestui animal, n'est rien differente d'avec celuy qu'on voit a Constantinoble: dont ie puy faire foy, mais non sans autheur. Car vn nommé Iaques Gassot, escluiant quelque petit discours du voiage de Constantinoble, entre autres choies qu'il ha escript de Constantinoble, ha touché ceste beste en quelque petite clause, duquel les propres mots sont comme s'ensuyt. Il y a aussi (dit il) plusieurs lieux en Constantinoble, ou lon môstre beaucoup de bestes sauuages, Liepards Ours, Asnes sauuages, Autruches, en quantité, aussi vne certaine beste, que les vns appellent vn Porc marin, les autres Bœuf marin, mais ie ne veoy point qu'il ressemble ny a l'un ny a l'autre, & en verité c'est la plus villaine & laide beste que ie vey onc, l'on dit qu'elle a esté apportee du Nil. Tout cela disoit Gassot de l'*Hippopotame*, non pas (comme i'ay dict) qu'ils sachent a Constantinoble le nommer d'un nom ancien, mais ils le nomment selon ce qu'ils en peuuent veoir a l'œil.

*Que plusieurs Empereurs, ayent anciennement fait grauer diuerses especes de bestes en leurs medalles, & que entre autres on y veoit la figure de l'*Hippopotamus*.*

Chap. XXXIII.

**A**Pres que i'ay baillé la figure de l'*Hippopotamus* retiré du marbre, ie veul consequemment en bailler quelque autre retirée de l'or, laquelle l'Empereur Adrien auoit fait engrauer en vne medalle, en laquelle est contenu toute l'histoire du Nil tout ainsi comme en celle de Belueder a Rome. Mais pource que ie ne veul descrire ne les fleues, ne les statues, ie retourneray a mon *Hippopotamus*, lequel monsieur le tresorier Grollier m'a permis retirer d'une de ses antiques medalles d'or, dont il ha grand nombre, & duquel la figure que i'ay retirée est totalement semblable a celle que

que i'auoye desia au parauant faict retirer des marbres de Rome, laquelle est tout ainsi en ladiçte medalle comme on la veoit en la presente peinture. L'Hippopotamus est ainsi tout droit entre les iâbes de la statue qui represente le Nil, le quel n'ha que les iambes, de derriere dedens l'eau: & estoient sans articulatiôs en la medalle, mais ie luy en ay faict peindre, suiuant la peinture de la statue de Rome. La statue qui tient le cornucopie, n'est pas peincte selon qu'on ha accoustumé de peindre le Nil, car elle ha le visage d'Adrien. Le Crocodile est au dessous de la statue comme plongé dedens le Nil. Voila quant a l'Hippopotame que nous auons retiré de la medalle de mondict sieur le tresorier Grollier, le quel en ha encor plusieurs autres en argent & en cuiure, esquelles sont pareillement representez les Hippopotames en peincturè, mais il me suffit en auoir faict retirer la figure de l'vne, qui couient aussi avec la beste qui est a Côtantinoble que i'ay desia descrite: parquoy il me semble n'auoir point failly de l'auoir descrite sous le nom del Hippopotame. Sèblablement oultre les marbres & monnoies, aussi en auons nous veu es Obelisques, qui n'auoient rien de differance avec les trois que nous auons desia descrites.

*Portraict de l'Hippopotamus d'vne antique medalle de l'Empereur Adrien grauee en or, retiré d'vne des medalles de monsieur le tresorier Grollier.*



N 3. Pendant

Pendant le temps que nous auons esté en Egypte en la ville du Cayre, ie interroguay plusieurs i'il y auoit aucune nouvelle de ce Cheual de riuere ou *Hippopotamus*: mais ils n'ë ont de reste que la fable en leur memoire. Quelques vns retiënent celle meime qu'on en ha escript anciennement, i'cauoir qu'il est fort terrible & cruel, & qu'il faille faire des fosses pour le prendre, touttefois iamais hôme ne m'a iceu dire a la verité qu'il en ait veu d'autre que celuy que j'ay descrit. Celuy qui est a Conitâtinoble, fut pris entre la ville qui est maintenant nommee le Saet, & le Cayre: & mesmes ceuls du Saet l'apporterët au Cayre au Bacha, ou il demeura quelques sepmaines attendant qu'on l'enuoyroit a Conitâtinoble par mer. Cela est cõforme a ce que Pline en ha escript. Car il dit qu'il est pris au dessus du Saet, entre les iurisdicciõs d'Egypte. Ie croy que c'est le mesme lieu ou anciennement furent prins les autres que *Marcus Scaurus* feit porter a Rome.

*De la nature de l'Hippopotamus. Chap. XXIIII.*

QVât a ce qui est de la nature de l'*Hippopotamus*, ie n'ay nõ plus a en escrire que ce qui en ha eité dena dit par les anciës. Cest qu'il se depart la nuict du Nil, ou il ha demeuré caché tout le iour & va aux bleds qu'il paist toute nuict: mais il chemine a recullõs a fin que par telle astuce lon ne cognoisse poit ses pas. Au surplus l'on ha escript qu'il a esté nostre maitre & enieigneur en quelque partie de medecine, c'est a icauoir en la phlebotomie, de laquelle il est inuenteur: car quand il s'est par trop engreisé par se saouler oultre mesure, il vient a la riuë du Nil, & la trouuât quelques Cicots ou troncs des cannes qu'on y a taillees, choisit les pl<sup>9</sup> agues qu'il peult, & se picquant certaine veine de la iambe, se fait saigner: & apres qu'il ha aitez saigné, il reitoupe la plaie de limon. Les cuirs des Hyppopotames estoient bien requis le temps passé pour faire des salades & bouchiers: car ils estoient impenetrables aux fleches & aux espieus, dont les esclaves des Ethiopiens en auoient grãd gaing, d'autant qu'ils en apportoient beaucoup vedre aux foires qu'on tenoit en vne ville des Troglodites nõmee Aduliton. Les medecins n'ont faict grande mention, qu'il fust grãdement requis en l'vsage de medecine. Vray est que quelques  
par-

parties de ceste beste ont esté en vſage, côme ſont ſes teſticules, & ſa greſſe, laquelle guarit les ſieures, côme auſſi faiçt la fumee de ſes excrements: & auſſi la pouldre de ſon cuir bruſſé gariffoit les taches du viſage & de tout le corps. L'auoye ia fini la deſcriptiõ de ceſt *Hippopotamus*, lors que trouuay monſieur de Codognac varlet de chambre du Roy, qui venoit de Conſtantinoble, lequel me diſt que le ſubiſdict animal eſtoit n'agueres mort: & me diſt auſſi ſuyuant vn doubte que l'auoye, qu'il auoit les pieds correſpondants aux pieds d'vne Tortue, & ſa queue reſſembloit mieuls a celle d'vne Tortue, qu'à celle d vn porceau: au parſus qu'il eſtoit en quelques merques participâtauec la nature de la Tortue d'eau.

*Fin de l'Hippopotamus.*

*D'vn petit poiſſon du Propontide fort admirable, & qui entre tous autres eſt d'eſtrange nature. Chap. XXV.*


ENTRE tous les animaux que j'aye onc faiçt peindre: celuy qui m'a ſemblé le plus digne d'eſtre adiouſté aucc les peinçtures des Daulphins, eſt ce petit *Nautinus*, ou Nautonnier. Car oultre ce qu'il eſt rare, auſſi eſt il d'eſtrange nature & admirable, & pour autant qu'il reſſemble a vn nauire, il ha eſté nommé de tous en toutes langues Nautonnier. Si les Grecs & Latins n'en auoient aſſez amplemēt eſcrit, ie le voudroye entieremēt deſcrire, mais ſera ailleurs mieuls a propos. Car maintenât que i'ay adiouſté la figure de ce preſent petit poiſſon, il ſuffira que j'en eſcriue briefuemēt, & que ie face entendre qu'õ le trouue auſſi bien en la mer Mediterranee, que en la mer du Propontide, & qu'il eſt auſſi trouué en la mer Adriatique aux riuages d'Eſclauõnie & du Friol. Car monſieur maĩſtre Jehan de Rochefort eloquent Philoſophe & excellent medecin de la maiſon des Rocheforts de Blais, le me feĩt veoir la premiere fois a Padoue, lequel luy auoit eſté enuoyé par vn ſien amy de Muggia, qui eſt vne ville en Friol, au riuage de la mer Adriatique. Mais depuis ie me ſuis trouué a enueoir de ceuls qu'on auoit peſchez en la mer Mediterranee car auſſi adui-

ent

LE SECOND LIVRE

ent il qu'on en trouue quelquefois comme a Missine & a Naples, ou encor pour le iourd'huy lon en pourroit voir des coquilles au logis du capitaine nommé Guischard, lequel estant n'a pas long temps general des galleres de Sicile, vn sien souldard en se pourmenant par les riuages luy en apporta vn en vie. Nous auôs ouy son appellation vulgaire que luy ont baillé les Italiens, qui le nommoient *Moscarolo*. Mais *Moscarolo* ou *Muscardino* est nom qui est deu a vn autre nommé *Osmylus*. Vray est que comme *Osmylus* ha odeur de musc, aussi ha ce *Nautilus*, parquoy les habitâts du far de Missine le nômet en leur vulgaire *Muscardino*. Il ha l'escorce tēdre & subtilecôme papier, toute faicte a petits raiôs: lô appelle cela estre strié ou cānelé. Elle n'est pas de si exquisite couleur d'argēt, cōme est vne autre espece de coquille qui luy ressemble, de laquelle estoient faicts les vaisseaux qu'on nômoit *Murrhina vasa*, & qui est appellee en Francois coquille de Nacre de perle, ou bien grosse Porcelaine mais elle est de couleur tirant sur le laiēt, moult biē reluisante, de laquelle la presente est sa vraie peinçture.

Portraict du *Nautilus*, lequel Pline nôme *Pōpilus* ou *Nauplius*.



ELLE refemble a vn nauire qui anciēnement estoit nomé *Acatiō*, vaitseau plus commun en la mer du Propontide qu'il n'estoit ailleurs. *Marianus* parlāt de ceste espeece de coche, l'a descripte cōme il la veit au Propontide, elle ha vne enfonſure proprement cōme vn nauire, & ladicte enfonſure est ce qu'on nomme la carēne: a laquelle enfonſurē ou carene l'on ha couſtume d'attacher les aix du nauire aux deux costez. Il semble que ladicte coquille soit de trois pieces, ſcauoir est que l'enfonſure soit ſeparēe des deux costez. Mais cela n'est que de l'industrie de nature: car elle est d'vne ſeule piece, toute a beauls petits raions. Elle porte la proue deuant, comme faiēt vn nauire: & la poupe derriere, ainſi retourneē en rondeur de compas, comme estoit celle espeece de nauire qui auoit nom *Acation*: ceste coquille est toute cochee aux bords, & seroit quasi de forme ronde, si elle n'auoit ouuerture par l'endroiēt ou se nourrit ſon animal. Sa grandeur ne ſurpaſſe point vne paulme: car eſtendant la main deſſus ſon eſcorce par la logueur, les extremitez du pouce & du petit doigt pourront bien arriuer aux extremitez de la coquille. Il la fault manier doucement: car elle est fragile. Voila quat a la coquille. Mais quand le poiſſō ſent le temps doulx, & la mer ſans tempeſte, lors il ſort hors de la mer avec ſa coquille, & vient ſe battre ſur l'eau, le ventre contremont: qui est choſe moult admirable en nature, qui n'est cōmune a nul autre. Il laiſſe vne eſpace vuide, ſachant que ſa coquille en ſera plus legiere, a fin que mettāt hors & eſtendant vne membrane ou pellicule qu'il ha, & d'icelle faiſant voile, laquelle il renforce avec deux de ſes iambes ou cirres, l'vne deça l'autre delà, il ait le plaisir qu'il pretent eſtant pouſſē legierement du vent par deſus l'eau. Il ha quatre iambes de chaſque coſtē, deſquelles deux tiennent la voile dreſſēe, & les autres luy ſeruent d'auirons & de gouuernail, & a le voir lon diroit proprement que c'est vn nauire. Si il ſent quelque peril eminent, tant des oyſeaux nommez *Lari*, qui eſtants en l'air luy ſont la gueree comme a l'*Exocetus*, ou bien les autres appelez *Caniards de mer*, alors il retourne ſa coquille qui auoit le ventre contremont, & la remplit d'eau, & ſe retire dedēs, pour retourner trouver le fond de la mer. Et ſe aiant tournē la coquille ſur ſon dos, il retient puis la vraie façō d'vn *Limas* de mer.

O.

D'vne



D'une autre coquille presque semblable au *Nautilus*, dont anciennement on faisoit les plus beaux vases qu'eussent les Romains en usage. Chap. XXVI.

**L**A comparaison que j'ay naguere faicte de mon *Nautilus*, a la grand coquille de Porcelaine, m'a baillé occasion de la descrire. Elle est autrement nommee Coquille de Nacre de perle: il l'auoyt au parauant soupsonnee estre celle a qui le nom de *Nautii* deust conuenir. Mais depuis aiant trouué le *Nautilus*, ie me suys mis en effort, de trouuer vn nom ancien a la susdicte Coquille de Porcelaine, qui ne m'a esté chose moult difficile, veu méme-ment que le commun-peuple la nomme vulgairement grosse Porcelaine, a la difference des petites. Desquelles l'appellation n'est pas moderne. Car ie trouue des autheurs qui en ont faict métiõ, expresse les nommés en Latín *Porcelliones*: desquelles les medecis ont quelque vsage, comme on peut veoir en l'autheur des *Pädectes* & au *Nicolas*. Cela m'a faict autrefois penser que les ouuriers eussent l'industrie de les scauoir accoustrer pour en faire ces beaux vases que nous nommons de Porcelaine. Or ces Coquilles que j'ay dit estre nommees Porcelaines, sont moult petites, aiãts quelque affinité avec celles qui ont nom *Murices*, & *Murex* est a dire *Purpura*, qui se resent de *Murrhina*. Parquoy sachant que les vaisseaus qui anciennement l'appelloient *Murrhina*, surpassoient tous autres en excellence de beauté & en pris lesquels toutefois estoient naturels: sachant aussi que ceuls que nous nommons de Porcelaine sont artificiels. J'ay bien osé penser que les vases vulgairement nommez Porcelaine ne soient pas vraiment *Murrhina*. Car *Murrhina* me semble retenir quelque affinité avec *Murex*, & aussi la diction de *Murex* se resent ie ne scay quoy de la Porcelaine. Parquoy ie ne pourroie conceder que les vaisseaus de Porcelaine artificiels faicts de terre, puissent obtenir ce nom antique, tant insigne & excellent de *Murrhina vasa*: mais trop bien que les vases faicts de la susdicte grosse Porcelaine ou Coquille de Nacre de Perle, le pourroient obtenir: car c'estoient d'elles que tels vases estoient faicts. Il y ha vne autre espece de Coquille moult grosse, pesante, & lourde, que les vns nomment improprement Porcelaine.

De


De ceste n'entens ie pas, ne aussi des vignols dont ceuls du Bresil font les patenostres, ne oussi des Nacres ou meres de perles, qui ressemblent a l'escaille d'vne huître, ne aussi de plusieurs autres qui sont nommez Nacres de perles. Mais i'entens de ces belles Coquilles, rondes & caues, faictes en maniere de nauire, tant luyfantes & polies, dont la couleur est plus excellente & exquise, que n'est la naifue couleur des perles: & la desquelles meismemēt splendeur faict apparoiſtre vn arc en ciel, d'vne infinité de couleurs reluisantes qui se referent es yeulx de ceux qui les côtéplēt. dont i'estime que les vaisseauls qui en furent anciennemēt faictz, prendrent ceste appellation de *Murrhina*, d'autant qu'ils tenoient quelques merques de la couleur de *Murex* qui est a dire *Purpura*. Mais ie veoy maintenant vne maniere de vaisseauls que ie croy estre de l'inuention moderne quasi correspondants aux antiques nommez en vulgaire vaisseauls de Porcelaine, & croy bien que leur nom moderne se resente quelque chose de l'antique appellation de *Murrhina*. Ces vases de Porcelaine sōt les plus celebres qu'ō veoit pour le iourd'huy. Lesquels sont en ce differents aux anciēs que ceuls ci sont artificiels, & les autres nō. Le trouue que les vaisseauls de Porcelaine sont faictz la pluspart de la pierre nommee *Morochibus*, ou *Lencographis*: de laquelle les Egyptiēs se seruoient anciennement a blanchir leurs linges: mais ils en ont tourné l'usage a donner les couuertures & enduictz ou reuestemēt aux subdiētz vaisseauls. Et combien qu'il y ait de telle pierre au pais Venetien, au territoire Venetiē aupres de la tour Rouse, qu'on porte a *sasso*, & de la par le lac de garde pour distribuer es villes d'Italie, dont ils sōt les couuertures des subdiētz vases de Porcelaines tou teffois il n'y ha nulle comparaiſon d'excellence d'ouillage aux vaisseauls de Porcelaine faictz en Italie, avec ceuls qu'on faict en Azamie & Egypte, lesquels sont transparents & excellents en beaulté, & dont nous scauons que la piece pour petite qu'elle soit est vendue au Caire deux ducats, comme est vne escuelle ou vn plat. Il y en ha au Caire qui y ont esté apportez de Azamie, c'est a dire Asirie. & disent qu'on en faict aussi en Inde: dont vne grāde aiguere ou coquemart est vendu cinq ducats la piece. Si est ce qu'ils sont vaisseauls mal cōuenants a mettre au feu. Tels vases sont artificiels faictz de ce que i'ay dict. Mais les vases dont v-

soient les Romains, estoient naturels, n'ayants autre artifice de  
 l'ouurier, sinon belle pollissure: & enchaînement de la Coquille.  
 Or pource que i'ay entrepris d'expliquer ceste chose, & la prou-  
 uer par la peincture, & par les vases qu'on en fait, il m'a semblé  
 bon ne pailler oultre que premier ie n'en baille leur description  
 que ie prendray de Pline & conseqüemment le portaiçt. Si i'en-  
 treprenoye decrire toute l'histoire des vaisseauls de Porcelaine,  
 i'entreroye en vn grad Labyrinthe hors de mō propos, dont ie ne  
 pourroye ayseement sortir. Parquoy ie finiray des vaisseauls de  
 Porcelaine, & prendray a parler des vaisseauls de *Murrhina*, que i'ay  
 desia distingué des vaisseauls de Porcelaine, desquels Pline ha am-  
 plemēt escript au secōd chap. du xxxvij. liure, dōt il me suffit en  
 toucher legierement quelque petit mot en prouue de ce que i'é  
 ay desia parlé. Au lieu dessus allegué Pline dict, qu'on n'en auoit  
 encor point veu a Rome auant la victoire Asiatique de Pompee  
 lequel en dedia premieremēt six de son triūphe a Iupiter. Mais  
 tantost apres par excellence chaſque grand ieigneur en voulut  
 auoir. Il en dict beaucoup d'auātage, que ie laisse a cause de brief-  
 ueté: touteiſois i'ay bien voulu adiouiter ce qu'il en escript sur la  
 fin du chapitre. C'est que tels vaisseauls estoient apportez du pais  
 d'orient a Rome, & qu'on y en trouuoit en plusieurs endroiçts,  
 mais grandement au roiaulme des Parthes, & principalement  
 en Carmanie. L'on estime (dit il) qu'ils soient procrées ioubs ter-  
 re d'ū humeur espeſſie par la chaleur. Leur grandeur n'excede ia  
 mais les petits Gardemāgers, & peu souuēt, i'ont si espes qu'est vn  
 vaisseau a boire. Ces vaisseauls (dit il) ont splendeur sans force, &  
 plus tost niteur que splendeur. Mais la diuersité des couleurs les  
 faiçt estre en estime & hault pris, scauoir est de taches se chan-  
 geants en circuit de couleur de pourpre & blancheur, & tierce-  
 ment d'vne viue & enflamnee couleur entre les deux, comme  
 par pourpre surpaſſant la rougeur, ou blanchissant en couleur de  
 lait. Aucuns louent principalement en euls les extremitez, &  
 quelques reuerberation de couleurs, telles qu'on voit en l'arc en  
 ciel, c'est a dire celeste. Les taches grasses ou espeſſes y sont plaſiā  
 tes: mais la transparence on palle couleur y est vicieuse, & aussi  
 les inequalitez & verrues non eminentes, mais plates, comme es  
 corps.

corps. Ils ont aussi quelque louenge en l'odeur. Cela dict Pline. Je ne di pas qu'on ne puisse bien appeller les subdicts vases Porcelaine: mais il les fault distinguer, les nōmant vaisseauls de Porcelaine antiques, a la difference des vaisseauls de Porcelaine modernes. Car ceuls que nous auōs pour le iourd'huy, sont vaisseauls faict̃s de terre, que les Latins nomment *Fictilia*: ce que n'estoient les vases de Porcelaine des antiques, comme il appert en vn passage de Pline au liure trentecinq, chapitre douzieme, duquel il m'a semblé conuenable mettre les mots Latins. *Vitellius* (dit il) *in principatu suo cc. sestertius condidit patinam, cui faciendae fornax in campis exaedificata erat: quoniam eò peruenit luxuria, vt etiam fictilia pluris constet, quàm Murrhina.* Ce passage de Pline est grandement a noter, car par iceluy appert que *Murrhina* n'estoient point faict̃s de terre, que les Latins dient *Fictilia*: & neantmoins ceuls qui afferment les vases vulgairement appelez de Porcelaine, estre ceuls que les anciens nommoient *Murrhina*, ne scauroient nier que lesdicts vases auour d'huy nommez de Porcelaine, ne soient *Fictilia*, c'est a dire faict̃s de terre. Le croy que qui voudra regarder de bien pres a la Coquille dont ie baille le portraict̃, trouuera toutes les merques que i'ay n'agueres escriptes de *Murrhina*, par quoy il me semble ne failir point en nommant *Murrhina Concha* de nom antique, la Coquille dont icy est le portraict̃.

Portraict̃ de la Coquille, vulgairement nommee grosse Porcelaine, ou grand Coquille de Nacre de perle.

P



# Table des noms propres contenant seu- LEMENT LES CHOSES PLUS notables de ce preient liure.

## A

Acipenser	fo. 20
Acation	fo. 53
Adano	fo. 13
Aduliton	fo. 51
Aigles de l'empire	fo. 16
Alouettes	fo. 22
Aibanois tiennent la religion Gre- que	fo. 6 & 25
Amia l'ennemy capital du Daul- phin	fo. 21. 24 & 45
Amnios ou est contenu vne liqueur en la secondine du Daulphin	fo. 39
Amphibia animalia	fo. 47
Anguille	fo. 19
Anatomie du Daulphin	fo. 36
Anges de mer	fo. 41
Aper poisson, c'est a dire porc san- glier	fo. 20 & 21
Apollo Cirharædus	fo. 18
Arbalestre poisson	fo. 45
Arabes ne mangent point de Daul- phin	fo. 5
Arion sauué de peril de la mer, par vn Daulphin	fo. 7
Armes du Roy Afis	fo. 12
Afne de mer	fo. 17
Aspre artere ou siflet du Daulphin	fo. 35
Atheneus	fo. 15
Artillus poisson du Pau	fo. 13
Aurata est different a nostre doree	fo. 20

## B

Baleine	fo. 10. 30 32 42 43 & 47
Barbeau	fo. 39
Balesta	fo. 45

Bec d'Oie	fo. 10
Benigne de villars appoticaire de Disgeon	fo. 22
Bomarin	fo. 48
Bosphorus cimmerius	fo. 45
Bœuf marin	fo. 20
Boucs	fo. 30
Bretons	fo. 9
Bremme de mer	fo. 18
Bremme d'eau douce	fo. 18

## C

Cauiar rouge de carpe	fo. 35
Cauiar noir d'Eiturgeon	fo. 35
Cabafoni	fo. 29
Canicula	fo. 7
Carulos	fo. 22
Canadelle	fo. 17
Canarelle	fo. 17
Cantarus	fo. 18
Cantena	fo. 18
Castor	fo. 30 & 47
Capon	fo. 19
Carpion	fo. 48
Comiards	fo. 22
Cæfar	fo. 15
Cetacees	fo. 27 & 47
Cetarij	fo. 47
Chasse des Daulphins	fo. 22
Cheuille ou scalme	fo. 17
Chamas	fo. 37
Chauldron	fo. 37. 10 31 42 & 47
Chien de mer	fo. 17. 28 & 41
Chorion du Daulphin	fo. 38
Cigales	fo. 17
Cithara	fo. 18
Citharus	fo. 18
Claudius	fo. 32

TABLE

Cleopatra	fo. 48	Efturgeon	15 20 & 36
Coquille de Nacre de perle	fo. 52	Eftoille	fo. 17
Congre	fo. 59 & 20	Efmerillon	fo. 22
Concombre de mer	fo. 17	Eftomach du Daulphin	fo. 35
Corbeaux de mer	fo. 17	Eftourneauls de mer	fo. 17
Coliphos	fo. 17	Exocetus	fo. & 53
Cortua Ifle	fo. 25	F	
Coniugation des nerfs du cerueau du Daulphin	fo. 37	Festina lentè	fo. 12
Crocodile	fo. 47 & 50	Francois Perier peintre	fo. 28
Curiofitè du Roy Francois	fo. 43	G	
Daulphin pris a Rimini	fo. 7	Galei	fo. 45
Daulphin roy des poiffons	fo. 4	Gar	fo. 17
Dalmares tiennent le party des Grecs	fo. 5	Gallee	fo. 19
Daniel Barbarus gentilhomme Venicien	fo. 7	Gauia ou moutte	fo. 22
Daulphin voulté ou courbé	fo. 11	Gardemanger	fo. 26
Daulphiné	fo. 15 & 26	Geneuois	fo. 14
Daulphin vignore	fo. 16	Genitoires des femelles	fo. 42
Daulphin paffagers	fo. 24	Gilbert medecin de Rome	fo. 7
Delphinion herbe	fo. 25	Girafes	fo. 7
Delphinophoron	fo. 26	Glinos	fo. 21
Description du Daulphin	fo. 26	Gournault	fo. 19
Description de l'Hippopo.	fo. 48	Goffier du Daulphin	fo. 35
Description du Martouin	fo. 29	Grande coquille de pocelaine	f. 53
Description d'Orca	fo. 38	Grue de mer	fo. 17
Delphiniera	fo. 46	Gruues	fo. 17
Diaphragme du Daulphin	fo. 35	Grillus	fo. 20
Diodore	fo. 49	Grenaille de mer	fo. 37
Dontelle	fo. 17	Groffe porcelaine	fo. 52
Dorfo repando, Delphinus	fo. 10	Guido de Colona	f. 15
Dorce	fo. 20	H	
Dragon	fo. 18	Harpe	fo. 18
Draco	fo. 18	Harpons	fo. 46
E		Herodote	fo. 45
Egyptiens	fo.	Heron de mer	fo. 14
Egullats	fo. 17	Hippopotamus	fo. 20 & 51
Elephants	fo. 48	Hirondelles de mer	fo. 25
Embriion du Daulphin	fo. 40 & 41	Hobreau	fo. 22
Epigatre du Daulphin	fo. 37	Homar	f. 17
Eftranges poiffons	fo. 16	Holofteos	fo. 19
Eſclauos viuèt a la Greque. f. 5 & 25		Hys	fo. 20
		Hymenees	f. 41
		I	
		Iuifs	fo. 5



T A B L E

Ioânes VVatfon scauant medecin Anglois .	fo.9	Mahometiftes nē mangent point de Daulphin ne de Porc	fo.6
Monsieur M. Jean-le Feron	fo.16	Mangrellie	fo.35
Iulis.	fo.17	Mariniers Veniciens	fo.8.
Inteftins du Daulphin.	fo.36	Marfouin n'eft pas dictïon Françoife	fo.8
Ichtiocolla	fo.47	Marfoni petit poiffon	fo.29.
Ichneumon	fo.50	Marfyo	fo.9
Iehan de Rochefort	fo.52	Mamelles du Daulphin.	fo.36
Ibis	fo.50	Merfouin, ou Murfouin	fo.9 & 10
Inuēteur de la feignee Hip.	fo.51	Medalles antiques contenant les Daulphins	fo.11
L		Merlus	fo.17
Latins moins fcrupuleus. que les Grecs.	fo.8	Merle de mer	fo.17
Laros	fo.22	Missine	fo.52
L'angoufte	fo.53	Milan de mer	fo.25
Labyrinthe de Crete	fo.36	Mille peintures de poiffons affemblees par M. Rôdelet.	fo.47
Laggione	fo.17	Mofcarolo ou Mufcarolo	fo.51
Lambena	fo.17	Mofcardino ou Mufcardino	fo.51
Lamproie	fo.19	Monsieur Goupil medecin	fo.47
Lamia	fo.25 & 45	Morho ou Morhou	fo.9
Larinx du Daulphin	fo.35	Mafchouere d'vne Orca chez M. le garde de feaux Bertrandi	fo.31
Lelepris	fo.17	Morochthus pierre	fo.54
Leucographis	fo.54	M. Scaurus	fo.48
L'hiftoire d'Arion.	fo.5	Muggia. ville en <sup>s</sup> Friol.	fo.52
Limats de mer	fo.53	Mulet de mer	fo.17
Lieure marin	fo.16	Murene n'eft pas Lamproie	fo.19
Lion de mer	fo.17	Murrhina vafa	fo.52 53 & 54
Littorales ou de riuage	fo.17	Murex	fo.53 & 54
Lyra	fo.18 & 19	Mutianus	fo.53
Libella.	45 & 47	Murrha concha.	fo.53 & 54
Lynces	fo.48	N.	
Liepard	fo.48	Nautilus	fo.52 53 & 54
Loy de moyse.	fo.5	Nautonnier.	fo.52
Lotte de mer	fo.20	Nacre de perles	fs.52 53 & 54
Loutre.	fo.30 & 47	Nebrides Galei	fo.17
Lune, poiffon de mer.	fo.17	Nefs des efchanfons de paneterie de chez les princes	fo.26
M		Niffoles	fo.17
Maiftre Pierre Geodon apoti.	fo.42		
Mario	fo.20		
Matrice du Daulphin	fo.40 & 41		
Mararmat	fo.18		
Maïarmat	fo.18		

T A B L E

O

Obelisques ou sont grauez les ima ges des Hippopotames	fo. 51	Porc pos ou Porcepifch	fo. 9
Omentum du Daulphin	fo. 55	Porceau de mer	fo. 9 & 20
Onces	fo. 48	Poisson Empereur	fo. 14
Oudre & Ouette	fo. 10 & 30	Porcelaine	fo. 53
Orties de mer	fo. 17	Porcellette	fo. 20
Orca	fo. 32	Porcelliones	fo. 53
Offemens du Daulphin	fo. 45	Porcus	fo. 20
Osmylus	fo. 51	Portraict du Daulphin	fo. 29
Ours de mer	fo. 16	Portraict de Orca	fo. 32
Oye de mer ou Daulphin	fo. 5 &	Prouerbe d'Auguste Cæsar	fo. 12

14

P

Parastates des Daulphines	fo. 42	Pyramide d'Egypte	fo. 36
Papilles ou trayons des mamelles de la Daulphine	fo. 35 & 37		
Palumb	fo. 17		
Papegault de mer	fo. 17		
Paon de mer	fo. 17 & 18		
Pesce forca	fo. 19		
Peictures de poissons de M. Daniel			
Barbarus Patriarche d'Aquilee	fo. 7		
Pesce armato	fo. 18		
Pesce san Petro	fo. 20		
Perfes sont Mahometistes	fo. 5		
Pescheurs du Leuant	fo. 7		
Pelamides	fo. 11		
Pesce spada	fo. 14		
Petrus Gillius	fo. 45		
Pes escome	fo. 17		
Pericardion du Daulphin	fo. 35		
Pelagij, ou de plaine mer	fo. 17		
Philetet	fo. 31		
Philantropos	fo. 5		
Phoca ou veau de mer	fo. 29		
Phocæna ou Marfouin	fo. 9 14 &		

15

Phycis ou Tenche de mer	fo. 17		
Phalangions	fo. 42		
Pic de mer, ou Piuerd	fo. 17		
Pierre Geodon appoticaire	fo. 42		
Pompilus	fo. 26 & 52		

R

Raisins de mer	fo. 17
Raies desguisees	fo. 16
Rats d'eau	fo. 30
Ratte de l'Orca	fo. 43
Religion des Mahometistes	fo. 5
Regnard de mer	fo. 16, 25 & 46
Remus	fo. 45
Romulus	fo. 50
Rhines	fo. 41
Riuere du Pau	fo. 13
Rouget	fo. 19
Rouffette	fo. 17 21 41 & 47
Roquau	fo. 17
Rotulo	fo. 20
Rougnons du Daulphin	fo. 36
Rutiens obeissent a l'esglise Gre- que	fo. 5

S

Saer ville d'Egypte	fo. 51
Salmandre	fo. 42
Sardines	fo. 22
Sauterelle de mer	fo. 17
Sanglier poisson du fleueu Achelo us	fo. 20
Saxatiles	fo. 17
Saulmont d'estain ou de plomb	fo.



**T A B L E**

Sanut	fo. 19	Tortuo	fo. 14 & 29
Scaurus	fo. 19	Tortues	fo. 30
Salpa	fo. 18	Troglodytes	fo. 51
Sceleros du Daulphin'	f. 45	Trippe du nombril du Daulphin	
Scardola	fo.		fo. 38 & 39
Serpent de mer	fo. 59 & 20	Traine	fo. 21
Serpens terrestres	fo. 19	Troiens	fo. 15
Sercasses font de la foy Greque.	f. 5	Truie	fo. 20
Selerins	fo. 20 & 47	Trueue	fo. 20
Singe de mer	fo. 14. 15 & 21	Truega	fo. 20
Synediæ	fo. 27	Triglites	fo. 37
Synodontides	fo. 37	Turco	fo. 9
Soleil	fo. 17	Tumbe	fo. 19
Sphiræna	fo. 17		
Spinaces Galei	fo.	<b>V</b>	
Sphinges	fo. 37 & 50	Vaisseau nommé Delphinus	fo. 26
Statues du Daulphin	fo. 50	Valturnus	fo. 5
Statues Egyptiennes	fo. 49	Vliffes	fo. 15 & 26
Statues Romaines	fo. 49	Viue	fo. 18
Stellaris	fo. 17	Veau de mer	fo. 29 & 47
Superstition des Grecs	fo. 5	Vter	fo. 30
Sus	fo. 20	Veines du Daulphin	fo. 36
Syriens	f. 5	Vreteres du Daulphin	fo. 37
		Vescie du Daulphin	fo. 37 & 40
<b>T</b>		Vrachus	38. 39 & 41
Tarentins	fo. 12 & 15	Voiage de monsieur le Baron des	
Taras	fo. 12 & 15	funct par Arabie deserte	
Tanches de mer	fo. 18	Vipere	fo. 42
Tanua	fo. 18	Vertebres du Daulphin	f. 45
Telemachus	fo. 15 & 26	Vignols	fo. 54
Teste du Daulphin	fo. 38		
Tygres	fo. 48	<b>Z</b>	
Tire Vespasien	fo. 12	Zigurelle	fo. 17
Toys	fo. 11 & 14	Zaphile, ou Zaphirus	fo. 18
		Zigena ou Libella	fo. 45 & 47

**FAVLTES ADVENNES A L'IMPRESSION.**

Au neufiesme fueillet chap. xv. ou il y ha que la voix du Daulphi lisez que le nô du Daulphin Au xv. fueillet chap. xvij. pour l'en-grauerie lisez l'engraueure. Au xvj. fueillet cha. xxx. ou il y ha ne pouues, lisez ne peuuët. Au xvij. fueil. ligne derniere ou il y a che nille lisez cheuille. au xix. f. chap. xxxj. pour raseau lisez circuit. Au xxxj. f. chap. penultime pour narines lisez racine.